

I CHA'LIBAL JINI YAJCABILO' BA AJSUBT'AÑOB ÑUMEL

Dios ti w_Λ al_Λ mi quej i choc ty_Λlel Ch'ujul b_Λ i Ch'ujlel

¹ P'unty_Λbilet b_Λ Teófilo. Ti yamb_Λ jun tsa' b_Λ c ñaxan ts'ijbubet tic ts'ijbubet pejtyel tsa' b_Λ i mele Jesús. Tic ts'ijbubet je'el pejtyel tsa' b_Λ i c_Λantis_Λ c'_Λl_Λl ti tyejchibal,

² c'_Λl_Λl jintyo ti p_Λjyi letsel ti panchan. Che' ñac max tyo lets ti panchan, Jesús ti yajc_Λ jini mu' b_Λ i choque' majlel ti subt'an. Ti Ch'ujul b_Λ i Ch'ujlel ti' c_Λantis_Λ yajc_Λbilo' b_Λ ajsubt'añob ñumel. Ti' c_Λantis_Λ pejtyel bajche' yom mi' cha'leñob troñel.

³ Che' ñac ti ujti y_Λc' i b_Λ ti sajtyel Jesús ti' cha' p_Λs_Λ i b_Λ ti yoque i cuxty_Λlel ti' tyojlelob tsa' b_Λ i ñaxan yajc_Λyob. C'_Λl_Λl ti ñumi cuarenta q'uin ti' ch_Λc p_Λs_Λ i b_Λ cha'an tsiquil melel_Λch cha' cuxulix. Ti' subeyob cab_Λl t'an cha'an i yumintyel Dios.

⁴ Che' ya' tyo an Jesús yic'otyob jini yajc_Λbilo' b_Λ ajsubt'añob ñumel ti' w_Λ subeyob cha'an mach yom loq'uicob majlel ti jini lum Jerusalén b_Λ i c'aba'. Ti' subeyob: Pijtyanla w_Λ'w_Λ'i jintyo mi ts'_Λctiyel tsa' b_Λ y_Λl_Λ c Tyat. Como mi quej i choc ty_Λlel jini Ch'ujul b_Λ i Ch'ujlel che' bajche' tic subetla.

⁵ Wajali Juan ti y_Λc'_Λ ch'_Λm ja'. Pero ma'ix jal wale Dios mi quej i y_Λq'ueñetla Ch'ujul b_Λ i Ch'ujlel. Che' ti y_Λl_Λ Jesús.

Jesús ti letsi ti panchan

6 Che' cha' much'quibilob jini yajc**Λ**bilob' b_Λ aj-subt'añob ñumel ti' c'ajtibeyob Jesús: C Yum, ¿jala-jqui mi quej a wotsan ti ye'tyel juntiquil israel b_Λ cha'an ti' q'uexol mach b_Λ israel? che' ti' c'ajtibeyob.

7 Jesús ti' jac'Λ: Mach la' wenta la' ña'tyan baqui b_Λ ora baqui b_Λ q'uin mi quej i cha' aq'uentyel. Jiñ**Λ**ch i bajñel yujil isujm c Tyat am b_Λ ti panchan.

8 Che' mi yochel ti la' pusic'al Ch'ujul b_Λ i Ch'ujlel Dios mi quej i y**Λ**q'ueñetla la' p'Aty**Λ**lel. Mi quej la' loq'uel majlel la' sube' j c'aba w**Λ**' ti Jerusalén yic'ot ti pejtyel pañimil tyac Judea b_Λ i c'aba' yic'ot Samaria b_Λ i c'aba'. C'Λ**Λ**l mi quej la' majlel ti más ñajt tyac b_Λ pañimil. Che' ti y**Λ**l**Λ** Jesús.

9 Che' ñac ti ujti i lu' subeñob tsa'ix p**Λ**jyi letsel Jesús ti panchan. Jini yajc**Λ**bilob' b_Λ ajsubt'añob ñumel ch**Λ**ncol tyo i ch**Λ**c q'uelob Jesús che' ñac ti letsi ti panchan. Ti ty**Λ**li tyocal tsa' b_Λ m**Λ**c**Λ**. Mach'anix ti' bej i**Λ**yob.

10 Ch**Λ**ncol tyo i ch'uj q'uelob ti chan ba' ch**Λ**ncol i letsel majlel Jesús. Che' jini ti queji i q'uelob ya' wa'al cha'tiquil winic ti' t'ejlob. Ñoj s**Λ**s**Λ**c i pislel.

11 Ti y**Λ**l**Λ**yob: Winicob ch'oyolet b_Λ la ti pañimil Galilea b_Λ i c'aba', ¿chucoch w**Λ**' tyo ch**Λ**c wa'aletla a q'uele' chan? Jini Jesús tsa' b_Λ p**Λ**jyi letsel ti panchan w**Λ**' ba' añetla mi quejel i cha' ty**Λ**lel ch'Λ**Λ**ch bajche' ti la' wil**Λ** ti majli ti panchan. Ch'Λ**Λ**ch ti subentiyob.

*Ti yajc**Λ**yob Matías cha'an i q'uexol Judas*

12 Ya' añob ti jump'ej wits Olivajol b_Λ i c'aba' che' ti ujti pejtyel jini. Ti cha' sujtiyob majlel ti

Jerusalén. Mach'an ñajt. Che' bajche' jump'ej jach kilómetro i ñajtlel.

¹³ Che' ñac ti c'otiyob ti Jerusalén ti ochiyob ti otyot. Ti letsiyob ti yambΛ junlajm ba' ti poj ajniyob Pedro yic'ot Jacobo. Ya'an Juan je'el yic'ot Andrés, Felipe, Tomás, Bartolomé, Mateo, Jacobo i yalobil bΛ Alfeo. Ya'an je'el Simón ch'oyol bΛ ba'an junmujch'o' bΛ cananistajo' bΛ i c'aba', yic'ot Judas i yijts'in Jacobo.

¹⁴ Ti jump'ejlob i pusic'al ti chΛc much'quiyob i bΛ ti oración yic'ot i yijts'iñob Jesús yic'ot María i ña' Jesús yic'ot yaño' bΛ x'ixicob je'el.

¹⁵ Ti jim bΛ q'uin ti' much'quiyob i bΛ che' bajche' ciento veintejob tsa' bΛ i ch'ujbiyob Jesús. Ti wa'le Pedro ti xiñilob.

¹⁶ Ti yΛΛ: Hermañujob, ti ñoj oniyix jini David ti' ts'ijbu bajche' ti subenti ti Ch'ujul bΛ i Ch'ujlel Dios. Como ti wΛ alΛ mi quej i pΛse' majlel bij Judas cha'an i chucob Jesús. Che' jini tsΛ'ach ts'actiyi Ts'ijbubil bΛ i T'an Dios. ChΛ'ach ti ujti bajche' ti wΛ alΛ mi quej i cha'len jini Judas.

¹⁷ Como Judas ti ajni la quic'ot. Ti aq'uenti ti' wenta ili troñel je'el.

¹⁸ Pero Judas ti' mañΛ jumpejt lum yubil, como ti c'Λjni i tyojol tsa' bΛ aq'uenti cha'an jini tsa' bΛ i niq'ui cha'le. Ti wi'il ti' bajñel yats'Λ i bΛ ti lia. Ti puc' yajli. Ti tyojmi. Ti loq'ui pejtyel i soy tya'.

¹⁹ Che' jini ti pam ubiyob ti pejtyelel ya' bΛ chumulob ti Jerusalén. Jin cha'an ti yotsΛbeyob i c'aba' ili jumpejt lum ti Acéldama. Yom i yΛle' i lum ch'ich'.

²⁰ Como ti jun Salmos bΛ i c'aba' mi yΛle':
La' joch cΛylec i yotyot.

Mach chumlec yambΛ ya'i.

Mi yΛl je'el:

La' i ch'Λm'en i toñel yambΛ.

ChΛ'Λch ts'ijbubil ti jun Salmos bΛ i c'aba'.

²¹ WΛ'an winicob tsa' bΛ i cha'leyob xΛmbal la quic'ot ti bele' q'uin che' ñac wΛ' tyo an ti mulawil Jesús.

²² An tsa' bΛ i yilΛyob bajche' ti ajni Jesús c'ΛΛ che' nac ti' ch'ΛmΛ ja' ti' c'Λb Juan. An la quic'ot c'ΛΛ jintyo ti pΛjyi letsel Jesús ti panchan. Yom yajcΛntic juntiquil mu' bΛ i tyem sub la quic'ot bajche' ti cha' tyejchi loq'uel Jesús ba'an sajtyemo' bΛ. Che' ti yΛΛ Pedro.

²³ Che' jini ti yajcΛyob cha'tiquil winic. Juntiquil José bΛ i c'aba'. Mí' subeñob je'el ti Justo. Mí' subeñob je'el ti Barsabás jini José. Jini yambΛ winic Matías bΛ i c'aba'.

²⁴ Che' jini ti' cha'leyob oración. Ti yΛΛyob: C Yum, lu' a wujilΛch isujm am bΛ ti' pusic'al winicob. PΛs'eñon lojon baqui bΛ ti ili cha'tiquil a wom a yajcan.

²⁵ Cha'an mi' ch'Λm'en i troñel ti subt'an tsa' bΛ i cΛyΛ Judas che' ti' tyaja i mul. Como che' ñac ti sajti ti majli ya' ba' mi majlel mach'Λ ba'an mi' ch'ujbin i t'an Dios. ChΛ'Λch ti' cha'leyob oración.

²⁶ Che' jini ti' cha'leyob yajcaya cha'an i yajcΛntyel i q'uexol Judas. Matías ti ochi ti' q'uexol. Ti ajni yic'ot jini once yajcΛbilo' bΛ ajsubt'añob ñumel. Lajal ti' cha'leyob troñel.

2

Ti tyΛli Ch'ujul bΛ i Ch'ujlel Dios

¹ Ya' lu' much'quibilob pejtyel ochemo' b_Λ ti' t'an Dios ti jump'ej otyot che' ti c'oti i yorojlel jini q'uin Pentecostés b_Λ i c'aba'.

² Ora jach ti queji i yubiñob ju'ucña che' bajche' p'aty_Λ b_Λ ic' ch'oyol b_Λ ti panchan. Ti bujt'i i yejts'al pejtyel jini otyot ba' buchulob.

³ Che' jini ti tsictiyi che' bajche' lemlemña b_Λ c'ajc. Ti wa'le ti jol ti jujuntiquilob.

⁴ Che' jini ti jujuntiquil ti bujt'iyob ti Ch'ujul b_Λ i Ch'ujlel Dios. Ti quejiyob ti t'an ti yan tyac b_Λ t'an che' bajche' ti y_Λc'ayob ti t'an jini Ch'ujul b_Λ i Ch'ujlel Dios.

⁵ Ti mismo jim b_Λ ora ya' añob ti Jerusalén israelo' b_Λ loq'uemo' b_Λ ti pejtyel pañimil tyac. Mi' bele' c'ajtisañob Dios.

⁶ Che' ñac ti yubiyob ili ju'ucña b_Λ t'an ti jojmiyob majlel i q'uelob. Mach'an ti' ña'ty_Λyob chuqui yom i y_Λle' como ti jujuntiquil ti yubiyob ch_Λncol ti subt'an ti yoque i t'añob.

⁷ Tyoj b_Λc'ñ_Λjel ti yubiyob. Ti y_Λl_Λyob: Ch'oyolob ti Galilea ti pejtyel ili winicob ch_Λncolo' b_Λ ti t'an

⁸ ¿Bajche'qui isujm, che' jini, mi lac lu' ubin ch_Λncolob ti t'an ti yoque lac t'an b_Λ yi? che'ob.

⁹ Lamital ch'oyolon b_Λ la ti pañimil Partia b_Λ i c'aba' yic'ot ya' ti Media, yic'ot ya' ti Elam, yic'ot ya' ti Mesopotamia, yic'ot ya' ti Judea, yic'ot ya' ti Capadocia yic'ot ya' ti Ponto, yic'ot ya' ti pañimil Asia b_Λ i c'aba'.

¹⁰ An ch'oyolon b_Λ la je'el ya' ti Frigia yic'ot Panfilia, yic'ot ya' ti Egipto yic'ot ti pañimil tyac ya' ti Africa ti l_Λc'alel yamb_Λ pañimil Cirene b_Λ i c'aba'. An je'el ch'oyolo' b_Λ ti Roma poj w_Λ'an ti jula' je'el. Lamital ch'oyolo' b_Λ ti Roma yoque israelob.

Lamital ti sutquiyob i b_Λ cha'an i ch'ujbiñob che' bajche' mi' ch'ujbiñob israelo' b_Λ.

¹¹ An je'el ch'oyolo' b_Λ ya' ti Creta yic'ot ya' ti Arabia. Lu' ch'oyolo' b_Λ ti Galilea jini ch_Λncox i subob i ñuclél Dios pero mi lac lu' ubin ti jujunchajp b_Λ lac t'an, che' ti y_Λayob.

¹² Tyoj b_Λc'ñ_Λjelob che' ñ_Λc ti yubiyob. Mach'an ti' ch'_Λmbeyob isujm jini ch_Λncol b_Λ i yujtyel. Ti c'ajtibeyob i b_Λ: ¿Bajche'qui i sujmlél jini? che'ob.

¹³ Pero yaño' b_Λ yi ti' wajleyob. Q'uixiñob. Che' ti y_Λayob.

I subt'an Pedro

¹⁴ Che' jini Pedro ti wa'le ti subt'an ti xinil jini yamb_Λ oncejob yajc_Λbilo' b_Λ ajsubt'añob ñumel. C'am ti queji ti t'an. Ti y_ΛΛ: Pi'_Λlob, ch'oyolet b_Λ la ti Judea yic'ot pejtyel w_Λ' b_Λ chumuletla ti Jerusalén, wen ñ_Λch'tyanla ch_Λ b_Λ mi quej c subeñetla. Ch'ujbinla jini.

¹⁵ Mach'an q'uixiñon lojon bajche' mi la' lolon ña'tyan como a las nueve jach tyo ti s_Λc'an, che'en. Como ma'an ba' b_Λ ora mi q'uixñañob israelob ti s_Λc'an.

¹⁶ Pero jini ch_Λncol b_Λ yujtyel jiñ_Λch tsa' b_Λ i w_Λ al_Λ jini tsa' b_Λ i xiq'ui y_Λle' Dios, Joel b_Λ i c'aba'.

¹⁷ Jini Joel ti y_ΛΛ:
Ti yujtibal b_Λ q'uin tyac Dios mi y_ΛΛ:
Mi quej c_Λq'ueñob Ch'ujul b_Λ c Ch'ujlel pejtyel quixtyañujob.

La' walobilob mi quej i w_Λ alob jini mu' b_Λ c mel. Jini alo' b_Λ winicob mi quejel i q'uel che' bajche' ti ñajal cha'an jini mu' tyo b_Λ quej yujtyel.

Mux c pejcan ñoxobix b_Λ ti ñajal tyac.

18 Ti mismo jim b_Λ oraji mi quej c_Λq'uen jini winic b_Λ yic'ot jini x'ixic b_Λ ajtroñelob c cha'an jini c Ch'ujlel.

Mi quej i subob c t'an.

19 Ya' ti chan mi quej c wen p_ΛS ñuc b_Λ c melbal yic'ot w_Λ' ti mulawil b_Λb_Λq'uen b_Λ seña_Λjlel c p'_Λty_Λlel:

jiñ_Λch ch'ich', c'ajc, yic'ot buts'.

20 Mi quej yic'an q'uin.

Ch_Λch_Λc che' bajche' ch'ich' mi majlel uw che' max tyo ñoj c'ot i q'uinilel i ty_Λlel la' Yum.

Jini q'uinilel i ty_Λlel la' Yum ñoj b_Λb_Λq'uen b_Λ q'uin.

21 Che' jini, majchical jach mu' b_Λ i pejcan la' Yum ti' c'aba' mi quej i coty_Λntyel.

Ch_Λ'_Λch ti y_ΛΛ Dios ti ti' Joel, che' bajche' ti cha' al_Λ Pedro.

22 Pedro ti y_ΛΛ je'el: Jatyetla israelet b_Λ la, ñ_Λch'tyanla mu' b_Λ c subeñetla. Dios ti' wen p_ΛS_Λ ti la' tyojlel cha'an añ_Λch i p'_Λty_Λlel jini Jesús ch'oyol b_Λ ti Nazaret. Como jiñ_Λch i p'_Λty_Λlel Dios ti tsictiyi ti Jesús ti la' tyojlel che' ñ_Λc ti' c'oq'uis_Λ xc'am'añob. Ti' cha' cuxtis_Λ sajtyemo' b_Λ yic'ot yan tyac b_Λ i melbal che' bajche' la' wujil isujm.

23 Pero che' ñ_Λc ti aq'uentiyetla Jesús ti la' p'_Λty_Λlel che' bajche' ti' w_Λ ña'ty_Λ Dios, jatyetla ti la' chucu. Ti la' w_Λc'_Λ ti' c'_Λb jini simarño' b_Λ tsa' b_Λ i ts_Λnsayob ti cruz.

24 Pero Dios ti cha' tyeche loq'uel ba'an sajtyemo' b_Λ como mach ch'ujb_i c_Λylec ti yaj_nib sajtyemo' b_Λ.

25 Como jini ñuc b_Λ yum_Λl ti ñoj oniyix David b_Λ i c'aba' ti' tyaja ti t'an Jesús. Ti y_ΛΛ:

Mic bele' q'uel c Yum ti' tyojel c wut.

Como bele' w_Λ' an quic'ot. Ma' mi quej c saj pensalin.

²⁶ Jin cha'an ñoj tijicña ti cubi. Tijicñayon tic cha'le t'an.

Che' mi ch'ujñ_Λntyel c b_Λc'tyal mu' tyo i pijtyan i cha' tyejchel loq'uel ba'an sajtyemo' b_Λ.

²⁷ Che' cu mach ya'ic mi quej a c_Λy c ch'ujlel ti yajnib sajtyemo' b_Λ.

Mach'an mi quej a w_Λc' ti p_Λc'm_Λl c b_Λc'tyal como joñon a walobilon.

²⁸ Mux a cha' aq'ueñon j cuxty_Λlel.

Che' w_Λ' añet quic'ot c'ajacñajax coj mi cubin.

Ch_Λ'_Λch ti' tyaja ti t'an Jesús jini David. Che' ti y_ΛΛ Pedro.

²⁹ Pedro ti y_ΛΛ je'el: Pi'_Λlob, lu' c_Λñ_Λl la' cha'an ti sajti David jini lac yum ti ñoj oniyix. Ti' ch'ujñ_Λyob. C'_Λl_Λ wale iliyi an ti lac lumal i yajnib ba' ti ch'ujñ_Λnti.

³⁰ Jini David jiñ_Λch juntiquil tsa' b_Λ i xiq'ui y_Λle' Dios. Ti' ña'ty_Λ i sujmllel tsa' b_Λ i y_ΛΛ Dios cha'an loq'uem ti' jiñ_Λjlel mi quej i ty_Λlel Cristo jini mu' b_Λ i ch'_Λm'en ñoj ñuc b_Λ ye'tyel David.

³¹ David ti' w_Λ ña'ty_Λ mu' b_Λ quej yujtyel. Ti' w_Λ ña'ty_Λ bajche' mi quej i cha' tyejchel loq'uel ba'an sajtyemo' b_Λ Cristo che' ñac ti y_ΛΛ cha'an mach ya'ic mi quej i c_Λy i Ch'ujlel ti yajnib sajtyemo' b_Λ. Mach'an mi quejel i y_Λc' ti p_Λc'm_Λl i b_Λc'tyal. Ch_Λ'_Λch ti' w_Λ tyaja ti t'an Cristo jini David che' max tyo ty_Λlem ti mulawil Cristo.

³² Dios ti cha' tyeche loq'uel Jesús ba'an sajtyemo' b_Λ. Ti lojon quil_Λ, joñon lojon.

³³ Ti p_Λjyi letsel Jesús ti panchan ya' ti' ñoj Dios cha'an tsiquil añ_Λch i ñuclel Jesús. Ti aq'uenti ti i

Tyat Ch'ujul b_Λ i Ch'ujlel che' bajche' ti w_Λ subenti. Jin cha'an ya' ty_Λlem ti Jesús pejtyel ch_Λncol b_Λ la' wubin, ch_Λncol b_Λ la' wilan wale iliyi, che' ti y_ΛΛ_Λ Pedro.

³⁴⁻³⁵ Como mach jinic David tsa' b_Λ letsi ti panchan pero David ti y_ΛΛ_Λ:

Jini lac Yum Dios ti' sube c Yum,
buchi' ilayi tic ñoj jintyo mi c_Λq'ueñet a ganarin a
contrajob.

Ch_Λ'_Λch ti y_ΛΛ_Λ David, che'en Pedro.

³⁶ Yom i lu' ch'_Λm'eñob isujm pejtyel israelob. Ñoj melel_Λch jiñ_Λch jini Jesús tsa' b_Λ la' ts_Λns_Λ ti cruz. Dios ch_Λncol i p_Λs ñoj melel lac Yum_Λch jini Jesús. Jiñ_Λch jini Cristo. Che' ti y_ΛΛ_Λ Pedro.

³⁷ Che' ñac ti yubiyob ili t'ani, quisintic ti yubiyob. Ti' c'ajtibeyob Pedro yic'ot yamb_Λ yajc_Λbilo' b_Λ ajsubt'añob ñumel: Pi'_Λlob, ¿chuqui yom mi lojon c cha'len? che'ob.

³⁸ Pedro ti' jac'beyob: C_Λy_Λx la' mul. Ch'_Λm_Λla ja' cha'an tsiquil ti la' ch'ujbi Jesús. Che' jini mi quej la' ñus_Λbentyel la' mul. Che' jini Dios mi quej i y_Λq'ueñetla Ch'ujul b_Λ i Ch'ujlel.

³⁹ Pejtyel tsa' b_Λ i y_ΛΛ_Λ Dios la' cha'añ_Λch yic'ot i cha'an la' walobilob. Ti ajq'ui jini t'an cha'añetla yic'ot cha'an la' walobilob yic'ot i cha'an jini ñajt b_Λ añob. I cha'an majchical jach mu' b_Λ i nijc_Λbentyel i pusic'al ti lac Yum Dios, che'en.

⁴⁰ Ti ili t'an tyac yic'ot yan tyac b_Λ t'an Pedro ti' wen xiq'uiyob. Ti' subeyob: Ch'ujbinla cha'an mi la' tyaj la' coty_Λntyel, cha'an ma' mi la' lolon ñusan wocol che' bajche' mi quej i ñusañob pejtyel simaroño' b_Λ. Che' ti y_ΛΛ_Λ Pedro.

41 Che' jini pejtyelelob tsa' b Δ i ch'ujbi ili t'an ti' ch' Δ m Δ yob ja'. Che' jini ti jim b Δ q'uin ti oc' Δ hermañujob che' bajche' tres mil quixtyañujob.

42 Ti' ñus Δ yob cab Δ l q'uin yic'ot jini yajc Δ bilo' b Δ ajsubt'añob ñumel cha'an i c Δ antis Δ ntyelob. Che' jini ti' wen xuc'chocoyob i pusic'al. Tyem tijicñayob. Ti' motin jap Δ yob i ya'lel uva, ti' motin c'uxuyob waj che' bajche' ti' xiq'uiyob Jesús i melob. Cab Δ l ti' cha'leyob oración.

Bajche' ti ajni jini ñaxan b Δ ochemo' b Δ ti' t'an Dios

43 Tyoj b Δ c'ñajel ti lu' yubiyob quixtyañujob. Ti' wen tsictiyi i p' Δ ty Δ lel Dios yic'ot jini yajc Δ bilo' b Δ ajsubt'añob ñumel.

44 Junlajalob i pensal jini tsa' b Δ i ch'ujbiyob Jesús. Tyem i cha'añob pejtyel ch Δ b Δ añob i cha'an.

45 Ti' choñoyob ch Δ b Δ an i cha'an yic'ot i lum tyac cha'an ti' tyem c' Δ mbeyob i tyojol cha'an ch Δ b Δ yes i c' Δ jnibal i cha'añob.

46 Ti' jujump'ej q'uin ti' much'quiyob i b Δ ti templo. Ti tyem uch'iyob ti yotyotyob tyac. Tyem tijicñayob. Jump'ejlob jach i pusic'al.

47 Ti' subuyob i ñuelel Dios. Ti q'uejliyob ti ñuc ti yamb Δ quixtyañujob. Ti jujump'ej q'uin Dios ti más oq'uis Δ jini tsa' b Δ i ch'ujbibeyob i t'an.

3

I lajmis Δ ntyel juntiquil mach' Δ ch'ujbi i cha'len x Δ mbal

1 Ti och an q'uin Pedro yic'ot Juan ti tyem letsiyob majlel ti i colem templo israelob ya' ti Jerusalén. Como i yorojlel Δ ch oración.

² Ya'an juntiquil winic mach'Λ mejl ti xΛmbal c'ΛΛ che' ñac ti ch'ocΛ. Bele' q'uin mi' pΛyob majlel ti ti' templo cha'an mi' c'ajtibeñob majtyan tyaq'uin jini mu' bΛ i yochelob ti templo. I c'aba' ili i ti' templo Hermosa.

³ Che' ñac ti yilΛ ochel muc'ob ti templo Pedro yic'ot Juan ti' c'ajtibeyob majtyan tyaq'uin.

⁴ Che' jini Pedro yic'ot Juan ti' ch'uj q'ueleyob jini c'am bΛ yi. Pedro ti yΛΛ: Q'ueleyon lojon, che'en.

⁵ Che' jini ti' ch'uj q'ueleyob como ti' ña'tyΛ mi quej yΛq'uentyel i majtyan.

⁶ Pedro ti' sube: Mach'an c tyaq'uin pero añach bajche' mij cotyañet, che'en. Cha'an ti' p'ΛtyΛlel Jesús ch'oyol bΛ ti Nazaret, wa'i. Cha'len xΛmbal. Che' yΛlol jini c'am bΛ.

⁷ Che' jini Pedro ti' chucu ti' ñoj. Ti' ch'uyu tyejchel. Ti wa' p'ΛtyΛliyi i bic' yoc yic'ot ti pejtyelel yoc.

⁸ Che' jini, ti tijp'i tyejchel. Ti queji ti xΛmbal. Ti ochi ti templo yic'otyob. Mu' ti xΛmbal. Mu' ti tijp'el. ChΛncox i sub i ñucllel Dios.

⁹ Pejtyel quixtyañu ya' ba'añob ti yilΛyob chΛncox ti xΛmbal. ChΛncolix i sube' i ñucllel Dios.

¹⁰ Ti' lu' cΛñΛyob jiñach jini tsa' bΛ buchle i c'ajtin i majtyan tyaq'uin ya' ti ti' templo Hermosa bΛ i c'aba'. Tsijc' che'ob i pusic'al. Tyoj bΛc'ñajelob cha'an bajche' ti lajmi ili winiqui.

I subt'an Pedro ya' ti lejch' yotyot Salomón bΛ i c'aba'

¹¹ ChΛncol tyo i tyul mec'ob Pedro yic'ot Juan ili winiqui tsa' bΛ lajmisΛnti yoc. Ya' ti majliyob ti jump'ej i lejch' yotyot Salomón bΛ i c'aba'. Ti wa'

ajñel much'quiyob i b_Λ pejtyel winicob ya' ba'añob. Tyoj b_Λc'ñ_Λjelob che' ti yil_Λyob.

12 Che' ñac ti yil_Λ ch_Λncox i much'quiñob i b_Λ, Pedro ti' subeyob: Winicob i jiñ_Λjlet b_Λ la Israel, ¿chucoch tyoj b_Λc'ñ_Λjletla che' mi la' wilan jini tsa' b_Λ ujti? ¿Chucoch mi la' ch'uj q'uelon lojon che' bajche' ti lojon c p'_Λty_Λlel ti lojon c lajmis_Λ iliwi winiqui o mi ti lojon c wenlel che' muq'uiix ti x_Λmbal ili winiqui?

13 Pero mach jinic ti lojon c wenlel. Jini Dios mu' b_Λ lojon c ch'ujbin, tsa' b_Λ i ch'ujbiyob je'el Abraham, Isaac, yic'ot Jacob, lac yumob ti ñoj oniyix, ti' wen p_Λs_Λ i ñucllel Jesús. Che' cu jini Jesús tsa' b_Λ la' w_Λq'ue i mel i b_Λ ba'an Pilato, jiñ_Λch i yalobil Dios. Pero che' ñac Pilato ti' lolon jop'o i cole' ma'an ti la' w_Λc'_Λ ti cojlel.

14 Ch'ujul_Λch jini Jesús. Ma' sajlic i mul. Pero ma'an ti la' w_Λc'_Λ ti cojlel. Tsa' jach la' c'ajti cha'an mi' colbeñetla juntiquil ajts_Λnsa.

15 Che' jini ti la' ts_Λns_Λ jini mu' b_Λ i y_Λq'ueñonla laj cuxty_Λlel. Jiñ_Λch jini tsa' b_Λ i tyeche loq'uel Dios ba'an sajtyemo' b_Λ. Ch_Λncol lojon c sube' cha'an Dios ti tyeche loq'uel como ti lojon quil_Λ joñon lojon. Che' ti y_Λl_Λ Pedro.

16 Pero q'uele la' wilan tsiquil_Λch an i p'_Λty_Λlel i c'aba' Jesús. Ti lajmis_Λanti ili winiqui cha'an ti lojon c ch'ujbi ti lojon c pusic'al, ti lojon j c'_Λñ_Λ i p'_Λty_Λlel Jesús. Che' jini ch_Λ'ach ti ujti bajche' ch_Λncol la' wilan cha'an ti caj i p'_Λty_Λlel Jesús.

17 Pi'_Λlob, cujil_Λch isujm jatyetla yic'ot año' b_Λ ye'tyel mach'an ti la' ña'ty_Λ ch_Λ b_Λ muq'uetla che' ñac ti la' ts_Λns_Λ Jesús.

18 Pero Dios ti y_Λc'Λ ti ts'actiyel i t'añoob jini tsa' b_Λ i xiq'ui y_Λle' Dios ti ñoj oniyix. Como jini ti w_Λ al_Λyob cha'an mi quejel i ñusan wocol Cristo.

19 Jin cha'an pensalin la' mul. C_Λy_Λx la' mul cha'an ñus_Λbentic la' mul. Che' jini Dios mi quej i ñ_Λch'chocon la' pusic'al.

20 Mi quej i cha' choc ty_Λlel Jesús. Jiñ_Λch jini Cristo tsa' b_Λ w_Λ yajc_Λnti ti Dios cha'añetla.

21 Jesús mi quej i c_Λty_Λ ya' ti panchan jintyo mi c'otyel i yorojlel che' Dios mi quej i lu' tsijibtisan pejtyel ch_Λ b_Λ an tyac. Ch_Λ'_Λch ti w_Λ al_Λ Dios ti ti' jini tsa' b_Λ i xiq'ui y_Λle' ti ñoj oniyix.

22 Moisés ti' sube lac yumob ti ñoj oniyix: Lac Yum Dios mi quejel i yajcan juntiquil mu' b_Λ i xiq'ue' y_Λle' Dios loq'uem ya' ba' añetla. Juntiquil la' pi'_Λl ch_Λ'_Λch bajche' ti yajc_Λyon. Ch'ujbinla pejtyel ch_Λ b_Λ jach mi' subeñetla.

23 Como majchical jach mach'an mi' ch'ujbin i t'an mi quejel i chojquel loq'uel ba'an lac pi'_Λlob israelob. Mi quejel i jis_Λntyel. Che' ti y_Λl_Λ Moisés ti ñoj oniyix.

24 Ch_Λ'_Λch je'el ti' cha'le t'an pejtyel yaño' b_Λ tsa' b_Λ i xiq'ui y_Λle' Dios. Che' ti y_Λl_Λ Samuel yic'ot pejtyel yaño' b_Λ wi'ilix b_Λ ti ty_Λliyob. Ti lu' cha'leyob t'an cha'an jini ch_Λncol b_Λ yujtyel wale iliyi.

25 La' cha'añ_Λch wale iliyi pejtyel tsa' b_Λ i w_Λ lu' al_Λ Dios ti ñoj oniyix tsa' b_Λ y_Λl_Λ ti ti' jini tsa' b_Λ i xiq'ui y_Λle' Dios. Cha'an la' wenlel Dios ti' mele trato yic'ot lac yum ti ñoj oniyix Abraham b_Λ i c'aba'. Dios ti y_Λq'ue i t'an Abraham. Ti y_Λl_Λ: Ya' loq'uem ti a jiñ_Λjlel mi quejel i ty_Λlel juntiquil

mu' b_Λ i cotyan pejtyel año' b_Λ ti mulawil. Che' ti subenti Abraham ti Dios, che' Pedro.

²⁶ Che' jini, che' ñac Dios ti tyeche loq'uel Jesús ba'an sajtyemo' b_Λ, ñaxan ti' xiq'ui ty_Λlel w_Λ' ba' añetla cha'an mi y_Λq'ueñetla la' wenlel cha'an mi la' c_Λy la' mul ti jujuntiquiletla. Che' ti' cha'le t'an Pedro.

4

Pedro yic'ot Juan ti' tyojlel año' b_Λ i ye'tyel

¹ Ch_Λncol tyo i pejcañob quixtyañujob Pedro yic'ot Juan che' ñac ti ty_Λliyob curajob i cha'an b_Λ israelob yic'ot i yumob policia i cha'an b_Λ templo ya' ti Jerusalén yic'ot jumujch' winicob saduceojo' b_Λ i c'aba'.

² Ti' mich'q'ueleyob Pedro yic'ot Juan como ch_Λncox i c_Λntisañob quixtyañujob. Ch_Λncox i subeñob cha'an Jesús ti tyejchi loq'uel ba'an sajtyemo' b_Λ. Ch_Λncol i y_Λlob cha'an tsiquil_Λch, che' jini, mi quej i tyejchelob yaño' b_Λ ba'an sajtyemo' b_Λ je'el.

³ Ti' chucuyob. Ti yots_Λyob ti c_Λchol jintyo ti yijc'_Λlel. Mach ch'ujbi i wa' y_Λc'ob ti melojel como iq'uix quejel.

⁴ Pero cab_Λl tsa' b_Λ yubiyob i t'an jini yajc_Λbilo' b_Λ ajsubt'añob ñumel ti' ch'ujbiyob. Che' jini ti oc'_Λyob jintyo anix l_Λc'_Λl jop'ej mil che' winicob jach ti tsijquiyob.

⁵ Ti yijc'_Λlel ti' much'quiyob i b_Λ ya' ti Jerusalén jini israelob año' b_Λ ñuc b_Λ ye'tyel, yic'ot xñoxo' b_Λ año' b_Λ ye'tyel yic'ot ajc_Λntisajob cha'an i mandar Moisés.

6 Ya'an je'el ñoj ñuc bΛ cura Anás bΛ i c'aba' yic'ot Caifás je'el, yic'ot Juan, Alejandro yic'ot pejtyelex i pi'Λlob jini ñoj ñuc bΛ cura.

7 Jiñob ti' xiq'uiyob i pΛy tyΛlel Juan yic'ot Pedro ya' ba'añob. Ti' c'ajtibeyob: ¿Majchiqui ti yΛq'uetla ti la' wenta cha'an mi la' cha'len che' bajche' chΛncol la' niq'ui cha'len? ¿Baqui ti la' tyaja i p'ΛtyΛlel lajmisaya? Che' ti' c'ajtibeyob.

8 Jini Ch'ujul bΛ i Ch'ujlel Dios am bΛ ti' pusic'al Pedro ti yΛq'ue i jaq'ue'. Ti yΛΛ: Jatyetla, yumΛlet bΛ la, jatyetla, xñoxet bΛ la am bΛ la' we'tyel wΛ' ti lac lumal.

9 ChΛncol la' c'ajtibeñon lojon bajche' ti ujti, bajche' ti lajmisΛnti ili mach bΛ mejl i nijcan i yoc.

10 Mux c subeñetla che' jini, cha'an mi' lu' ña'tyan pejtyel israelob. Ili winiqui wΛ' ba'an wΛ'i ti lajmisΛnti cha'an ti caj ti lojon j c'ΛñΛ i p'ΛtyΛlel Jesucristo ch'oyol bΛ ti Nazaret. Jiñach jini tsa' bΛ la' tsΛnsΛ ti cruz, tsa' bΛ i tyeche loq'uel Dios ba'an sajtyemo' bΛ.

11 Jiñach jini Jesús tsa' bΛ i tyaja ti t'an ts'ijbubil bΛ i t'an Dios ba' mi yΛle': Jiñach jini wen bΛ tyun yubil tsa' bΛ la' wa'choco xmel tyun bΛ otyotyetla. Pero jini tyun ti ochi bajche' oy ti xujc' otyot.

12 Mach'an yambΛ ba' ch'ujbi lac tyaj laj cotyΛntyel. Dios ma' ti yΛc'onla yambΛ ti pejtyelex mulawil ba' mi lac tyaje' laj cotyΛntyel. Cojach ti Jesús. Che' ti yΛΛ.

13 Jini am bΛ ye'tyel ti yilayob wen ch'ejl ti' cha'leyob t'an Pedro yic'ot Juan. Tyoj bΛc'ñΛjel ti yubiyob como yujilob isujm mach'an ti cabΛ ochiyob ti q'uel jun mi añobic ye'tyel. Ti' ña'tyayob

che' i pi'alo_hch ti x_hmbal Jesús che' ñac w_h' tyo an ti mulawil Jesús.

14 Mach'an ch_h b_h ch'ujbi i y_hlob ti' contra Pedro yic'ot Juan como ya' wa'al yic'otyob jini tsa' b_h c'oq'uis_hanti.

15 Ti' xiq'uiyob loq'uel ba'añob. Ti queji i bajñel pejcañob i b_h jini año' b_h ye'tyel.

16 Ti y_hl_hyob: ¿Chuquiyes mi quejel lac tyumben ili winicob? Tisquil_hch tsa'ix i p_hs_hyob ñuc b_h i p'_hty_hlel. Lu' yujilob isujm ili w_h' b_h chumulob ti Jerusalén. Mach ch'ujbi la c_hl mi lot.

17 Pero cha'an mach ch_hc p'o_hjlic ili t'an ba'an quixtyañujob, la' lac wen tic'ob cha'an ma' mi' ch_hc subeñob t'an cha'an jini Jesús. Che' ti y_hl_hyob año' b_h i ye'tyel.

18 Che' jini ti' cha' p_hy_hyob ty_hlel Pedro yic'ot Juan. Ti' wen tiq'uiyob cha'an ma'an mi' ch_hc cha'len subt'an mi c_hntisa cha'an jini Jesús.

19 Pero Pedro yic'ot Juan ti' jac'beyob: ¿Bajche'qui yom mi lojon c cha'len mi la' w_hl? ¿Yom ba mi lojon cac'ben i t'an Dios o mi lojon cac'beñet la' t'an jatyetla?

20 Mach ch'ujbi lojon c_hy c sub jini tsa' b_h lojon quil_h, tsa' b_h lojon cubi. Che' ti' jac'_hyob Pedro yic'ot Juan.

21 Jini ñuc b_h curajob i cha'an israelob yic'ot xñoxob am b_h ye'tyel ti' tiq'uiyob. Ti' coloyob. Ma'an ch_h b_h ti tyumbeyob cha'an ch_hncox i b_hc'ñañob quixtyañujob como jiñob ch_hncox i q'uelob ti ñuc Pedro yic'ot Juan. Ti pejtyelel quixtyañu ch_hncox i subob i ñucl_hel Dios cha'an jini tsa' b_h u_hti.

22 Jini winic tsa' b_Λ lajmis_Δnti ñumenix ti cuarenta i jabilel.

Ochemo' b_Λ ti' t'an Dios mi' c'ajtibeñob Dios i ch'ejlel

23 Che' ñac ti cojliyob Pedro yic'ot Juan ti sujtiyob majlel ya' ba'an ochemo' b_Λ ti' t'an Dios. Ti' subeyob pejtyel tsa' b_Λ subentiyob ti ñuc b_Λ curajob yic'ot jini yaño' b_Λ año' b_Λ ye'tyel.

24 Che' ñac jini ochemo' b_Λ ti' t'an Dios ti yubiyob pejtyel bajche' ti ujti, ti jump'ejlob jach i pusic'al ti' cha'leyob oración. Ti y_Δayob: C Yum, jatyet Dioset. Ti a mele chan yic'ot mulawil. Ti a mele colem ja' tyac yic'ot pejtyel yan tyac b_Λ.

25 C Yum, jatyet ti Ch'ujul b_Λ a Ch'ujlel ti a cha'le t'an ti' ti' David jini ajtroñel a cha'an, jini lojon c yum ti ñoj oniyix. Ti y_ΔΔ:

Lu' mich'ob pejtyel jini mach b_Λ israelobic.

Ch_Δncol i ch_Δc lolon pensaliñob jini mach' b_Λ ba'an i c' b_Δjnibal.

26 Jini yum_Δlob ti mulawil yic'ot ñuco' b_Λ ye'tyel ti' much'quiyob i b_Λ

cha'an mi' contrajiñob Dios yic'ot Cristo jini yajc_Δbil b_Λ i cha'an Dios.

Che' ti' tyajayob ti t'an ti oración ts'ijbubil b_Λ i t'an Dios bajche' ti y_ΔΔ David ti ñoj oniyix.

27 Ti oración ti bej a_Δyob: Ñoj melel_Δch w_Δ' ti ili b_Λ lum ti' much'quiyob i b_Λ Herodes yic'ot Poncio Pilato yic'ot israelo' b_Λ yic'ot jini mach b_Λ israelob. Ti' lu' much'quiyob i b_Λ ti' contra Jesús jini ch'ujul b_Λ a walobil, jiñ_Δch jini tsa' b_Λ a yajc_Δ cha'an lojon cajcotyayaj.

28 Che' jini ch^Λ'ach ti lu' ts'^Λactiyi pejtyel tsa' b^Λ a w^Λ a^Λ mi quej i wersa ujtyel.

29 Wale, C Yum, q'^{ue}le bajche' ch^Λncox i jop' i b^Λc'tisañon lojon. Pero ajtroñelon lojon a cha'an, c Yum. Cotyañon lojon cha'an wen ch'ejl mi lojon c sub a wen t'an.

30 P^Λs^Λ a p'^Λty^Λlel cha'an lajmicob xc'am'añob. P^Λs^Λ ñuc tyac b^Λ a p'^Λty^Λlel cha'an ti' p'^Λty^Λlel Jesús jini ch'ujul b^Λ a walobil. Ch^Λ'ach ti' cha'leyob oración jini ochemo' b^Λ ti' t'an Dios.

31 Che' ñac ti ujtiyob ti oración ti' nijc^Λ Dios jini otyot ba' much'quibilob. Ti bujt'iyob i pusic'al jujuntiquil ti Ch'ujul b^Λ i Ch'ujlel Dios. Ch'ejl ti' bej subuyob i t'an Dios. Ma' sajlicob i b^Λq'uen.

Junlajal añob ch^Λ b^Λ an tyac i cha'an

32 Jump'ej jach i pusic'al, jump'ej jach i pensal pejtyel jini ochemo' b^Λ ti' t'an Dios. Ma'an majch ti y^ΛΛ mi i bajñel i cha'an ch^Λ b^Λ an i cha'an. Tyem i cha'añob^Λch ti pejtyelelob.

33 Dios ti bej y^Λq'ueyob cab^Λ i p'^Λty^Λlel ti subt'an jini yajc^Λbilo' b^Λ ajsubt'añob ñumel. Ti' ch^Λc subuyob cha'an ti tyejchi loq'uel Jesús ba'an sajtyemo' b^Λ. Ti pejtyelel tsa' b^Λ i ch'ujbiyob ti' pusic'al i t'an Dios ti aq'uentiyob i yutslel i pusic'al Dios.

34-35 Ma'an majch mach'^Λ ba'an ch^Λ b^Λ an i cha'an, como jini am b^Λ i lum, am b^Λ yotyot ti' choñoyob. Ti' ch'^Λm^Λ ty^Λlel i tyojol. Ti y^Λq'ue yajc^Λbilo' b^Λ ajsubt'añob ñumel. Ti' t'oxbeyob cha'an jas^Λ ch^Λ b^Λ an i cha'an jini ochemo' b^Λ ti' t'an Dios.

36 Ya'an yic'otyob juntiquil winic ch'oyol b^Λ ti jump'ej saj lum joyol b^Λ ti ja' Chipre b^Λ i c'aba'. José

i c'aba' jini winic. I jiñajlel Levita jini José. Jini yajcabilo' b_Λ ajsubt'añob ñumel mi' pejcan José ti Bernabé. I sujmllel i c'aba' ti lac t'an mi yal jini mu' b_Λ i cha' tijicnisabeñonla lac pusic'al.

³⁷ Jini José ti' choño i lum. Ti' ch'ambeyob tyalel i tyojol. Ti' yalq'ue ti' wenta yajcabilo' b_Λ ajsubt'añob ñumel.

5

I mul Ananías yic'ot Safira

¹ Ya'an yic'otyob je'el yamb_Λ winic Ananías b_Λ i c'aba' yic'ot yijñam Safira b_Λ i c'aba'. Ti' choño i lum.

² Che' jini Ananías ti' t'ox lotyo lamital jini i tyojol i lum. Ti' ch'am_Λ majlel lamital. Ti' yalq'ue yajcabilo' b_Λ ajsubt'añob ñumel che' bajche' ti pejtyelel ti' lolon mele. I yijñam yujilix isujm bache' ti' cha'le i ñoxi'al.

³ Che' jini, Pedro ti yal_Λ: Ananías, ¿bajche'qui isujm ti ochi Satanás ti a pusic'al cha'an ma' jop' a lotin Ch'ujul b_Λ i Ch'ujlel Dios? ¿Chucoch ti a t'ox mucu i tyojol a lum?

⁴ ¿Mach ba a cha'anic che' ya' tyo an a lumi? Che' je'el che' tsa'ix a choño, ¿mach ba a cha'añach i tyojol? ¿Chucoch ti a lolon cha'le lot che' bajche' jini? Mach winicob tsa' b_Λ a loti. Jiñach Dios ti a loti, che' Pedro.

⁵ Che' ñac ti yubi ili t'an, Ananías ti yajli ti lum. Ti wa' sajti. Pejtyel jini tsa' b_Λ yubiyob bajche' ti ujtí ti wen quejyob ti b_Λq'uen.

⁶ Che' jini ti tyaliyob cha'tiquil uxtiquil alo' b_Λ winicob. Ti' b_Λc'ayob ti pisil. Ti' q'uecheyob majlel cha'an mi' ch'ujñañob.

⁷ Ti ñumi che' bajche' uxp'ej ora. Ti ochi yijñam Ananías. Max tyo ti yubi bajche' ti ujti.

⁸ Pedro ti' c'ajtibe: ¿Subeñon mi melel_Λch ti la' choño la' lum, mi ch_Λ'_Λch i tyojol bajche' ti la' w_ΛΛ? che'en. Jini x'ixic ti' jac'_Λ: Ch_Λ'_Λchi, che'en.

⁹ Che' jini, Pedro ti' cha' sube: ¿Chucoch ti la' laja la' t'an cha'an mi la' jop' la' lotin Ch'ujul b_Λ i Ch'ujlel lac Yum? Q'uele awilan, ya' añoob ti pañimil tsajni b_Λ i ch'ujñañoob a ñoxi'al. Wale mi quej i p_Λyetyob majlel je'el, che'en.

¹⁰ Che' jini ti wa' sajti. Ti yajli ti yebal yoc Pedro. Che' ñac ti ochiyob jini alo' b_Λ winicob sajtyemix ti' tyajayob. Ti' q'uecheyob majlel. Ti' ch'ujñ_Λyob ya' ti' t'ejl i ñoxi'al.

¹¹ Tyoj b_Λc'ñ_Λjelob ti yubiyob pejtyel ochemo' b_Λ ti' t'an Dios yic'ot yaño' b_Λ tsa' b_Λ yubiyob bajche' ti ujti.

Bajche' ti' p_Λs_Λ ñuc b_Λ i melbal Dios

¹² Dios ti' p_Λs_Λ i p'_Λty_Λlel ba'an quixtyañujob ti' c'_Λbob yajc_Λbilo' b_Λ ajs_Λsubt'añoob ñumel. Pejtyel ochemo' b_Λ ti' t'an Dios mi' lu' much'quiñoob i b_Λ ti lejch' yotyot Salomón b_Λ i c'aba' ya' ti' jini colem templo.

¹³ Jini mach'_Λ ba'an ochemo' b_Λ ti' t'an Dios ti' q'uele ti ñuc jini ochemo' b_Λ ti' t'an Dios pero ti b_Λc'ñ_Λ i yochelob.

¹⁴ Iyonlel winicob x'ixicob ti' ch'ujbiyob Jesús ti' pusic'al.

¹⁵ Lamital quixtyañu ti' p_Λy_Λ majlel c'amo' b_Λ i pi'_Λlob ti bij ba' mi ñumel Pedro. Ya' ti' tyots' c_Λy_Λyob ti w_Λyib cha'an jas_Λl jach i y_Λxñal Pedro mi tyajty_Λlob cha'an lajmicob.

16 Che' je'el ti c'oti cabalob ya' b_Λ chumulob ti saj lum tyac ya' ti' joytyal_Λel Jerusalén. Ti' p_Λy_Λyob tyal_Λel xc'amo' b_Λ yic'ot tyac'labilo' b_Λ ti xiba cha'an mi lajmel. Ti lu' lajmis_Λntiyob.

Bajche' ti tyac'lan_Λtiyob Pedro yic'ot Juan

17 Jini ñuc b_Λ cura yic'ot i pi'lob ti troñel s_Λducejo' b_Λ i c'aba' ti queji i ts'a'q'uel jini yajc_Λbilo' b_Λ ajs_Λubt'añob ñumel como cabal quixtyañujob ch_Λncol i ch'ujbiben i t'an Dios.

18 Ti' chucuyob. Ti yots_Λyob ti c_Λchonib_Λ.

19 Pero ti ac'b_Λlel jini ajtroñel i cha'an Dios ch'oyol b_Λ ti panchan ti' jambeyob i ti' c_Λchonib_Λ. Ti' p_Λy_Λyob loq'uel.

20 Ti' subeyob: Cha' cucuxla ya' ti templo. Yom mi la' suben pejtyel quixtyañujob jini t'an bajche' mi lac tyaj laj cuxtyal_Λel ti Cristo. Che' ti y_Λl_Λ jini ajtroñel i cha'an Dios ch'oyol b_Λ ti panchan.

21 Ti' cha'leyob bajche' ti subentiyob. Ti s_Λc'an ti cha' ochiyob ti templo. Ti quejiyob ti c_Λntisa. Che' jini, ti jini mismo b_Λ ora jini ñuc b_Λ cura yic'ot i pi'lob ti toñel ti' p_Λy_Λyob tyal_Λel pejtyel am b_Λ ye'tyel ti Junta Suprema. Jiñ_Λch jini xñoxob am b_Λ ye'tyel cha'an israelob. Che' jini ti' choco majlel policíajob ya' ti c_Λchonib_Λ cha'an i p_Λy tyal_Λel jini yajc_Λbilo' b_Λ ajs_Λubt'añob ñumel.

22 Che' ñac ti c'otiyob ti c_Λchonib_Λ jocholix ti' tyajayob. Ma'ix ya'añob. Ti cha' sujtiyob ba' much'quibilob am b_Λ ye'tyel. Ti' subeyob:

23 Wen ñup'ul ti lojon c tyaja c_Λchonib_Λ. Ya' añob ajc_Λñ_Λtya c_Λchonib_Λ wa'al ti ti' pero che' ñac ti lojon cam_Λ i ti', ma'ix majch an ti malil, che'ob.

24 Che' ñac ti yubiyob ili t'an jini ñuc bΛ cura yic'ot saducejob yic'ot ñuc bΛ policía i cha'an bΛ templo ti queji i wen pensaliñob: ¿Bajche'qui mi quej i yujtyel pejtyel jini? che'ob.

25 Che' ñac chΛncolob tyo ti pensal ti c'oti jun-tiquil tsa' bΛ subeyob: Ubinla, ya' añob ti templo jini winicob tsa' bΛ la' wotsΛ ti cΛchol. ChΛncox i cΛntisañob quixtyañujob, che'en.

26 Jini ñuc bΛ policía yic'ot i winicob ti majli ya' ti templo cha'an i pΛyob tyΛlel. Pero mach'an chΛ bΛ ti' tyumbeyob jini yajcΛbilo' bΛ ajsubt'añob ñumel. Xuc'ul jach ti' pΛyΛyob loq'uel como jini policíajob ti' bΛc'ñΛyob jujlel ti tyun ti jini yambΛ quixtyañujob.

27 Che' ñac ti c'oti yic'otyob ti' pΛyΛyob ochel ya' ba'an año' bΛ ye'tyel. Jini ñuc bΛ cura ti' subeyob:

28 Joñon lojon tic wen tiq'uiyetla ti tsats bΛ t'an cha'an mach la' chΛc cha'len cΛntisa cha'an ili winiqui. Pero ¿bajche'qui ti la' cha'le wale? Q'uele awilan, chΛncol la' pam pujquel la' cΛntisa ti pejtyel Jerusalén. La' wom jach la' pajtyañon lojon che' joñon lojon ti cΛc'Λ ti tsansΛntyel jini Jesús. Che' ti yΛΛΛ jini ñuc bΛ cura.

29 Che' jini Pedro yic'ot yambΛ yajcΛbilo' bΛ ajsubt'añob ñumel ti' jac'Λyob: An ti lojon c wenta mi lojon jac'ben i xic'ojel Dios aunque mi lojon c ñusΛben i xic'ojel winicob.

30 Jatyetla ti la' tsansΛ Jesús che' ñac ti la' joc'choco ti cruz. Pero Dios ti tyeche loq'uel ba'an sajtyemo' bΛ. Jiñach jini mismo Dios tsa' bΛ i ch'ujbiyob ti' pusic'al lac yumob ti ñoj oniyix je'el.

31 Dios ti' pΛyΛ letsel Jesús ya' ti' ñoj cha'an tsiquil añach i ñucler Jesús. Ti otsΛnti ti ñuc bΛ ye'tyel

yic'ot ti ajcotyayaj. Añach, che' jini, bajche' ch'ujbi i pensaliñob i mul cha'an i cayob i mul israelob yic'ot cha'an mi ñusabentyelob i mul.

³² Cujilach lojon isujm chuqui chancol lojon cale'. Ch'ach mi yale' je'el Ch'ujul b*Λ* i Ch'ujlel Dios tsa' b*Λ* aq'uenti majchical jach mi' ch'ujbin Dios. Che' ti yalayob jini yajcabilo' b*Λ* ajsubt'añob ñumel.

³³ Che' ñac ti yubiyob ili t'an jini año' b*Λ* ye'tyel ti wen mich'ayob. Yom i tsansañob jini yajcabilo' b*Λ* ajsubt'añob ñumel.

³⁴ Pero ya'an juntiquil fariseo, Gamaliel b*Λ* i c'aba'. Jini Gamaliel lu' yujil isujm jini oñiyix b*Λ* i xic'ojel Dios. Pejtyel quixtyañu ti' q'ueleyob ti ñuc jini Gamaliel. Jini ti wa'le. Ti' subeyob cha'an mi' poj paly loq'uel jini yajcabilo' b*Λ* ajsubt'añob ñumel.

³⁵ Gamaliel ti' subeyob jini año' b*Λ* ye'tyel: Pi'lob, ña'tyanla ch*Λ* b*Λ* mi quej la' tyumbeñob ili winicob.

³⁶ C'ajal la' cha'an max tyo jaliji juntiquil winic Teudas b*Λ* i c'aba' ti' lolon subu i b*Λ* ti ñuc. Che' jini ti queji i tsacleñob che' bajche' cuatrocientos winicob. Pero ti tsansanti jini Teudas. Ti lu' puts'iyob jini winicob. Ti cha' lajmi jini t'an.

³⁷ Ti wi'il che' ti yorojlel censo ti tyali yamb*Λ* winic loq'uem b*Λ* ti Galilea Judas b*Λ* i c'aba'. Cabal winicob ti' tsacle'yob majlel jini Judas. Pero ti' tsansayob je'el. Ti lu' puts'iyob i winicob.

³⁸ Jin cha'an mic subeñetla, la' ajnic ili winicob. Mach la' wotsan la' b*Λ*. Mi tyalem jach ti bajñel i pusic'alob ili t'an, che' jach mi quej i lajmel.

³⁹ Pero mi tyalem ti Dios mach ch'ujbi la' jisan. Ña'tyanla ame chancol la' contrajin Dios. Che' ti yala jini Gamaliel.

40 Jini am b_Λ ye'tyel ti' ch'ujbibeyob i t'an Gamaliel. Ti' cha' p_Λy_Λyob ochel jini yajc_Λbilob' b_Λ ajsubt'añob ñumel. Ti' jats'_Λyob ti chij. Ti' cha' tiq'uiyob cha'an mach'an mi' ch_Λc cha'leñob t'an cha'an Jesús. Che' jini ti' coloyob.

41 Jini yajc_Λbilob' b_Λ ajsubt'añob ñumel ti loq'uiyob majlel ba'an jini am b_Λ ye'tyel. C'ajacñayob i yoj cha'an Dios ti y_Λq'ueyob i ñusan wocol cha'an ti caj Jesús.

42 Ma' ti' c_Λy_Λyob mi jump'ejlic q'uin i sub ñumel jini wen b_Λ t'an cha'an Jesús, jiñ_Λch Cristo yajc_Λbil b_Λ i cha'an Dios. Ti' subuyob ti jini colem templo ya' ti Jerusalén yic'ot ti otyotyel tyac.

6

Ti yajc_Λyob jini siete diácanojob

1 Ti wen oc'_Λyob jini ochemo' b_Λ ti' t'an Dios. Che' jini lamital jini mu' ti t'an ti t'añob griegojob ti queji i mich'q'uelob jini mu' b_Λ ti t'an ti t'añob hebreojob. Jini griegojo' b_Λ ti queji i y_Λle' cha'an jini meba' ixicob i cha'añob mach junlajal ch_Λncol i y_Λq'uentyel i b_Λlob i ñ_Λc' ti jujump'ej q'uin che' bajche' hebreojo' b_Λ meba' ixicob.

2 Jini doce yajc_Λbilob' b_Λ ajsubt'añob ñumel ti' xiq'uiyob cha'an i much'quiñob i b_Λ pejtyel ochemo' b_Λ ti' t'an Dios. Ti' subeyob: Mach wen cha'an mi lojon c poj c_Λy lojon c subt'an cha'an mi lojon c puc waj, che'ob.

3 Jin cha'an, pi'_Λlob, yom mi la' yajcan w_Λ b_Λ loq'uem ti lac tyojlel siete winicob mu' b_Λ lojon c_Λq'uen ti' wenta ili toñel. Yom mi la' yajcan but'ulo' b_Λ i pusic'al ti Ch'ujul b_Λ i Ch'ujlel Dios, jini

mu' b_Λ q'uejlel ti ñuc ti yaño' b_Λ. Yom je'el jini mu' b_Λ i ña'tyaño' bajche' yom i melob.

⁴ Joñon lojon mux c bej cha'len lojon oración yic'ot subt'an. Che' ti y_Λayob jini yajc_Λbilo' b_Λ ajsubt'año' ñumel.

⁵ Weñach ti yubiyob ti pejtyelelob. Ti' yajc_Λyob Esteban tsa' b_Λ i ch'ujbi Jesús ti pejtyel i pusic'al. But'ul i pusic'al Esteban ti Ch'ujul b_Λ i Ch'ujlel Dios. Ti yajc_Λyob je'el Felipe, Prócoro, Nicanor, Timón, Parmenas yic'ot Nicolás. Ti wajali mach b_Λ israelic jini Nicolás, pero ti wi'il ti' sutqui i b_Λ ti israel b_Λ quixtyañu. Ti wi'il, ti yubi i t'an Dios. Ti' ch'ujbi Jesús ti' pusic'al. Ti ochi ti' t'an Dios. Jini Nicolás ch'oyol ti lum Antioquía b_Λ i c'aba'.

⁶ Che' ñac pejtyel ochemo' b_Λ ti' t'an Dios ti ujti i yajcaño' jini sietejob, ti' p_Λyayob ty_Λlel ba'an yajc_Λbilo' b_Λ ajsubt'año' ñumel. Jini docejob ti y_Λq'ueyob i c'ab ti' pam i jolob. Ti' cha'leyob oración.

⁷ Ti wen pujqui i t'an Dios. Ti wen oc'ayob ochemo' b_Λ ti' t'an Dios ya' ti Jerusalén. Jinic tyo i yonlel curajob ti ochiyob ti' t'an Dios je'el.

Ti' chucuyob Esteban

⁸ Dios ti' wen y_Λq'ue i yutsllel i pusic'al jini Esteban. Jiñach juntiquil tsa' b_Λ aq'uentiyob ti' wenta i pucob waj. Dios ti' wen y_Λq'ue i p'aty_Λlel cha'an mi' p_Λs ñuc b_Λ i p'aty_Λlel ti' tyojlel quixtyañujob.

⁹ Che' jini, winicob mu' b_Λ i yajñelob ti' templo israelob Esclavos Libertados b_Λ i c'aba' ti wen queji i c_Λl_Λx pejcaño' i b_Λ yic'ot Esteban. Ti' lajayob i t'an yic'ot winicob ch'oyolo' b_Λ ti Cirene, ti Alejandría, ti Cilicia yic'ot ya' ti colem pañimil Asia b_Λ i c'aba'.

10 Mach ch'ujbi i ganariñob ti t'an jini yaño' bΛ como Ch'ujul bΛ i Ch'ujlel Dios ti yΛq'ue Esteban bajche' mi' jaq'ue' t'an.

11 Jini yaño' bΛ ti yΛq'ueyob tyaq'uin winicob mu' bΛ i cha'leñob lot, mu' bΛ i lolon yΛle' ti yubiyob che' ñac Esteban ti' cha'le bibajax bΛ t'an ti' contra Moisés jini lac yum ti ñoj oniyix yic'ot ti' contra Dios.

12 Che' bajche' jini, ti' nijcΛyob ti' contra Esteban jini quixtyañujob yic'ot xñoxob am bΛ ye'tyel, yic'ot ajcΛntisajob mu' bΛ i cha'len cΛntisa bajche' mi' ch'ujbiñob israelob. Che' jini ti' chucuyob Esteban. Ti' pΛyΛyob ochel ba'an ñuco' bΛ ye'tyel ti Junta Suprema bΛ i c'aba'.

13 Che' jini ti' sacΛyob yambΛ winicob mu' bΛ i cha'leñob lot, mu' bΛ i lolon jop'beñob i mul je'el. Ti yΛΛyob: Ili winiqui chonox i chΛc wajlen jini templo yic'ot i mandar Dios.

14 Tsa'ix lojon cubi ti yΛΛ Esteban cha'an Jesús ch'oyol bΛ ti Nazaret mi quej i jisan ili templo yic'ot mi quejel i q'uex pejtyel tsa' bΛ i xiq'uiyonla lac mele' Moisés. Che' ti' lolon cha'leyob jop't'an.

15 Che' jini, jini año' bΛ i ye'tyel yic'ot pejtyel ya' bΛ buchulob lajal ti yilΛyob i ñi' i wut Esteban che' bajche' juntiquil ajtroñel i cha'an Dios ch'oyol bΛ ti panchan.

7

Ti' cha'le subt'an Esteban

1 Che' jini ti' c'ajtibe Esteban jini ñuc bΛ cura: ¿Ñoj melel ba pejtyel chΛncol bΛ yΛlob? Che' ti' c'ajtibe.

2 Esteban ti' jac'Λ: Pi'Λlob, cΛscuñalob. Ñach'tyanla. Jini Dios am bΛ i ñuclal ti' pΛsΛ i bΛ ba'an lac yum Abraham ti ñoj oniyix che' ñac ya' tyo an Abraham ti Mesopotamia bΛ i c'aba bΛ pañimil, che' ñac max tyo maj ti chumtyΛl ya' ti Harán.

3 Dios ti' sube Abraham: CΛyΛx a lumal yic'ot a pi'Λlob. Cucux ya' ti yambΛ pañimil ba' mic pΛs'eñet, che' ti subenti Abraham ti Dios.

4 Che' jini, ti loq'ui majlel Abraham ba'an caldeoj. Ti majli ti chumtyΛl ya' ti Harán. Ti wi'il che' ñac ti sajti i tyat Abraham, Dios ti' pΛyΛ tyΛlel wΛ'wΛ'i ti ili lum ba' chumulonla wale iliyi.

5 Pero Dios mach'an ti yΛq'ue i lum Abraham wΛ'i, mi i sajlic. Pero Dios ti yΛc'Λ i t'an cha'an mi quejel i yΛq'uentyel lum. Ti yΛΛ che' sajtyemix Abraham jini i yalobilob mi quej i yΛq'uentyel jini lum wΛ'wΛ'i. ChΛ'ach ti subenti Abraham aunque max tyo ba'an i yalobil che' ñac ti subenti.

6 Che' je'el Dios ti' sube Abraham cha'an i jiñΛjlelob mi quej i chumtyΛlob ti yambΛ pañimil mach bΛ i lumalobic. Mi quej i yotsΛntyelob ti mosojintyel ba' mi quej i chΛc ñusan wocol c'ΛΛl cuatrocientos jab.

7 Pero Dios ti' sube je'el jini Abraham: Pero joñon mi quej cΛq'ueñob i xot' i mul jini mu' bΛ i yotsañob ti mosojintyel a jiñΛjlelob. Ti wi'il mi quej i loq'uelob tyΛlel. WΛ'i mi quej i ch'ujutisañoñob. Che' ti yΛΛ Dios che' ñac ti' pejca Abraham.

8 Che' jini Dios ti' mele trato yic'ot Abraham. Ti xijq'ui Abraham i tsepben i pΛchΛlel alo' bΛ i jiñΛjlel cha'an tsiquil ti yotsΛyob i bΛ ti trato. Jin cha'an che' ñac ti ch'ocΛ i yalobil Abraham, Isaac

bΛ i c'aba', Abraham ti' tsepbe i pΛchΛlel che' an jax tyo i cha'an ocho q'uin. Che' ñac winiquix Isaac chΛ'ach ti' tsepbe i pΛchΛlel je'el i yalobil Jacob bΛ i c'aba'. ChΛ'ach je'el che' winiquix Jacob ti' tsepbe i pΛchΛlel i yalobilob. An doce alo' bΛ i yalobilob jini Jacob. Jiñach i tyat jini doce mujch' winicob i jiñajlelob Israel.

⁹ Lac yumob ti' ñoj oniyix jiñach i yalobilob Jacob. Jiñobach tsa' bΛ i lolon queji i ts'a'q'uelob José bΛ i c'aba' bΛ i yijts'in. Ti' choñoyob winicob tsa' bΛ i pΛyΛyob majlel ti' yambΛ pañimil Egipto bΛ i c'aba'. Pero Dios mach'an ti' cΛyΛ José.

¹⁰ Dios ti' wen cotyΛ José che' ñac ti' ñusa wocol. Ti' loc'sΛ ti' wocol. Dios ti' yΛq'ue i ña'tyΛbal. Jini ñuc bΛ yumΛ ti' Egipto, Faraón bΛ i c'aba', ti' queji i q'uel ti' ñuc José. Ti' yotsΛ ti' ñuc bΛ ye'tyel cha'an pejtyel Egipto yic'ot cha'an pejtyel i yotyot Faraón.

¹¹ Che' jini ya' ti' pañimil tyac Egipto yic'ot Canaán bΛ i c'aba' pejtyelob ti' queji i wen ñusañob wi'ñal. Ti' queji i wen ñusañob wocol lac yumob ti' ñoj oniyix. Mach'añobix i bΛ i ñac'.

¹² Che' jini ti' yubi Jacob che' an tyo lotyol bΛ i cha'añob i bΛ i ñac' ya' ti' Egipto. Jin cha'an ti' choco majlel i yalobilob cha'an i q'uele'. Jiñach che' ñac cojax tyo bΛ ti' majliyob. Jini i yalobilob Jacob jiñach lac yumob ti' ñoj oniyix.

¹³ Ti' cha'yajlelel ti' majliyob i yΛscuñob, José ti' yΛc'Λ i bΛ ti' cΛjñel ti' tyojlelob. Jini ñuc bΛ yumΛ ya' ti' Egipto ti' queji i ña'tyan majchqui jini i pi'lob José.

¹⁴ Che' jini José ti' xiq'ui i yΛscuñob cha'an i pΛyob tyalel i tyat yic'ot pejtyelelob yambΛ i pi'lob. An setenta y cinco che' ti' pejtyelelob.

15 Jiñach bajche' ti ujti cha'an ya' ti majli ti chumtyal ti Egipto jini Jacob. Che' ñumenix cabal jabil ya'i ti sajti Jacob. Ti wi'il ti sajtiyob i yalobilob je'el. Jiñach lac yumob je'el ti ñoj oniyix.

16 Che' ñac ti ñumi cabal jabil ti c'axtisabentiyob i bael quel ya' ti lum Siquem ba i c'aba'. Ya' ti ch'ujniyob ti muconibal piquil ba ti mal tyun tsa' ba i wala maña Abraham ba'an i yalobil juntiquil winic ya' ti Siquem, Hamor ba i c'aba'.

17 Bej muc' ti t'an Esteban. Ti yala: Ya' ti Egipto ti bej oc'ayob lac yumob ti ñoj oniyix. Wen p'ojlemix jini lac yumob ti ñoj oniyix che' ñac ti c'oti i yorojlel Dios mi quej i ts'actisan i t'an tsa' ba i wala sube Abraham ti ñoj oniyix.

18 Che' jini ti ochi ti ye'tyel yambala ñuc ba yumal. Ma' ti' calña José jini ñuc ba yumal como yoque wajalix ti sajti José che' ñac ti' ch'ama ye'tyel jini tsiji' ba yumal.

19 Jini ñuc ba yumal ti' wen loti lac yumob ti ñoj oniyix. Cabal ti' tyac'layob. Ti yalq'ueyob i wersa calyob alo' ba i yalobilob ujtyel ba i ch'oc an cha'an mi sajtyelob.

20 Ti ch'ocla jini Moisés che' ñac chancol tyo i ñusañob cabal i tyac'lentyel lac yumob ti ñoj oniyix. C'alal uxp'ej uw i tyat i ña' ti' calñatyayob Moisés ya' ti yotyot. Dios ti' q'uele ti wen jini ch'oc alal Moisés.

21 Che' ñac ti c'oti i yorojlel che' mach ch'ujbi i chac mucu calñatyan, ti' wersa calyayob ti sajtyel jini Moisés. Pero jini xc'alal ba i yalobil ñuc ba yumal ya' ti Egipto ti' tyaja Moisés che' ñac ala tyo. Ti' lotyo. Ti' cosa. Ti' palya cha'an i yalobilach.

22 Jin cha'an ti cΛntisΛnti Moisés ti pejtyel i ña'tyΛbal egiptojob. An i wersajlel i t'an yic'ot i cha'libal.

23 Ti' bej cha'le t'an Esteban. Ti yΛΛ: Che' ñac ti' tyaja cuarenta i jabilel, Moisés ti' pensali ti' pusic'al yom majlel i jula'an i pi'Λlob, jiñach israelo' bΛ i c'aba'.

24 Che' ñac ya'ani ti yilΛ juntiquil egipto chΛncox i tyΛc'lan israel bΛ winic. Moisés ti yotsΛ i bΛ yic'ot jini israel bΛ cha'an mi' cotyan i pi'Λl. Ti' tsΛnsΛ jini egipto bΛ.

25 Moisés ti' lolon ña'tyΛ ti' pusic'al mux i ch'Λm'eñob isujm i pi'Λlob. Mux i ña'tyañob cha'an Dios ti' choco majlel Moisés cha'an mi' cotyan, cha'an mi' loc'san ti' c'Λb i contrajob. ChΛ'Λch ti' lolon ña'tyΛ Moisés. Pero mach'an ti' ch'Λmbeyob isujm jini i pi'Λlob.

26 Ti yijc'Λlel Moisés ti' tyaja cha'tiquil israelob chΛncolo' bΛ ti periyal. Yom i λmben i mich'lel. Ti' tiq'uiyob. Ti yΛΛ: Jatyetla yoque la' pi'Λlob la' bΛ, ¿chucoch chΛncol la' ts'a'q'uel la' bΛ? che'en.

27 Jini chΛncol bΛ i mich'q'uel i pi'Λl ti' xit choco Moisés. Ti yΛΛ: ¿Majchqui ti yΛq'uet ti a wenta cha'an ma' wotsan a bΛ ti yumΛl yic'ot ti melojel cha'añon lojon?

28 ¿A wom ba a tsΛnsañon je'el che' bajche' ti a tsΛnsΛ jini egipcio ac'bi? Che' ti' c'ajtibe jini juntiquil.

29 Che' ñac ti yubi ili t'an, Moisés ti puts'i majlel ti yambΛ pañimil Madián bΛ i c'aba'. Ya' ti chumle che' bajche' ñumel jach muc'. Ya'i ti ch'ocΛ cha'tiquil alo' bΛ yalobilob.

³⁰ Ti ñumi cuarenta jab. Che' jini, jump'ej q'uin ya' ti ty^Λquin b^Λ joch lum l^Λc'Λl ti wits Sinaí b^Λ i c'aba' Moisés ti' q'uele mu' ti lejm^Λel juntyejc pimel. Ya' ti c'Λc'Λl pimel ti tsictiyi juntiquil ajtroñel i cha'an Dios ch'oyol b^Λ ti panchan.

³¹ Tyoj b^Λc'ñ^Λjel Moisés che' ti yil^Λ jini ajtroñel i cha'an Dios. Che' ñac ti' l^Λc'Λ cha'an mi más q'uele' ti yubibe i t'an lac Yum ti y^ΛΛ^Λ:

³² Joñon i Dioson Abraham, Isaac yic'ot Jacob, a yumob ti ñoj oniyix. Che' ti y^ΛΛ^Λ jini ajt'an. Tsitsiña ti queji ti b^Λq'uen Moisés. Mach yom i cha' q'uel jini pimel ti caj i b^Λq'uen.

³³ Jini lac Yum ti' sube. Jocho a zapatos cha'an tsiquil ch^Λncol a q'uelon ti ñuc como w^Λ mic pej-cañet.

³⁴ Tsa'ix j quil^Λ bajche' ch^Λncol i ñusañob wocol jini quixtyañujob c cha'an ya' ti Egipto. Tsa'ix cubibeyob i yuq'uel. Tsa'ix jubiyon ty^Λlel cha'an c loc'sañob ti ty^Λc'lantyel ch^Λncol b^Λ i ñusañob ba'an egipciojob. Cucux che' jini. Mi quej c choquet majlel ya' ti Egipto. Che' ti subenti Moisés ti Dios.

³⁵ Dios ti yajc^Λ Moisés cha'an i cotyan i pi'Λlob. Ti pejc^Λnti ti ajtroñel i cha'an Dios ch'oyol b^Λ ti panchan che' ñac ti yil^Λ pimel ch^Λncol b^Λ ti lejm^Λel. Che' jini Dios ti' choco ty^Λlel Moisés cha'an mi yochel ti ñuc b^Λ ye'tyel ti' tyojlelob i pi'Λlob cha'an i loc'sañob ti wocol lac yumob ti ñoj oniyix. Ch^ΛΛch ti' mele Dios aunque mach'an ti q'uejli ti ñuc Moisés che' ñac ti subenti: Majchqui ti y^Λq'uet ti a wenta cha'an ma' wotsan a b^Λ ti yum^Λl yic'ot ti melojel cha'añon lojon?

³⁶ Jiñ^Λch jini Moisés tsa' b^Λ i p^Λy^Λyob loq'uel ti Egipto lac yumob ti ñoj oniyix. Ya'i ti' p^Λs^Λ ñuc tyac

bΛ i p'ΛtyΛlel tyΛlem bΛ ti Dios. Ti' pΛsΛ ñuc tyac bΛ i p'ΛtyΛlel je'el ya' ti colem ja' ChΛchΛc Ja' bΛ i c'aba' yic'ot je'el ya' ti tyΛquin bΛ joch lum. ChΛ'ach ti' cha'le c'ΛΛl cuarenta jab.

37 Jiñach jini Moisés tsa' bΛ yΛΛ: Dios mi quej i yajcan juntiquil israel bΛ winic che' bajche'etla mu' bΛ i yotsan ti juntiquil mu' bΛ i xiq'ue' yΛle' Dios. Che' bajche' ti yajcΛyon Dios mi quej i yajcan jini yambΛ. Yom mi la' ch'ujbin i t'an. ChΛ'ach ti' subeyob jini israelo' bΛ jini Moisés.

38 Jiñach jini Moisés tsa' bΛ ajni yic'ot lac yumob ti ñoj oniyix che' ya'añob ti tyΛquin bΛ joch lum. Jiñach jini Moisés je'el tsa' bΛ pejcΛnti ti juntiquil ajtroñel i cha'an Dios ch'oyol bΛ ti panchan ya' ti jini wits Sinaí bΛ i c'aba' che' ya' much'quibilob lac yumob ti ñoj oniyix. Ti aq'uenti Moisés jini mandar tyac cha'an laj cuxtyΛlel. Jiñach jini mu' bΛ laj cubin c'ΛΛl wale iliyi.

39 Pero jini lac yumob ti ñoj oniyix mach yom i jac'beñob i t'an Moisés. Che' jach ti' ts'a'leyob. Yomob cha' sujtyel ti Egipto.

40 Che' ñac ma'an poj ya'an Moisés pejtyel quixtyañujob ti' xiq'uiyob juntiquil cura i cha'añob, Aarón bΛ i c'aba'. Ti yΛΛyob: Com ma' melbeñon lojon dios tyac mu' bΛ lojon q'uech majlel ti lac wut como mach kujila chuqui ti tyumbenti jini Moisés tsa' bΛ i pΛyΛyonla loq'uel ti Egipto. Che' ti yΛΛyob.

41 Jin cha'an Aarón ti' mele i loc'om saj wacax. Ti' tsΛnsΛyob alΛq'uil cha'an pulem bΛ i majtyan jini i dios. C'ajacñayob i yoj cha'an jini dios tsa' bΛ mejli ti c'ΛbΛl.

42 Che' jini Dios ti loq'ui majlel ti' tyojlelob. Ti' c_Λy_Λyob cha'an i ch'ujutisañob ec' tyac am b_Λ ti chan. Ti' meleyob che' bajche' ti ts'ijbunti ti jini tsa' b_Λ i xiq'ui y_Λle' Dios ti ñoj oniyix. Jini ti' ts'ijbu: Ixcu jatyetla israelet b_Λ la, mach joñonic tsa' b_Λ la' ts_Λns_Λbeñon al_Λq'uil tyac cha'an pulem b_Λ c majtyan

che' ñac muq'uetla ti x_Λmbal ti ty_Λquin b_Λ joch lum c'_Λl_Λl cuarenta jab.

43 Pero ti la' q'uechbe majlel jini pisil b_Λ yotyotlel jini la' dios Moloc b_Λ i c'aba'.

Tsa'ix la' ch'ujutis_Λyob jini i yec' jini la' dios Renfán b_Λ i c'aba'.

Che' jach ti la' ch'ujutis_Λyob jini dios tyac melel b_Λ ti la' c'_Λb.

Jin cha'an mi quej choquetla loq'uel ti la' lumal. Mi quej la' majlel c'_Λl_Λl ya' ti junxejlel yamb_Λ pañimil Babilonia b_Λ i c'aba'.

Ch_Λ'_Λch ts'ijbubil ti junilel jini tsa' b_Λ i xiq'ui y_Λle' Dios ti ñoj oniyix. Che' ti y_Λl_Λ jini Esteban.

44 Bej mu' ti t'an jini Esteban: Ti y_Λl_Λ: Che' ñac muc'ob tyo ti x_Λmbal ya' ti ty_Λquin b_Λ joch lum lac yumob ti ñoj oniyix, an i cha'añob carpa b_Λ otyot ba' mi' ch'ujutisañob Dios. Ti' meleyob carpa b_Λ otyot che' bajche' ti' xiq'ui Dios, che' bajche' ti p_Λs'enti Moisés ti Dios.

45 Che' ñac ti sajti Moisés ti wa'choconti Josué ti' q'uexol. Jini ti' p_Λy_Λyob ochel lac yumob ti ñoj oniyix ti tsiji' b_Λ lum tsa' b_Λ i w_Λ al_Λ Dios mi quej i y_Λq'uentyelob. Che' ñac ti c'otiyob an i yum jini lum, pero Dios ti' chocoyob loq'uel jini i yum cha'an ochic lac yumob ti ñoj oniyix. An yic'otyob carpa b_Λ otyot ba' mi' ch'ujutisañob Dios.

C'ʌʌʌ chʌ'ʌch an yic'otyob cabʌʌ jabil, c'ʌʌʌ jintyo ti' ch'ʌmʌ ye'tyel ñuc bʌ yumʌʌ David bʌ i c'aba'.

⁴⁶ Dios ti' q'uele ti wen jin ñuc bʌ yumʌʌ David bʌ i c'aba'. Jini yom i melben i templo Dios ba' mi quej i tyʌʌel ti chumtyʌʌ. Jiñʌch jini Dios tsa' bʌ i ch'ujbi je'el juntiquil i yumob David, Jacob bʌ i c'aba'.

⁴⁷ Pero Dios mach'an ti yʌq'ue i mele'. Salomón tyo ti' melbe i templo Dios.

⁴⁸ Pero jini Dios mach'ʌ ba'an i p'isol i ñucʌel mach'an mi tyʌʌel ti chumtyʌʌ ti chumlibʌʌ meʌel bʌ ti c'ʌbʌʌ. Dios ti' cha'le t'an ti ti' juntiquil tsa' bʌ i xiq'ui yʌʌe' Dios. Jini ti yʌʌʌ:

⁴⁹ Jini panchan che' bajche' c buchlib.

Jini mulawil che' bajche' saj banca ba' mi cʌc' coc.

¿Bajche' ch'ujbi chumlecon ti templo meʌel bʌ ti quixtyañujob? Mach ch'ujbi.

¿Bac an ajnibʌʌ ba' ch'ujbi c'aj coj? Mach'an ba'.

⁵⁰ Joñoñʌch tsa' bʌ c mele pejtyel jini.

Che' ti yʌʌʌ Dios. Chʌ'ʌch ts'ijbubil ti i junilel tsa' bʌ i xiq'ui yʌʌe' Dios ti ñoj oniyix.

⁵¹ Bej mu' ti t'an jini Esteban ya' ba'añob jini año' bʌ ye'tyel. Ti yʌʌʌ: Pero jatyetla, wen tsʌts la' pusic'al. Lajal la' pusic'al, la' chiquin che' bajche' jini mach'ʌ ba'an mi' ch'ujbin Dios. Chʌncox la' chʌc contrajin Ch'ujul bʌ i Ch'ujlel Dios. Lajaletla che' bajche' la' yumob ti ñoj oniyix.

⁵² Jini la' yumob ti ñoj oniyix ti' lu' tyʌc'ʌ tsa' bʌ i xiq'ui yʌʌe' Dios ti ñoj oniyix. Ti' tsʌnsʌyob jiñobʌch tsa' bʌ i tyajayob ti t'an jini yoque tyoj bʌ mu' tyo bʌ i tyʌʌel ti yʌʌʌyob. Wale tsa'ix tyʌʌi, pero jatyetla ti la' wʌc'ʌ ti' c'ʌb ñuc bʌ ye'tyel. Ti la' wʌc'ʌ ti tsʌnsʌntyel.

53 Tsa'ix aq'uentiyetla i mandar Dios ti ajtroñel i cha'an Dios loq'uem b_Λ ti panchan, pero mach'an mila' ch'ujbin. Che ti y_{ΛΛ} Esteban che' ñac ti' cha'le t'an ya' ba'añob jini año' b_Λ ye'tyel.

Bajche' ti' tsansayob Esteban

54 Jini much'quibilo' b_Λ am b_Λ ye'tyel ti wen mich'ayob che' ñac ti yubiyob i t'an Esteban. Uch'acñayob i yej cha'an i mich'lelob.

55 But'ul i pusic'al Esteban ti Ch'ujul b_Λ i Ch'ujlel Dios. Ti' ch'uj q'uele letsel ti panchan. Ti' q'uele i ñucllel Dios yic'ot Jesús ya' wa'al ti' ñoj Dios.

56 Esteban ti y_{ΛΛ}: Q'uelela. Mij q'uel ya' ti jajmi ya' ti panchan. Ya' wa'al ti' ñoj Dios jini i Pi'al Quixtyañu.

57 Che' jini, ti' m_{ΛC}ayob i chiquin ti' c'ab. Ti' cha'leyob c'am b_Λ oñel cha'an mich'ob. Ti' jojmi chucob.

58 Ti' p_{ΛY}ayob loq'uel ya' ti ti' lum. Jini tsa' b_Λ yubiyob i t'an Esteban ti' wel chocoyob i bujc ti yeba yoc juntiquil colem alob Saulo b_Λ i c'aba' cha'an mi' c_Λñaty_Λbeñob. Che' jini ti' juluyob ti tyun jini Esteban.

59 Esteban ti' cha'le oración che' ñac ch_Λncolob tyo i julob. Ti y_{ΛΛ}: C Yum Jesús, ch'ambañon c ch'ujlel. Che' ti y_{ΛΛ} ti oración Esteban.

60 Ti' ñocle ti lum Esteban. Ti c'am b_Λ t'an ti y_{ΛΛ}: C Yum, mach a w_Λq'uen i xot' i mul ili quixtyañujob, che'en. Che' ñac ti ujti i y_Λle' ti sajti.

8

Saulo mi' tyac'lan ochemo' b_Λ ti' t'an Dios

¹ Weñach ti yubi Saulo che' ñac ti' tsansayob Esteban. Ti jini jach b_Λ q'uin ti queji i cabal tyac'lantyel pejtyel ochemo' b_Λ ti' t'an Dios ya' ti Jerusalén. Jin jach yajcabilo' b_Λ ajsubt'añob ñumel ti caleyob ya'ya'i. Pejtyel yaño' b_Λ ochemo' b_Λ ti' t'an Dios ti puts'iyob loq'uel. C'Λl_Λ ti puts'iyob ti pañimil Judea b_Λ i c'aba' yic'ot ti pañimil Samaria b_Λ i c'aba'.

² Cha'tiquil uxtiquil winicob ch_Λc c'ajalob i cha'an Dios ti' ch'ujñiyob Esteban. Ti wen uq'uiyob.

³ Pero Saulo ti' bej tyac'layob jini ochemo' b_Λ ti' t'an Dios. Ti ochi ti otyotyel tyac. Ti' chucuyob. Ti yotsayob ti cachol winicob yic'ot x'ixicob.

Ti' subuyob wen b_Λ t'an ya' ti Samaria

⁴ Pero jini tsa' b_Λ puts'iyob loq'uel ti Jerusalén ti' subuyob ñumel i t'an Dios ba'ical jach ti majliyob.

⁵ Juntiquil tsa' b_Λ puts'i Felipe b_Λ i c'aba' ti majli ti pañimil Samaria b_Λ i c'aba'. Ya'i ti queji i wen subeñob cha'an Cristo.

⁶ Ya'i ti' much'quiyob i b_Λ cabal quixtyañujob. Ti' lu' wen ñach'tyayob pejtyel i t'an Felipe. Ti' q'ueleyob je'el ñuc tyac b_Λ i p'atyalel Dios tsa' b_Λ pas'enti ti' cha'libal Felipe.

⁷ Cabal tyac'labilo' b_Λ ti xiba ti lajmisantiyob. Ti' cha'le c'am b_Λ oñel jini xibajob che' ti loq'ui ti' pusic'al c'amo' b_Λ. Cabal mach'Λ ba'an i c'Λjnibal yoc i c'Λb ti lajmisanti je'el.

⁸ Wen c'ajacñayob i yoj pejtyel quixtyañu ya' ti lum cha'an ti caj ch_Λ b_Λ ti yilayob, yic'ot ch_Λ b_Λ ti yubiyob.

9 Pero ya'an juntiquil winic Simón b_Λ i c'aba'. Wen yujil wujt jini Simón. Cab_Λl ti' loti año' b_Λ ti Samaria. Ti' wen chan is_Λ i b_Λ ti' tyojlelob.

10 Pejtyel quixtyañujob ti' lu' ñ_Λch'ty_Λbeyob i t'an jini Simón jini año' ye'tyel yic'ot je'el jini mach'_Λ ba'an i ña'ty_Λbal. Añ_Λch ñ_{uc} b_Λ i p'_Λty_Λlel Dios yic'ot, ti' lolon ña'ty_Λyob.

11 Ch'_Λch ti' ch'ujbibeyob i t'an Simón como c'_Λl_Λl wajali tyoj b_Λc'ñ_Λjel ti yubiyob cha'an ti wujty_Λntyel.

12 Felipe ti' wen sube pejtyel quixtyañujob cha'an i yumintyel Dios yic'ot cha'an Jesucristo. Cab_Λl winicob x'ixicob ti' ch'_Λm_Λyob ja' che' ñac ti' ch'ujbiyob ili t'an ti' pusical.

13 Jinic tyo jini Simón ti' ch'ujbi je'el. Ti' ch'_Λm_Λ ja'. Ti' queji i pi'len ti x_Λmbal Felipe. Tyoj b_Λc'ñ_Λjel ti yubi je'el che' ñac ti yil_Λ ñ_{uc} tyac b_Λ i p'_Λty_Λlel Dios tsa' b_Λ p_Λs'enti ti Felipe.

14 Che' jini, che' ñac ti yubiyob jini yajc_Λbilo' b_Λ ajsubt'añob ñumel ya' ti Jerusalén cha'an ti' ch'ujbiyob i t'an Dios ya' ba'añob ti Samaria ti' chocoyob majlel Pedro yic'ot Juan.

15 Che' ñac ti c'otiyob ti Samaria ti' tyajayob ti oración jini ochemo' b_Λ ti' t'an Dios ya'ya'i cha'an mi y_Λq'uentyelob Ch'ujul b_Λ i Ch'ujlel Dios.

16 Como max tyo ba'an ti aq'uentiyob Ch'ujul b_Λ i Ch'ujlel Dios jini año' b_Λ ti Samaria. Che' jax tyo ti' ch'_Λm_Λyob ja' cha'an tsiquil ti' ch'ujbiyob Jesús.

17 Che' jini Pedro yic'ot Juan ti y_Λq'ueyob i c'_Λb ti' pam i jol jini ochemo' b_Λ ti' t'an Dios. Che' jini, ti aq'uentiyob Ch'ujul b_Λ i Ch'ujlel Dios. Ti ochi ti' pusic'alob.

18 Jini Simón ti yil che' ti aq'uentiyob Ch'ujul b_Λ i Ch'ujlel Dios che' ñac yajc_Λbilo' b_Λ ajsubt'añob ñumel ti y_Λc'ayob i c'ab ti' pam i jol jini ochemo' b_Λ ti' t'an Dios. Jin cha'an Simón ti' jop'o i y_Λq'uen tyaq'uin Pedro yic'ot Juan.

19 Ti' subeyob: Aq'ueñon je'el jini a p'_Λty_Λlel cha'an che' mi c_Λc' j c'ab ti' pam i jol majchical jach, mi quej i y_Λq'uentyel Ch'ujul b_Λ i Ch'ujlel Dios je'el. Che' ti lolon al_Λ Simón.

20 Pedro ti' sube: Jatyet yic'ot a tyaq'uin mi quej i jilel como ma' lolon ña'tyan ch'ujbi a m_Λn jini ñuc b_Λ i majtyan Dios.

21 Mach ch'ujbi a wotsan a b_Λ ti ili toñel. Mach a cha'anic como mach tyoj a pusic'al ti' tyojlel Dios, che'en.

22 C_Λy_Λx leco b_Λ a pensal. C'ajtiben Dios ti wocol t'an mi mux i ñu_Λsabeñet tsa' b_Λ a ña'ty_Λ ti a pusic'al.

23 Che' bajche' c_Λch_Λlet ti a simaronlel mij q'uelet. Che' bajche' but'ul a pusic'al ti i mulantyel lojon c p'_Λty_Λlel ti Dios. Che' ti y_Λl_Λ Pedro.

24 Che' jini Simón ti y_Λl_Λ: Pej_Λb_Λeñon Dios cha'an mach saj ujtic bajche' ti a w_Λl_Λ. Che' ti y_Λl_Λ Simón.

25 Che' jini, Pedro yic'ot Juan ti' wen subuyob i t'an Dios. Cab_Λl ti' subeyob bajche' ti' mele Jesús tsa' b_Λ i lu' ilayob. Che' jini, ti queji i cha' sujtyelob majlel ti Jerusalén. Ti' subuyob i t'an Dios ya' ti cab_Λl saj lum tyac ya' ti bij.

Felipe yic'ot ch'oyol b_Λ ti Etiopía

26 Che' jini, che' ñac sujtyemobix Pedro yic'ot Juan, Dios ti' choco ty_Λlel ya' ba'an Felipe juntiquil ajtroñel i cha'an Dios ch'oyol b_Λ ti panchan. Jini ti' sube Felipe: Tyejchen. Cucu ya' ti sur ti bijlel

Jerusalén mu' b_Λ i jubel majlel ya' ti Gaza. Jiñ_Λch jini bij mu' b_Λ i ñumel ti ty_Λquin b_Λ joch lum. Che' ti subenti Felipe.

²⁷ Felipe ti tyejchi. Ti loq'ui majlel. Ya' ti bij ti' tyaja juntiquil winic ch'oyol b_Λ ti yamb_Λ colem pañimil Etiopía b_Λ i c'aba'. Eunuco jini winic. An ñuc b_Λ ye'tyel cha'an mi' cañ_Λtyan pejtyel i tyaq'uin x'ixic b_Λ yum_Λl ti Etiopía, Candace b_Λ i c'aba'. Tsajni ti Jerusalén cha'an i ch'ujutisan Dios jini winic.

²⁸ Buchul ti c'otyajax b_Λ carreta. Ch_Λncox i sujtyel majlel ti' lumal. Ch_Λncox i q'uel tsa' b_Λ ts'ijbu juntiquil tsa' b_Λ i xiq'ui y_Λle' Dios ti ñoj oniyix Isaías b_Λ i c'aba'.

²⁹ Jini Ch'ujul b_Λ i Ch'ujlel Dios ti' sube Felipe: Yom ma' l_Λq'ue' jini carreta. Tyemel ma' majlel a wic'ot.

³⁰ Che' ñac ti' l_Λc'_Λ Felipe ti yubi jini winic ch_Λncol i q'uele' tsa' b_Λ i ts'ijbu Isaías. Felipe ti' c'ajtibe jini am b_Λ ti carreta: ¿Mu ba a ch'_Λm'en isujm jini ch_Λncol b_Λ a q'uele'? Che' ti' c'ajtibe.

³¹ Jini winic ti' jac'_Λ: Mach ch'ujbic ch'_Λm'en isujm mi ma'an majch mi' wen subeñon. Che' jini ti' c'ajtibe Felipe cha'an letsic ti buchty_Λl ya' ti carreta yic'ot.

³² Ch_Λncol i q'uel jini Ts'ijbubil b_Λ i T'an Dios ya' ba' mi y_Λle':

Che' bajche' mi' p_Λy majlel tiñ_Λme' cha'an mi' tsansan, ch_Λ'_Λch ti' p_Λy_Λyob majlel jini winic.

Che' bajche' saj tiñ_Λme' ñ_Λch'_Λl ti' tyojlel jini mu' b_Λ i tsepben loq'uel i tsutsel, ch_Λ'_Λch je'el ma' ti' cha'le t'an jini winic.

33 Ti' peq'uis_Λ i b_Λ ti' tyojlelob. Ti wajlenti. Mach tyoj b_Λ melojel ti' cha'leyob.

Ma' majch ch'ujbi i tyaj ti t'an i jiñ_Λjlel
como ti ts_Λns_Λnti.
Che' ts'ijbubil.

34 Jini ajc_Λñ_Λtya tyaq'uin ch'oyol b_Λ ti Etiopía ti' c'ajtibe Felipe: A wocolic ma' subeñon, ¿majchqui ch_Λncol i tyaj ti t'an jini tsa' b_Λ i xiq'ui y_Λle' Dios? ¿Jim ba i bajñel i b_Λ o yamb_Λ winic? Che' ti' c'ajtibe.

35 Che' jini Felipe ti' wen subu t'an cha'an Jesús. Ti queji i tsictis_Λben i sujmllel jini Ts'ijbubil b_Λ i T'an Dios ujtyel b_Λ i q'uelob.

36 Che' ñac ti ñumiyob ba'an ja' jini winic ti' sube Felipe: Q'uele, w_Λ' an ja'. ¿Max tyo ba ch'ujbi c ch'_Λme' ja'? Che' ti' c'ajtibe.

37 Felipe ti' jac'_Λ: Mach'an ch_Λ b_Λ mi' m_Λcty_Λabeñet mi tsa'ix a ch'ujbi Jesús ti pejtyel a pusic'al che'en. Jini winic ti y_Λl_Λ: Tsa'ix ch'ujbi cha'an i yalobil_Λch Dios jini Jesucristo, che'en.

38 Che' jini ti' xiq'ui i poj c_Λy x_Λmbal jini carreta. Ti jubiyob. Ti ochiyob ti ja' ti' cha'ticlelob. Felipe ti y_Λc'_Λ ti ch'_Λm ja'.

39 Che' ñac ti loq'uiyob majlel ti ja' jini ajc_Λñ_Λtya tyaq'uin ma' ti' cha' q'uele Felipe como ti p_Λjyi majlel Felipe ti Ch'ujul b_Λ i Ch'ujlel Dios. Pero c'ajacña i yoj ti sujti majlel ti' lumal jini ajc_Λñ_Λtya tyaq'uin.

40 Che' ñac ti p_Λjyi majlel Felipe ti Ch'ujul b_Λ i Ch'ujlel Dios c'_Λl_Λ ti c'oti ya' ti lum Azoto b_Λ i c'aba'. Ti' bej cha'le x_Λmbal majlel c'_Λl_Λ ti c'oti ti lum Cesarea b_Λ i c'aba'. Ti' cha'le subt'an ti jujump'ej saj lum ba' ti ñumi ti bij.

9

*Saulo ti' q'uexy_Λ i pusic'al i c_Λy i mul
(Hch. 22.6-16; 26.12-18)*

¹ Che' ñac ch_Λncol tyo i bej subob ñumel i t'an Dios jini yajc_Λbilo' b_Λ ajs_Λsubt'añob ñumel, Saulo ti' ch_Λc ty_Λc'la ochemo' b_Λ ti' t'an Dios. Yom i lu' ts_Λansañob ti yubi. Jin cha'an ti majli i pejcan ñoj ñuc b_Λ cura.

² Ya' ti' c'aj_Λtibe jun cha'an aq'uentic i p'_Λty_Λlel cha'an mi majlel ya' ti i templo tyac israelob ya' ti Damasco cha'an i chuc ochemo' b_Λ ti t'an Dios. Yom i c_Λchob. Yom i p_Λyob sujtyel ti Jerusalén. Junlajal yom i c_Λchob winicob, x'ixicob.

³ Pero che' ñac ya' tyo an ti bij ti l_Λc'_Λlel Damasco ti wa' jubi ty_Λlel c'ajc ty_Λlem b_Λ ti chan ti joyty_Λlel.

⁴ Che' jini Saulo ti yajli ti lum. Ti yubi ajt'an tsa' b_Λ y_Λl_Λ: Saulo, Saulo, ¿chucoch ch_Λncol a ty_Λc'lañon? che' jini ajt'an.

⁵ Che' jini Saulo ti y_Λl_Λ: C Yum, ¿majchetqui? che'en. Jini ajt'an ti' jac'_Λ: Joñon Jesús. Joñoñ_Λch ch_Λncol b_Λ a ty_Λc'lan. Ch_Λncol a bajñel low a b_Λ che' bajche' tyat wacax che' mi' bot'tyeq'ue' jay b_Λ i ñi' tye' chucul b_Λ i cha'an i yum. Che' ti' jac'_Λ jini ajt'an.

⁶ Tsitsilña ti b_Λq'uen Saulo. Ti y_Λl_Λ: C Yum, ¿chuquiyes a wom mic cha'len? che'en. Che' jini, Jesús ti' jac'_Λ: Wa'i. Cucu ya' ti lum. Ya'i mi quej a subentyel ch_Λ b_Λ yom ma' cha'len, che'en.

⁷ Jini winicob ch_Λncol b_Λ i ts_Λclen majlel Saulo ti wen quejiyob ti b_Λq'uen che' ti yubiyob ajt'an pero mach'an majch tsiquil.

⁸ Che' jini ti wa'le Saulo. Ti' lolon jop'o i q'uel pañimil. Pero xpojts'ix como ti wa' sujti ti xpojts'

che' ñac ti yubi ajt'an. I pi'lob ti xambal ti' chucheyob i c'ab. Ti' palyayob ochel ti Damasco.

⁹ Xrojts'ach c'alał uxp'ej q'uin. Ma' ti uch'i.

¹⁰ Ya'an ti Damasco juntiquil winic Ananías bλ i c'aba'. Ochem ti' t'an Dios jini Ananías. Che' jini Jesús ti' pejcλ che' bajche' ti ñajal. Ti yλλ: Ananías, che'en. Ananías ti' jac'λ: Lach'añoni, c Yum, che'en.

¹¹ Che' jini Jesús ti yλλ: Tyejchen. Cucu ya' ti jini calle Derecha bλ i c'aba'. Ya' ma' wochel ti yotyot Judas. Ma' c'ajtibeñob baqui an juntiquil loq'uem bλ ti Tarso, Saulo bλ i c'aba'. Chancol ti oración jini Saulo.

¹² Che' bajche' ti ñajal ti yilayet. Che' bajche' ti ochiyet ti' t'ejl ti yilλ. Che' bajche' ti a wλq'ue a c'ab ti' wut cha'an mi cha' c'otyel i wut ti yubi. Ch'ach ti yilλ che' bajche' ti ñajal. Che' ti subenti Ananías.

¹³ Che' ñac ti yubi ili t'an, Ananías ti yλλ: C Yum, cabλ ti cubi ñoj simaron ili winiqui. Tsa'ix cubi bajche' ti' tyac'lλ ochemo' bλ ti a t'an ya' ti Jerusalén.

¹⁴ Ixcu wale iliyi añach yic'ot jun tsa' bλ aq'uenti ba'an ñuc bλ curajob. Tsa'ix tyλli wλ'i cha'an mi' chucob cha'an mi' cλchob pejtyel mu' bλ i ch'ujbiñetyob. Che' ti yλλ Ananías.

¹⁵ Pero Jesús ti yλλ: Cucu. Cha'len bajche' mic subeñet. Tsa'ix c yajcλ jini winic cha'an mi' sub ñumel j c'aba' ya' ba'an pejtyel mach bλ israelob yic'ot i yumlob. Mux i sub c t'an je'el ya' ba'an israelo' bλ.

¹⁶ Mux c pλ'en Saulo pejtyel bajche' mi quej i ñusan wocol cha'an ti caj joñon. Che' ti subenti Ananías ti Jesús.

17 Che' jini Ananías ti majli ya' ti yotyot Judas ba' ti' tyaja Saulo. Ti ochi. Ti y_Λc'Λ i c'Λb ti' wut Saulo. Ti y_ΛΛ: Hermano Saulo, jini lac Yum tsa' b_Λ i p_Λs_Λ i b_Λ ti a tyojlel ya' ti bij ti' xiq'uiyon ty_Λlel cha'an cha' c'otic a wut, cha'an bujt'ic a pusic'al ti Ch'ujul b_Λ i Ch'ujlel Dios. Che' ti y_ΛΛ Ananías.

18 Che' jini ti wa' yajli loq'uel ti' wut Saulo che' bajche' i sujl i wenty_Λlel. Tsa'ix cha' c'oti i wut. Ti tyejchi Saulo. Tsa'ix ajq'ui ti ch'Λm ja'.

19 Che' jini ti uch'i. Ti cha' p'Λty_Λliyi. Ya' ti ajni cha'p'ej uxp'ej q'uin ti Damasco yic'ot ochemo' b_Λ ti' t'an Dios.

Saulo ti' cha'le subt'an ya' ti Damasco

20 Che' jini Saulo ti queji ti subt'an ya' ti i templo tyac israelob. ti' subeyob cha'an i yalobil_Λch Dios jini Jesús.

21 Tyoj b_Λc'ñ_Λjelob jini tsa' b_Λ yubiyob i t'an. Ti y_ΛΛyob: Jiñ_Λch jini tsa' b_Λ wen ty_Λc'Λ ochemo' b_Λ ti' t'an Dios ya' ti Jerusalén, che'ob. Jiñ_Λch jini tsa' b_Λ ty_Λli w_Λ'w_Λ'i cha'an i c_Λchob ochemo' b_Λ cha'an mi y_Λq'ueñob ti' c'Λb ñuc b_Λ curajob, che' ti y_ΛΛyob.

22 Pero más ch'ejl tyo ti queji ti t'an Saulo. Ti' wen tsictis_Λbeyob pejtyel israelob ya' ti Damasco cha'an Jesús jiñ_Λch yajc_Λbil b_Λ i cha'an Dios. Ma'an ti' ña'ty_Λyob bajche' yom i jac'ob.

Saulo ti puts'i loq'uel ba'an israelob

23 Che' ñac ti ñumi cab_Λl q'uin jini israelob ti queji i lajob i t'an cha'an mi' ts_Λnsañob Saulo.

24-25 Che' jini ti yubi Saulo bajche' ch_Λncol i ña'tyañob. Joy corralibil ti wen chan b_Λ corral melel b_Λ ti tyun jini lum. C'Λl_Λ ti ñumi q'uin, ti ñumi ac'b_Λlel ti' pijty_Λyob Saulo ya' ti ti' corral ba'

mi yochelob mi loq'uelob. Yom i tsansañoob. Pero jini ochemo' b_Λ ti' t'an Dios ti yots_Δyob Saulo ti colem chiquib. Ti ac'b_Λlel ti' ñus_Δyob ti jumpatlel jini corral. Ch_Λ'_Λch bajche' jini ti puts'i Saulo.

Saulo ya' ti Jerusalén

²⁶ Che' ñac ti c'oti Saulo ya' ti Jerusalén yom i yochel ba'an jini ochemo' b_Λ ti' t'an Dios. Pero añoob_Λch i b_Λq'uen. Ma'an ti' ch'ujbiyob mi ochem ti' t'an Dios Saulo.

²⁷ Che' jini Bernabé ti' p_Δy_Λ ochel Saulo ba'an yajc_Λbilo' b_Λ ajsubt'añoob ñumel. Ti' wen subeyob pejtyel bajche' ti ujt_i ya' ti bij, bajche' ti yil_Λ Jesús ya' ti bij jini Saulo. Ti' subeyob bajche' ti pejc_Λnti Saulo ti Jesús. Ti' wen tsictis_Δbeyob je'el bajche' ti' wen cha'le subt'an Saulo cha'an Jesús ya' ti Damasco.

²⁸ Che' jini Saulo ti tyem ajni yic'ot ochemo' b_Λ ti' t'an Dios ya' ti Jerusalén. Ti' pi'leyob ti x_Λmbal che' ñac ti loq'uiyob ti subt'an.

²⁹ Wen ch'ejl ti' subu t'an cha'an Jesús jini Saulo. Ti' wen pejc_Λ israelob mu' b_Λ i cha'len t'an ti' t'an griegojob. Pero jiñoob ti' wen sacl_Λ bajche' ch'ujbi i tsansañoob.

³⁰ Che' ñac jini ochemo' b_Λ ti' t'an Dios ti yu-biyob bajche' ch_Λncol i ña'tyañoob jini griegojob ti' p_Δy_Δyob loq'uel Saulo cha'an majlic i y_Λc'ob ti Cesarea. Ya'i ti' xiq'uiyob sujtyel ti lum Tarso b_Λ i c'aba'.

³¹ Che' jini ñ_Λch'_Λl ti c_Δyleyob pejtyel ochemo' b_Λ ti' t'an Dios ya' ti pañimil Judea b_Λ i c'aba' yic'ot Galilea yic'ot Samaria. Ti' wen xuc'chocoyob i pusic'al ti' t'an Dios. Ti' ch'ujbiyob Dios ti jump'ej

jach i pusic'al. Jini Ch'ujul b Δ i Ch'ujlel Dios ti' ch Δ c coty Δ yob. Ti wen oc' Δ yob ochemo' b Δ ti' t'an Dios.

Ti lajmis Δ anti juntiquil winic Eneas b Δ i c'aba'

³² Ti loq'ui majlel Pedro i jula'an pejtyel ochemo' b Δ ti' t'an Dios. C' Δ Δ ti majli ti jump'ej lum Lida b Δ i c'aba'.

³³ Ya' ti Lida ti' tyaja juntiquil winic mach b Δ mejl i ñijcan yoc i c' Δ b. An jach ti w Δ yib c' Δ Δ l ocho jab. Eneas i c'aba' b Δ winic.

³⁴ Pedro ti' sube: Eneas, Jesucristo mi' lajmisañet. Tyejchen. Much'quin a mosil. Che' ti y Δ Δ Pedro. Che' jini, ti wa' tyejchi Eneas.

³⁵ Pejtyel jini am b Δ ti Lida yic'ot ti yamb Δ lum Sarón b Δ i c'aba' ti yil Δ yob bajche' ti ujti. Ti' c Δ y Δ yob i ch'ujbiñob jini oniyix b Δ t'an. Ti' ch'ujbiyob Jesús.

Ti tyejche loq'uel Dorcas ba'an sajtyemo' b Δ

³⁶ Ti jin jach b Δ q'uin tyac ya' ti jump'ej lum Jope b Δ i c'aba' an juntiquil 'ixic Tabita b Δ i c'aba'. Ochem ti' t'an Dios jini 'ixic. Dorcas b Δ i c'aba' jini 'ixic ti' t'an griegojob. Jini ti' ch Δ c cha'le wen tyac b Δ . Ti' ch Δ c coty Δ jini p'ump'uño' b Δ .

³⁷ Che' jini ti c'am' Δ jini Dorcas. Ti sajti. Ti' ts' Δ ns Δ yob jini ch'ujlel Δ . Ti' s Δ ts' chocoyob ya' ti cha'lajm b Δ i mali otyot.

³⁸ L Δ c' Δ l an ti Jope jini Lida. Jini ochemo' b Δ ti' t'an Dios ti' ña'ty Δ yob ya'an ti Lida jini Pedro. Jin cha'an ti' chocoyob majlel cha'tiquil winic ya'i cha'an mi' p Δ y ty Δ lel. Ti' subeyob: Coxla ti Jope ti ora jach, che'ob.

³⁹ Che' jini, ti majli Pedro yic'otyob. Che' ñac ti c'oti ti' p Δ y Δ yob letsel ya' ba' s Δ ts' Δ l jini ch'ujlel Δ .

Muc'ob ti uq'uel cabal meba' 'ixicob. Ti' pasbeyob Pedro pejtyel bujcal tyac tsa' b_Λ i ts'isi Dorcas che' ñac cuxul tyo.

⁴⁰ Che' jini Pedro ti' xiq'ui loq'uel ti pejtyelex. Ti ñocle. Ti' cha'le oración. Ti' ch'uj q'uele jini ch'ujlelal Dorcas. Ti' pejca. Ti y_{ΛΛ}: Tabita, tyejchen. Che' jini, Dorcas ti p'ixi i wut. Che' ñac ti yil_Λ Pedro, ti buchle.

⁴¹ Pedro ti' chucbe i c'ab. Ti' ch'uyu tyejchel. Ti' cha' p_{ΛΛ} ochel jini meba' 'ixicob yic'ot yaño' b_Λ ochemo' b_Λ ti' t'an Dios. Ti' lu' pasbeyob cha' cuxulix Dorcas.

⁴² Pejtyelex ya' ti Jope ti yubiyob ch_Λ b_Λ ti ujtí. Cabal ti' ch'ujbiyob Jesús.

⁴³ Ya' ti c_Λyle Pedro cha'p'ej uxp'ej q'uin. Ti ajni ti yotyot Simón. An i toñel Simón ti ts'aj p_Λchij.

10

Pedro yic'ot Cornelio

¹ Ya' ti lum Cesarea b_Λ i c'aba' an juntiquil winic Cornelio b_Λ i c'aba'. An ti' wenta cien soldadojob. Italianojo' b_Λ i c'aba' jini junmujch'.

² Jini Cornelio yic'ot pejtyelelob am b_Λ ti yotyot ti' ch'ujutisayob Dios. Ti' q'ueleyob ti ñuc Dios. Wen uts jini Cornelio. Aunque mach israel b_Λ winic ti y_Λq'ue cabal tyaq'uin cha'an mi' cotyan p'ump'um b_Λ israelob. Cabal ti' cha'le oración.

³ Junyajlelex che' ti och an q'uin ti yil_Λ che' bajche' ti ñajal juntiquil ajtroñel i cha'an Dios ch'oyol b_Λ ti panchan. Jini ti' pejca. Ti y_{ΛΛ}: Cornelio, che'en.

⁴ Tyoj b_Λc'ñajel Cornelio. Ti' ch'uj q'uele jini ajtroñel i cha'an Dios. Ti y_{ΛΛ}: ¿Chuquiyes a wom? c Yum, che'en. Jini ajtroñel i cha'an Dios ti' sube:

Tsa'ix i yubi a woración Dios. Tsa'ix i yil Δ bajche' ma' p'untyan p'ump'uño' b Δ .

5 Choco majlel cha'tiquil uxtiquil winic ya' ti Jope cha'an mi' tyaj juntiquil Simón b Δ i c'aba'. I cha'chajplel b Δ i c'aba' Simón jiñ Δ ch Pedro.

6 Ya' mi yajñel yic'ot yamb Δ winic Simón b Δ i c'aba' je'el. An i troñel ti ts'aj p Δ chij jini yamb Δ Simón. Ya' chumul ya' ti l Δ c' Δ l colem ja'. Jini Pedro mi quej i subeñet ch Δ b Δ yom a cha'len. Che' ti subenti Cornelio.

7 Ti loq'ui majlel jini ajtroñel i cha'an Dios. Che' jini, Cornelio ti' p Δ y Δ ty Δ lel cha'tiquil ajtroñel i cha'an yic'ot juntiquil soldado. Jini soldado mi' ch Δ c mel bajche' mi' mulan Cornelio. Mi' ch'ujutisan Dios je'el.

8 Ti' wen sube jini uxtiquil pejtyel tsa' b Δ subenti ti i yajtroñel Dios. Che' jini ti' xiq'uiyob majlel ya' ti Jope.

9 Ti yijc' Δ lel che' yomox tyaj xinq'uinil añob tyo ti bij jini uxtiquil. L Δ c' Δ lix mach c'ot ti Jope. Ti jim b Δ ora Pedro ti letsi ti pamacña b Δ i jol otyot cha'an mi' cha'len oración.

10 Wen an i wi'ñal. Yom uch'el. Pero che' ñac ch Δ ncol tyo i chajp Δ beñob i yuch'el an ch Δ b Δ ti queji i q'uel che' bajche' ti ñajal.

11 Ti yil Δ ti jajmi ti chan. Ti jubi ty Δ lel c' Δ l Δ ya' ba'an che' bajche' yoque colem b Δ pisil lajal chucul ti' ch Δ nwejl i xujc yilal.

12 Ya' ti' mali jini pisil an che' bajche' jujunchajp pejtyel jini animal ch Δ nts'ijt b Δ yoc. An lucum tyac je'el yic'ot xma'tye'mut.

13 Che' jini, ti yubi ajt'an tsa' b_Λ y_{ΛΛ}: Wa'i, Pedro. Ts_Λnsan. C'uxu ch_Λ b_Λ jach yes b_Λ animal. Che' ti y_{ΛΛ} jini ajt'an.

14 Che' jini Pedro ti' jac'Λ. Mach che'iqui, c Yum. Ma'an ba' b_Λ ora mij c'ux tic'bil b_Λ bajche' mi' ch'ujbiñob pejtyel israelob. Che' ti jac'Λ Pedro.

15 Ti cha' ubi ili t'an tsa' b_Λ y_{ΛΛ}: Mach yom a ts'a'q'uel jini mu' b_Λ i q'uel Dios ti wen, che'en.

16 Uxyajlel ti yubi t'an jini Pedro. Che' jini ti cha' letsi ti chan jini colem pisil.

17 Wen mu' ti pensal Pedro. ¿Chuquiyes i sujmllel pejtyel jini? Che' ti y_{ΛΛ} ti' pusic'al. Che' ñac mu' tyo ti pensal ya' ti c'otiyob ti ti' otyot jini tsa' b_Λ i xiq'ui ty_Λlel Cornelio. Ch_Λncol i s_Λclan i yotyot Simón.

18 Che' ti c'otiyob ya'i ti queji i c'ajtibeñob ti c'am b_Λ t'an mi ya'an Simón cha'chajplel b_Λ i c'aba' Pedro.

19 Che' ñac ch_Λncol tyo i pensalin Pedro tsa' b_Λ p_Λs'enti, Ch'ujul b_Λ i Ch'ujlel Dios ti' pejca. Ti y_{ΛΛ}: Ubin, uxtiquil winic ch_Λncol i s_Λclañet.

20 Tyejchen. Jubenix ya' ba'añob. Cucu yic'otiyob. Mach a saj ts'a'q'uel mach b_Λ israelob como joñon tic xiq'uiyob ty_Λlel cha'an i p_Λyetyob majlel. Che' ti subenti ti Ch'ujul b_Λ i Ch'ujlel Dios.

21 Che' jini, Pedro ti jubi majlel ya' ba'an jini uxtiquil winic tsa' b_Λ i xiq'uiyob majlel Cornelio. Ti' subeyob. Joñon_Λch jini ch_Λncol b_Λ la' s_Λclan. ¿Chucoch ti ty_Λliyetla? che' ti y_{ΛΛ} Pedro.

22 Jiñob ti' jac'Λyob: Jini am b_Λ ti' wenta cien soldadojob, Cornelio b_Λ i c'aba' ti' xiq'uiyon lojon ty_Λlel. Wen uts jini Cornelio. Mi' wen q'uel ti ñuc Dios. Mi q'uejlel ti wen ti pejtyel israelob. Che' jini, juntiquil ajtroñel i cha'an Dios ch'oyol b_Λ ti

panchan ti' pejcΛ Cornelio. Ti subenti cha'an mi lojon c tyΛlel c pΛyēt majlel ti yotyot cha'an mi' wen ñΛch'tyan pejtyel mu' bΛ a suben. Che' ti yΛΛyob jini uxtiquil winic.

23 Che' jini Pedro ti yΛq'ueyob ochel. Ya' ti' ñUSΛyob ac'bΛlel yic'ot. Ti yijc'Λlel ti majli Pedro yic'otyob. Cha'tiquil uxtiquil ochemo' bΛ ti' t'an Dios ya' ti Jope ti' pi'leyob ti xΛmbal je'el.

24 Ti cha'p'ejlel q'uin ti c'otiyob ya' ti Cesarea. Cornelio chΛncol i pijtyañob. Tsa'ix i pΛyΛyob ochel ti yotyot yoque i pi'Λlob je'el yic'ot cha'tiquil uxtiquil i pi'Λlob ti chumtyΛ.

25 Che' ñac ti c'oti Pedro ya' ti yotyot, Cornelio ti loq'ui i tyaj tyΛlel. Ti ñocle ti' t'ejl che' bajche' mi quej i ch'ujutisan Pedro.

26 Pero Pedro ti' wa'choco. Ti yΛΛ: Wa'i. Lajal winicon che' bajche'et, che'en.

27 Che' chΛncol tyo i pejcan, ti ochi ti mal yic'ot. Ya' ti mal ti' tyaja cabΛ quixtyañujob.

28 Che' jini, Pedro ti' subeyob: Jatyetla la' wujil isujmjoñon lojon israelon lojon. Wen tic'bil cha'an mi lojon c much'quin lojon c bΛ yic'ot mach bΛ israelob o mi cha'anic mi lojon cochel ti yotyot. Pero Dios ti' pΛsbeyon mach yom mi cΛle' mach wen yambΛ quixtyañujob, che'en.

29 Jin cha'an che' ti a pΛyΛyon ti tyΛliyon ti ora jach. Ma'an chΛ bΛ ti cΛΛ. Com cubin, che' jini, chucoch ti a pΛyΛyon. Che' ti yΛΛ jini Pedro.

30 Cornelio ti' jac'Λ: ChΛmp'ejlix q'uin wale iliyi ti jim bΛ ora che' chΛncolon ti ch'ajb wΛ' ti cotyot. Muc'on ti oración che' bajche' i tyΛlel mic cha'len ti

och an q'uin. Che' jini, ti tsictiyi tic tyojlel juntiquil winic yoque SASAC bΛ i pislel.

³¹ Jini ti' subeyon: Cornelio, tsa'ix i yubi a woración Dios. Tsa'ix i q'uele bajche' ma' cotyañob p'ump'uña' bΛ.

³² Xiq'ui majlel ya' ti Jope jini mu' bΛ i pΛy tyΛlel jini Simón cha'chajplel bΛ i c'aba' Pedro. Ya' mi yajñel ti yotyot yambΛ Simón jini mu' bΛ i ts'aje' pΛchij. Chumul ti lΛc'Λl colem ja'. Che' mi tyΛlel mux i wen subeñet. Che' ti subentiyon, che' Cornelio.

³³ ChΛ'Λch che' jini, tic wa' xiq'ui majlel winicob i tyajet. WeñΛch ti wa' tyΛliyet. Wale wΛ' lu' much'quibilon lojon. WΛ'an Dios la quic'ot. Com lojon cubin pejtyel tsa' bΛ i xiq'uiyet a subeñon lojon lac Yum. Che' ti yΛΛ Cornelio.

Bajche' ti' cha'le subt'an Pedro ya' ti yotyot Cornelio

³⁴ Che' jini Pedro ti queji ti t'an. Ti yΛΛ: Wale, kujil isujm mach partejic bajche' mi' q'uelonla Dios.

³⁵ Pero mux i q'uel ti wen majchical jach mu' bΛ i q'uel ti ñuc Dios, mu' bΛ i cha'len wen bΛ mi israelob mi mach bΛ israelob.

³⁶ Dios ti' pejca i jiñΛlel israelo' bΛ. Ti' subeyob t'an cha'an bajche' mi' tyaj i ñΛch'tyΛlel i pusic'al ti Jesucristo. JiñΛch i Yum pejtyel quixtyañujob.

³⁷ Wen la' wujil bajche' ti ujti ya' ti pejtyel i lumal israelob. Ti queji jini t'an ya' ti Galilea che' ñac ti subu t'an Juan, che' ñac ti yΛc'Λ ch'Λm ja'.

³⁸ Jini Jesús ch'oyol bΛ ti Nazaret ti aq'uenti Ch'ujul bΛ i Ch'ujlel Dios yic'ot i p'ΛtyΛlel Dios. Ba'ical jach ti majli ti' cha'le wen bΛ. CabΛ ti'

lajmis_Λ ty_Λc'labil b_Λ ti xiba. Ch_Λ'_Λch ti' cha'le como Dios an yic'ot.

³⁹ Joñon lojon yajc_Λbilon lojon b_Λ ajsubt'an ñumel ti lojon quil_Λ pejtyel tsa' b_Λ i cha'le Jesús ya' ti Judea yic'ot ya' ti Jerusalén je'el. Ti wi'il ti' joc'chocoyob ti cruz. Ti' ts_Λns_Λyob.

⁴⁰ Pero ti yuxp'ejlel q'uin Dios ti' tyeche loq'uel Jesús ba'an sajtyemo' b_Λ. Ti yoque i cuxty_Λlel ti cha' p_Λs_Λ i b_Λ ba'añon lojon.

⁴¹ Mach'an ti' p_Λs_Λ i b_Λ ba'an pejtyel quixtyañujob pero ya' jach ti' p_Λs_Λ i b_Λ ba'añon lojon. Como Dios ti w_Λ yajc_Λyon lojon cha'an lojon c sub i sujmllel ti pejtyel tsa' b_Λ lojon quil_Λ. Che' ñac cha' cuxulix Jesús ti lojon c cha'le uch'el quic'ot.

⁴² Dios ti' xiq'uiyon lojon cha'an mi lojon c sub majlel i t'an ba'an pejtyel quixtyañujob. Jujun-tiquil mi quej i wersa mel i b_Λ ti' tyojlel Jesús. Ch_Λ'_Λch Dios ti yajc_Λ Jesús cha'an mi' cha'len melojel. Ch_Λ'_Λch an ti lojon c wenta c sub.

⁴³ Pejtyelelob jini tsa' b_Λ i xiq'ui y_Λle' Dios ti ñoj oniyix ti' tyajayob ti t'an Jesús. Ti' lu' subuyob cha'an majchical jach mi' ch'ujbin Jesús mi' tyaj i ñus_Λntyel i mul ti Jesús. Che' ti y_Λl_Λ ti subt'an Pedro ya' ba'an Cornelio.

Ti aq'uenti Ch'ujul b_Λ i Ch'ujlel Dios mach b_Λ israelob

⁴⁴ Che' mu' tyo ti t'an Pedro, ti bujt'iyob i pusic'al ti Ch'ujul b_Λ i Ch'ujlel Dios pejtyel jini ch_Λncol b_Λ i ñach'ty_Λbeñob i t'an.

⁴⁵ Tyoj b_Λc'ñ_Λjel jini israelob tsa' b_Λ i pi'leyob ti x_Λmbal Pedro che' ñac ti yil_Λyob ti aq'uenti Ch'ujul b_Λ i Ch'ujlel Dios mach b_Λ israelob.

46 Che' ñac jini Ch'ujul b_Λ i Ch'ujlel Dios ti ochi ti' pusic'al jini mach b_Λ israelob jiñob ti quejiyob ti t'an ti yan tyac b_Λ t'an. Ti' wen subuyob i ñuclel Dios.

47 Che' jini, ti y_{ΛΛ} Pedro: Ma'an ch_Λ' b_Λ mi' macty_Λbeñob i ch'_Λmob ja' ili quixtyañujob como tsa'ix aq'uentiyob Ch'ujul b_Λ i Ch'ujlel Dios lajal che' bajche'onla. Che' ti y_{ΛΛ} Pedro.

48 Che' jini, Pedro ti' xiq'ui i ch'_Λmob ja' mach b_Λ israelob cha'an tsiquil ti' ch'ujbiyob Jesús. Jini mach b_Λ israelobic ti' c'ajtibeyob Pedro ti wocol t'an cha'an c_Λylec yic'otyob cha'p'ej uxp'ej q'uin.

11

Pablo ti' sube año' b_Λ ti Jerusalén bajche' ti ujti ya' ba'an Cornelio

1 Jini yajc_Λbilob' b_Λ ajsubt'añob ñumel yic'ot yamb_Λ ochemo' b_Λ ti' t'an Dios ya' ti Judea ti yubiyob tsa'ix i ch'ujbiyob i t'an Dios jini mach b_Λ israelob.

2 Che' ñac ti cha' sujti ti Jerusalén Pedro, jini israelob' b_Λ ochemo' b_Λ ti' t'an Dios ti queji i y_Λ'eñob.

3 Ti y_{ΛΛ}yob: ¿Chucoch tsajñiyet a jula'an mach b_Λ israelob? ¿Chucoch ti uch'iyet yic'otyob? Che' ti y_{ΛΛ}yob.

4 Che' jini Pedro ti' lu' subeyob c'_{ΛΛ} ti tyejchibal pejtyel ch_Λ b_Λ ti ujti. Ti y_{ΛΛ}:

5 Ya' añoñ ti lum Jope b_Λ i c'aba'. Muc'on ti oración. Che' jini ti quil_Λ che' bajche' tic ñajal che' bajche' colem pisil yilal. Lajal chucul ti ch_Λnwejl i xujc. Ti jubi ty_Λlel ti chan. C'_{ΛΛ}l ti c'oti ya' ba'añoñ.

6 Ti' queji c wen q'uele' cha'an mi' q'uel ch_Λ b_Λ an. Ya'an ti quil_Λ animal tyac ch_Λnts'ij_t b_Λ yoc

yic'ot simaron b_Λ am b_Λ ti ma'tye'el, yic'ot lucum tyac yic'ot xma'tye'mut tyac.

⁷ Ti cubi t'an tsa' b_Λ y_ΛΛ: Wa'i Pedro. Ts_Λnsan. C'uxu ch_Λ b_Λ jach yes. Che' ti y_ΛΛ jini ajt'an.

⁸ Pero joñon tic jac'Λ. Ma'ix, c Yum. Ma'an ba' b_Λ ora tij c'uxu tic'bil b_Λ bajche' mi lojon c ch'ujbin ti i mandar israelob.

⁹ Che' jini tic cha' ubi t'an loq'uem b_Λ ti panchan tsa' b_Λ y_ΛΛ: Mach'an ma' w_Λle' mach wen mu' b_Λ c_ΛΛ ti wen. Ch_Λ'_Λch ti y_ΛΛ jini ajt'an.

¹⁰ Uxyajlel ch_Λ'_Λch ti ujti. Che' jini ti cha' letsi ti chan jini colem pisil. Che' ti y_ΛΛ Pedro.

¹¹ Ti' bej cha'le t'an Pedro. Ti y_ΛΛ: Ti jim b_Λ ora che' ñac ti ujti pejtyel jini, ya' ti c'otiyob ti otyot ba' ti poj ajniyon uxtiquil winic loq'uemo' b_Λ ti Cesarea. Ti c'oti i s_Λclañon.

¹² Jini Ch'ujul b_Λ i Ch'ujlel Dios ti' xiq'uiyon majlel yic'otyob. Cucu a wic'otyob. Mach a saj ts'a'q'uel jini mach b_Λ israelob. Che' ti subentiyon. Che' jini seis winicob ochemo' b_Λ ti' t'an Dios ti majli quic'ot. Ya' ti ochiyon lojon ti yotyot juntiquil winic.

¹³ Che' jini, ti' subeyon lojon bajche' ti yil_Λ che' bajche' ti ñajal juntiquil ajtroñel i cha'an Dios ch'oyol b_Λ ti panchan. Ya' ti wa'le ti yotyot. Ti' sube: Choco majlel winicob ya' ti Jope cha'an mi' p_Λy ty_Λlel juntiquil Simón b_Λ i c'aba'. Cha'chajplel b_Λ i c'aba' Simón jini Pedro.

¹⁴ Jini mi quej i subeñet bajche' ch'ujbi a tyaj a coty_Λntyel jatyet yic'ot pejtyel a pi'_Λlob ti a wotyot. Che' ti subenti jini winic, che' Pedro.

15 Che' jini, che' ti quejyon ti t'an ya' ti' tyojlelob, jini Ch'ujul b_Λ i Ch'ujlel Dios ti ochi ti' pusic'alob lajal che' bajche' ti ochi ti lac cha'an ti yamb_Λ ora.

16 Che' jini c'ajal c cha'an jini tsa' b_Λ i y_{ΛΛ} Jesús che' ti y_{ΛΛ}: Melel_Λch ti y_{ΛC'}_Λ ch'_Λm ja' Juan pero Dios mi quej i y_{Λq'}ueñetla Ch'ujul b_Λ i Ch'ujlel, che'en.

17 Dios ti y_{ΛC'}ob Ch'ujul b_Λ i Ch'ujlel lajal bajche' ti y_{Λq'}ueyonla che' ñac ti ochiyonla ti lac Yum Jesu-cristo. Che' jini mach'an tic wenta cha'an c tiq'ue' Dios mi yom i y_{Λq'}ueñob Ch'ujul b_Λ i Ch'ujlel. Che' ti y_{ΛΛ} Pedro.

18 Che' ñac jini ochemo' b_Λ ti t'an Dios ya' ti Jerusalén ti yubiyob i t'an Pedro ti wa' lajmiyob ti t'an. Ti queji i subeñob i ñuclcl Dios. Ti y_{ΛΛ}yob: Q'uele a wilan, Dios ti y_{Λq'}ue je'el mach b_Λ israelob cha'an mi' q'uextyañob i pusic'al i tyajob i cuxty_Λlel mach'_Λ yujil jilel. Che' ti y_{ΛΛ}yob.

Jini ochemo' b_Λ ti' t'an Dios ya' ti Antioquía

19 Ti jim b_Λ q'uin che' ñac ti' ts_{ΛNS}_Λyob Esteban ti queji i cab_Λ ty_{ΛC'}lañob yamb_Λ ochemo' b_Λ ti' t'an Dios je'el. Lamital ti puts'iyob c'_{ΛΛ}l ti pañimil Fenicia b_Λ i c'aba' yic'ot ya' ti lum joyol b_Λ ti ja' Chipre b_Λ i c'aba' yic'ot ya' ti lum Antioquía b_Λ i c'aba'. Jini jach ti' subeyob i t'an ba'an israelob. Mach'an ti' subeyob jini mach b_Λ israelob.

20 Pero lamital jini ochemo' b_Λ ti' t'an Dios, jini loq'uemo' b_Λ ti Chipre yic'ot ti yamb_Λ pañimil Cirene b_Λ i c'aba' ti c'otiyob ya' ti lum Antioquía b_Λ i c'aba'. Ya'i ti' subeyob mach b_Λ israelob bajche' mi' tyajob i coty_Λntyel ti Jesús.

21 An i p'atyal lelel Jesús yic'otyob tsa' b_Λ i cha'leyob subt'an. Cab_Λlob tsa' b_Λ i yubiyob i t'an ti' c_Λy_Λyob oñiyix b_Λ t'an tsa' b_Λ i ch'ujbiyob. Ti' ch'ujbiyob Jesús.

22 Che' ñac ti yubiyob ochemo' b_Λ ti' t'an Dios ya' ti Jerusalén pejtyel bajche' ch_Λncol yujtyel ya' ti yamb_Λ pañimil tyac ti' chocoyob majlel Bernabé ti Antioquía.

23 Che' ñac ti c'oti Bernabé ti yil_Λ bajche' ti aq'uentiyob i yutslel i pusic'al Dios jini ya' b_Λ añob. C'ajacña i yoj Bernabé. Ti' wen xiq'uiyob cha'an i ch_Λc xuc'chocoñob i pusic'al ti Jesús.

24 Wen uts Bernabé. But'ul i pusic'al ti Ch'ujul b_Λ i Ch'ujlel Dios. Ti jump'ej jach i pusic'al ti' ch'ujbi Dios. Cab_Λlob ti' ch'ujbi Jesús ti' pusic'al che' ñac ti yubiyob ch_Λ b_Λ ti y_Λl_Λ Bernabé.

25 Ti wi'il ti majli Bernabé ya' ti Tarso cha'an mi' s_Λclan Saulo. Che' ñac ti' tyaja, ti' p_Λy_Λ majlel ti Antioquía.

26 C'_Λl_Λ jump'ej jab ya' ti c_Λyleyob yic'ot ochemo' b_Λ ti' t'an Dios. Ti' c_Λantis_Λyob cab_Λl quixtyañujob. Ya' ti Antioquía jiñ_Λch ba' ti queji i ñaxan ajlelob ti ochemo' b_Λ ti' t'an Dios b_Λ quixtyañujob.

27 Che' ñac mu' tyo ti c_Λantis_Λ Bernabé yic'ot Saulo ya' ti Antioquía, ti c'otiyob cha'tiquil uxtiquil tsa' b_Λ i xiq'ui y_Λle' Dios ch'oyol b_Λ ti Jerusalén.

28 Juntiquil Agabo b_Λ i c'aba' ti wa'le ti xiñil ochemo' b_Λ ti' t'an Dios. Jini Ch'ujul b_Λ i Ch'ujlel Dios ti y_Λq'ue i w_Λ wen tsictis_Λben cha'an tyal cab_Λl wi'ñal ti pejtyel mulawil. Ch_Λ'_Λch ti ujti che' ñac an ye'tyel jini ñoj ñuc b_Λ yum_Λl Claudio b_Λ i c'aba'.

²⁹ Jini ochemo' b_Λ ti' t'an Dios ya' ti Antioquía ti' lajayob i t'an cha'an i chocob majlel tyaq'uin ba'an ochemo' b_Λ ti' t'an Dios ya' ti Judea. Jujuntiquil ti bajñel ña'tya_Λ bajche' yonlel ch'ujbi i yaq'uén.

³⁰ Ch_Λ'ach ti' cha'leyob. Che' jini ti' c'ab Bernabé yic'ot Saulo ti' chocoyob majlel jini much'quibilix b_Λ tyaq'uin ya' ba'an ancianojob ya' ti Judea.

12

Ti tsansanti Jacobo; ti yotsayob Pedro ti cachol

¹ Ti jim b_Λ ora jini ñuc b_Λ yumal Herodes b_Λ i c'aba' ti queji i tyac'lañob lamital ochemo' b_Λ ti' t'an Dios.

² Ti' xiq'ui ti tsansantysel ti machit Jacobo i yascun Juan.

³ Herodes ti yil_Λ wen c'ajacñayob i yoj jini israelob cha'an ti' tsans_Λ Jacobo. Jin cha'an ti' chucu Pedro je'el. Ch_Λ'ach ti ujt_i ti jini ñuc b_Λ q'uin che' ñac i tyal_Λel mi' c'uxob jini caxlan waj mach'Λ ba'an yic'ot levadura mu' b_Λ yaq'uén i wos i b_Λ.

⁴ Che' ñac ti' chucu Pedro ti yots_Λ ya' ti c_Λchonibal ba' ti' wen c_Λñatyayob chanmojt soldadojob. An chantiquil soldado ti jujunmojt. Herodes ti' ña'tya_Λ mi quej i loc'san Pedro che' ñumenix jini ñuc b_Λ q'uin cha'an mi' p_Λy majlel ti melojel ti' tyojlel quixtyañujob.

⁵ Ya' tyo an ti c_Λchonibal Pedro. Wen c_Λñatyab_il_Λch. Pero ochemo' b_Λ ti' t'an Dios ti jump'ej jach i pusic'al chancol i ch_Λc tyajob ti oración Pedro.

Dios ti' loc'sa ti cachol Pedro

⁶ Che' jini, ti jim b_Λ ac'b_Λlel che' ijc'al tyo i p_Λy loq'uel Herodes ti melojel, an tyo ti c_Λchonibal

Pedro. Xin lɔpɔl i cha'an cha'tiquil soldado. Wɔyɔl Pedro. Cɔchɔl ti cha't'ujm cadena. Yambɔ soldado-job chɔncol i cɔñɔtyañob i ti' cɔchonibɔl.

⁷ Ti saj ora jach ti tsictiyi juntiquil ajtroñel i cha'an Dios ch'oyol bɔ ti panchan. Sɔcpojan ya' ti mali cɔchonibɔl. Jini ti' nijcɔ Pedro ti' quejlop. Ti' p'ixtisa. Ti yɔlɔ: Tyejchen ti ora, che'en. Che' jini, i cadenajlel tyac am bɔ ti' c'ɔb ti bajñel tyujq'ui loq'uel.

⁸ Jini ajtroñel i cha'an Dios ch'oyol bɔ ti panchan ti yɔlɔ: Cɔchɔx a cinturón. Xojox a zapatos. Che' ñac ti ujti i mele' Pedro che bajche jini, jini ajtroñel i cha'an Dios ti yɔlɔ: Lɔpɔx jini yambɔ ticɔw bɔ a bujc. La'. Tsɔcleñon majlel, che' ti yɔlɔ.

⁹ Pedro ti' tsɔcle majlel jini ajtroñel i cha'an Dios ch'oyol bɔ ti panchan. Pero mach'an ti' ñoj ña'tyɔ mi yoque melelɔch bajche' chɔncol i yujtyel. Che' bajche' ñajal jach muc' ti' lolon ña'tyɔ.

¹⁰ Ti ñumiyob ba'an jini ñaxan bɔ jumojt ajcɔñɔtya cɔchonibɔl yic'ot ti cha'mojtlel. Che' jini ti c'otiyob ya' ti colem bɔ i ti' cɔchonibɔl ba' mi loq'uelob ti calle. Melel ti tsucul tyaq'uin jini i ti' cɔchonibɔl. Che' ti c'otiyob ti bajñel jajmi. Ti loq'uiyob. Ti' motin t'uñuyob majlel jump'ej calle. Che' jini, i yajtroñel Dios ti' bajñel wa' cɔyɔ Pedro.

¹¹ Che' jini Pedro ti queji i ña'tyan chɔ bɔ ti ujti. Ti' pusic'al ti yɔlɔ: Wale kujilix isujm. Jini c Yum ti' choco tyɔlel jini ajtroñel i cha'an, cha'an mi' loc'sañon ti' p'ɔtyɔlel Herodes yic'ot ti pejtyel jini bajche' yom i tyɔc'lañon israelob. Chɔ'ɔch ti bajñel alɔ ti' pusic'al Pedro.

¹² Chɔncol tyo i pensalin jini tsa' bɔ ujti. Che' jini ti majli ti yotyot María i ña' Juan. I cha'chajplel bɔ

i c'aba' Juan jiñach Marcos. Cabal quixtyañujob ya' much'quibilob ti oración.

13 Che' ñac ti' jats'Λ i ti' otyot Pedro, juntiquil xc'alal Rode bΛ i c'aba' ti majli i q'uel majchqui ya'an.

14 Che' ñac ti yubibe i t'an Pedro ma'ix ti' wa' jambe i ti' otyot. Pero cha'an wen c'ajacña i yoj ti sujti ti ajñel i subeñob ya' bΛ añob ti mal cha'an ya'ix an Pedro ya' ti ti' otyot.

15 Che' jini ti yalayob: Leco a jol, che'ob. Pero jini Rode ti' cha' subeyob cha'an yoque melelach i t'an. Jin cha'an ti yalayob: C'o'ojl jiñach yajtroñel i cha'an Dios ch'oyol bΛ ti panchan tsa' bΛ i choco tyalel cha'an i cañatyan Pedro. Che' ti yalayob.

16 Pero Pedro c'alal chancol tyo i jats' i ti' otyot. Che' ti ñumi ora ti' jambeyob i ti' otyot. Tyoj bac'ñajelob che' ñac ti yalayob Pedro.

17 Pedro ti' pas'eyob i c'ab cha'an mi lajmel ti t'an. Che' jini ti' wen tsictisabeyob bajche' ti' loc'sΛ ti cΛchonibal ti lac Yum. Ti' subeyob: Suben Jacobo yic'ot yaño' bΛ ochemo' bΛ ti' t'an Dios pejtyel chΛ bΛ ti ujti. Che' ti yalΛ Pedro. Che' jini ti loq'ui majlel. Ti majli ti yambΛ otyot.

18 Che' ti sac'Λ ti' wen cha'leyob t'an jini soldadojob. Ma'an ti' saj ña'tyalob chΛ bΛ yes ti ujti, bajche' ti loq'ui ti cΛchonibal Pedro.

19 Herodes ti' xiq'ui i wen saclañob Pedro. Pero ma'an ti' tyajayob. Che' jini ti' wersa c'ajtibe soldadojob bajche' ti loq'ui Pedro. Pero mach ch'ujbi i jac'ob como ma'an ti' ch'Λmalob isujm. Jin cha'an Herodes ti yac'Λ ti tsansantyel soldadojob. Che' jini Herodes ti loq'ui majlel ti Judea. Ti majli ti chumtyal ya' ti Cesarea.

Ti sajti Herodes

20 Herodes chancol i wen mich'q'uel jini quixtyañujob ya' ti lum Tiro yic'ot Sidón b_Λ i c'aba'. P'ump'uñob jini quixtyañujob ya'i. Mach jas_Λ i b_Λlob i ñ_Λc'. I ty_Λlel Herodes mi' choc majlel i b_Λlob i ñ_Λc'. Pero ma' ti' poj coty_Λyob como mich'. Jin cha'an quixtyañujob ya' ti Tiro yic'ot Sidón ti' lajayob i t'an cha'an jini año' b_Λ ye'tyel mi majlelob cha'an i pejcañob Herodes. Ñaxan ti' pej_Λyob juntiquil ñ_{uc} b_Λ ajtroñel i cha'an Herodes Blasto b_Λ i c'aba'. Ti' p_Λs'eyob tyaq'uin cha'an mi' cotyañob ti t'an ti' tyojlel Herodes cha'an mi' lajmel i mich'lel.

21 Che' jini Herodes ti' subeyob ch_Λ b_Λ ti q'uin mi much'quiñob i b_Λ jini loq'uemo' b_Λ ti Tiro yic'ot Sidón. Ti jim b_Λ q'uin ti' xojo yoque c'otyajax b_Λ i pislel bajche' mi' xojob ñoj ñ_{uc} b_Λ yum_Λlob. Ti buchle ti colem b_Λ i buchlib. Ti' wen pej_Λyob.

22 Che' jini pejtyel jini much'quibilo' b_Λ quixtyañujob ti quejiyob ti c'am b_Λ t'an. Mach quixtyañujic mu' b_Λ ti t'an. Jiñ_Λch juntiquil dios, che' ti' lolon al_Λyob.

23 Ti jini jach b_Λ ora juntiquil ajtroñel i cha'an Dios ch'oyol b_Λ ti panchan ti' c'amis_Λ Herodes como ma'an ti' q'uele ti ñ_{uc} Dios pero ti y_Λc'_Λ i b_Λ ti ch'ujutis_Λntyel. Che' bajche' Dios ti' lolon mele i b_Λ. Motso' ti' c'uxbe i b_Λc'tyal Herodes. Ti sajti.

24 Pero i t'an Dios ti' bej pujqui majlel. Jini ochemo' b_Λ ti' t'an Dios ti' ch_Λc subu majlel ba'ical.

25 Che' ñ_Λc jini Bernabé yic'ot Saulo ti ujti i y_Λq'uen año' b_Λ ti Jerusalén jini tyaq'uin tsa' b_Λ i

much'quiyob jini año' b_Λ ti Antioquía ti cha' sujtiyob majlel ti Antioquía. Ti' p_Λy_Λyob sujtyel Juan cha'chajplel b_Λ i c'aba Marcos.

13

Pablo yic'ot Bernabé ti' tyeche i puc ñumel i t'an Dios

¹ Ya'an yic'otyob ochemo' b_Λ ti' t'an Dios ya' ti Antioquía winicob tsa' b_Λ aq'uenti ti Dios i wen sub i sujmllel i t'an yic'ot i wen c_Λntisañob ti' t'an Dios. Jiñ_Λch Bernabé yic'ot Simón (cha'chajp b_Λ i c'aba' Negro) yic'ot Lucio ch'oyol b_Λ ti lum Cirene b_Λ i c'aba' yic'ot Saulo. An je'el jini Manaén b_Λ i c'aba'. (Jini Manaén lajal ti coli yic'ot Herodes tsa' b_Λ ochi ti ñuc b_Λ ye'tyel ya' ti Galilea.)

² Jump'ej q'uin che' ñac muc'ob ti ch'ajb cha'an mach'an ti poj uch'iyob ch_Λncol i ch'ujutisañob Dios. Jini Ch'ujul b_Λ i Ch'ujlel Dios ti' pejc_Λyob. Ti y_ΛΛ: La' majlic Bernabé yic'ot Saulo cha'an i cha'libeñon c toñel mu b_Λ c p_Λs'eñob. Che' ti y_ΛΛ Ch'ujul b_Λ i Ch'ujlel Dios.

³ Che' tsa'ix ujtiyob ti ch'ajb yic'ot oración ti y_Λc'ayob i c'ab ti' jol Bernabé yic'ot Saulo. Ti y_Λq'ueyob ti majlel.

Jini yajc_Λbilob' b_Λ ajsubt'añob ñumel mi' cha'leñob subt'an ya' ti Chipre

⁴ Che' jini Bernabé yic'ot Saulo ti majliyob c'Λ_Λ ti lum Seleucia b_Λ i c'aba' che' bajche' ti' xiq'ui Ch'ujul b_Λ i Ch'ujlel Dios. Che' jini ti ochiyob ti barco cha'an mi majlelob ti jump'ej lum joyol b_Λ ti ja' Chipre b_Λ i c'aba'.

5 Che' ñac ti c'otiyob ya' ti jini lum ya' ti lac'Al ti' ja' Salamina bΛ i c'aba' ti queji i subeñob i t'an Dios ya' ti i templo tyac israelob. Ya'an Juan yic'otyob je'el cha'an mi' cotyañob ti toñel.

6 Ti ñumiyob ti' pettyAllel ili lum joyol bΛ ti ja'. C'AlAl ti c'otiyob ya' ti junxejlel lum Pafos bΛ i c'aba'. Ya' ti' tyajayob juntiquil israel bΛ winic Barjesús bΛ i c'aba'. Yujil wujt jini Barjesús. CabAl ti' loti quixtyañujob como ti' lolon subu i bΛ ti juntiquil tsa' bΛ i xiq'ui yAlle' Dios.

7 Jini Barjesús ajtroñel i cha'an Sergio Paulo jini ñuc bΛ yumAl ya' ti ili lum. Wen an i ña'tyAbal jini Sergio Paulo. Che' jini ti' xiq'ui ti pAyol Bernabé yic'ot Saulo cha'an yom i yubin i t'an Dios.

8 Pero jini yujil bΛ wujt cha'chajp bΛ i c'aba' Elimas ti' ts'a'q'uele Bernabé yic'ot Saulo como mach yom i yAlq'uen i ch'ujbin i t'an Dios jini ñuc bΛ yumAl.

9 But'ul i pusic'al Pablo ti Ch'ujul bΛ i Ch'ujlel Dios. Che' jini Saulo, cha'chajplel bΛ i c'aba' Pablo, ti' ch'uj q'uele jini yujil bΛ wujt.

10 Ti yAlAl: Xlotyot. Simaroñet. I yalobilet xiba. Ma' chAc contrajin pejtyel chΛ bΛ wen. ¿Chucoch ma' lolon jop' a chAc mActyan jini yomo' bΛ i ch'ujbin lac Yum?

11 Wale, che' jini, lac Yum mi quej i yAlq'ueñet a xot' a mul. Mi quej a wochel ti xpojts'. Ma'an mi quej a poj ilan i saclel pañimil. Che' ti subenti Barjesús. Ora jach ti wa' sujti ti xpojts'. An ti ic't'ojñal. Ti queji i xuc'ul saclan juntiquil mu' bΛ i chuchben i c'Ab i cotyan ti xAmbal como mach ch'ujbi i yilan pañimil.

12 Che' ñac ti yil_Λ jini ñuc b_Λ yum_Λ bajche' ti ujti, ti' ch'ujbi Jesús ti' pusic'al. Como tyoj b_Λc'ñ_Λjel cha'an i t'an Dios che' bajche' ti' c_Λantis_Δyob jini Bernabé yic'ot Saulo.

Pablo yic'ot Bernabé ya' ti Antioquía am b_Λ ti Pisidia

13 Pablo yic'ot tsa' b_Λ pi'leyob majlel ti x_Λambal ti ochiyob ti barco ya' ti Pafos. Ti ñumiyob majlel ti ja' jintyo ti c'otiyob ti yamb_Λ lum Perge b_Λ i c'aba' ya' ti l_Λc'alel i ti' jini pañimil Panfilia b_Λ i c'aba'. Juan ti' c_Λy_Δyob ya'i. Ti bajñel sujti ti Jerusalén.

14 Che' jini Saulo yic'ot Bernabé ti loq'uiyob majlel ti Perge. Ti c'otiyob ya' ti lum Antioquía b_Λ i c'aba' ya' ti pañimil Pisidia b_Λ i c'aba'. Ti i q'uinilel c'aj oj ti ochiyob ti jump'ej i templo israelob. Ti buchleyob.

15 Che' ñac ti ujti i q'uelbeñob ts'ijbubil b_Λ i mandar tsa' b_Λ i c_Δybeyob Moisés yic'ot ts'ijbubil b_Λ i t'an jini tsa' b_Λ i xiq'ui i y_Λle' Dios ti ñoj oniyix, jini año' b_Λ ye'tyel ya' ti jini templo ti' chocoyob majlel t'an ya' ba' buchul Saulo yic'ot Bernabé. Ti y_Λl_Λ: Pi'lob, mi an ch_Λ b_Λ a wom a subeñob quixtyañujob cha'an mi' ñuc isabeñob i pusic'al, ch'ujbiy_Λch a subeñob wale iliyi, che' ti y_Λl_Δyob.

16 Che' jini Pablo ti wa'le. Ti' p_Δs'eyob i c'ab cha'an ñ_Λch'ty_Δlob. Che' jini ti queji ti t'an. Ti y_Λl_Λ: Ñ_Λch'tyanla israellet b_Λ la yic'ot mach b_Λ israelletla mu' b_Λ la' q'uel ti ñuc Dios.

17 Jini Dios mu' b_Λ lac ch'ujbin israelon b_Λ la ti' yajc_Λ lac yumob ti ñoj oniyix cha'an yoque i cha'añ_Λch. Ti oc'ayob. Ti q'uejliyob ti wen como

Dios ti' wen cotyayob. Che' ñac ya' tyo añob ti Egipto, Dios ti' pʌs'eyob loq'uel ti i p'ʌtyalɛl.

18 C'ʌlʌl cuarenta jab Dios ti' cuchu pejtyel i melbalob ya' ti tyʌquin bʌ joch lum.

19 Dios ti' jisʌ siete yumʌlob ya' ti jini pañimil Canaán bʌ i c'aba' cha'an mi yʌq'uen i lumalob jini lac yumob ti ñoj oniyix.

20 Che' jini c'ʌlʌl cuatrocientos cincuenta jabil Dios ti' wa'choco jueces tsa' bʌ ochiyob ti yumʌl. Chʌ'ach ti ujti c'ʌlʌl jintyo ti ochi ti ye'tyel juntiquil tsa' bʌ i xiq'ui yʌle' Dios Samuel bʌ i c'aba'.

21 Che' jini lac yumob ti ñoj oniyix ti' c'ajtibeyob Dios cha'an mi yʌq'ueñob juntiquil rey mu' bʌ i yochel ti yumʌl. Che' jini Dios ti yotsʌ ti ye'tyel juntiquil i yalobil Cis, Saúl bʌ i c'aba'. Jini Saúl jiñach i jiñajlel juntiquil lac yumob ti ñoj oniyix Benjamín bʌ i c'aba'. C'ʌlʌl cuarenta jab an ye'tyel jini Saúl.

22 Che' jini Dios ti' q'uextyʌ ti ye'tyel Saúl. Ti yotsʌ juntiquil David bʌ i c'aba' ti' q'uexol. Dios ti' tyaja ti t'an jini David. Ti yʌʌ: Cujil isujm jini David i yalobil Isaí, jiñach juntiquil mu' bʌ c wen mulan bajche' mi' chʌc mel. Mi quej i chʌc ch'ujbibeñon pejtyel c xic'ojel. Che' ti yʌʌ Dios, che' Pablo.

23 Pablo ti bej alʌ: Jesús, jiñach juntiquil i jiñajlel David. Che' jini, che' bajche' ti wʌ alʌ Dios ti ñoj oniyix ti yotsʌ ti ye'tyel Jesús cha'an ajcotyayaj i cha'an bʌ israelob.

24 Che' ñac max tyo ti queji ti cantisa Jesús, Juan ti' subeyob pejtyelel israelob cha'an yom i ch'ʌm ja' cha'an tsiquil ti' cʌyayob i mul.

25 Che' ñac ma'ix jal mach sajt, Juan ti y_ΛΛ: Jatyetla ch_Λncol la' lolon pensalín joñoñach jini ch_Λncol b_Λ la' pijtyan. Mach joñonic. Pero tyal tyo jini yamb_Λ. Joñon ma' sajlic c ñucl_Λ cha'an mic tic'ben i zapatos como wen ñuc jini yamb_Λ. Joñon mach'an ñucon. Che' ti y_ΛΛ Juan, che' Pablo.

26 Pablo ti' bej cha'le t'an. Ti y_ΛΛ: Pi'lob, i jiñajlelet b_Λ la Abraham yic'ot pejtyel mach b_Λ israetla mu' b_Λ la' q'uel ti ñuc Dios. Jiñach lac cha'an pejtyelonla jini t'an cha'an bajche' mi lac tyaj laj coty_Λtyel.

27 Jini año' b_Λ ti Jerusalén yic'ot jini yumlob i cha'an, ma'an ti' ña'tyayob majchqui jini Jesús. Ma'an ti' ch'ambeyob isujm i ts'ijbujel jini tsa' b_Λ i xiq'ue yale' Dios ti ñoj oniyix tsa' b_Λ subentiyob ya' ti' templo israetlob ti jujump'ej i q'uinilel c'aj oj. Jiñob tsa' b_Λ wen yubiyob jini t'an ti y_ΛC'ayob ti tsictiyel bajche' ts'ijbubil che' ñac ti y_ΛC'Λ ti sajtyel Jesús.

28 Aunque mach sajlic an i mul Jesús pero jiñob ti' c'ajtibeyob Pilato cha'an mi y_ΛC' ti sajtyel Jesús.

29 Che' jini ti ujti pejtyel jini w_Λ ts'ijbubil ti' t'an Dios cha'an bajche' mi quej i sajtyel Jesús. Che' jini, ti' ju'sayob ti cruz Jesús che' ñac sajtyemix. Ti' ch'ujñayob ti muconib_Λl piquil b_Λ ti mal tyun.

30 Pero Dios ti' tyeche loq'uel ba'an sajtyemo' b_Λ.

31 C'Λl_Λl ti ñumi cab_Λl q'uin Jesús ti' p_ΛS_Λ i b_Λ ba'an tsa' b_Λ pi'leyob ti x_Λmbal c'Λl_Λl ti Galilea c'Λl_Λl ti Jerusalén. Wale jiñobach jini ch_Λncol b_Λ i subeñob quixtyañujob pejtyel ch_Λ b_Λ ti yilayob yic'ot pejtyel tsa' b_Λ i y_ΛΛ Jesús.

32-33 Wale Bernabé quic'ot w_Λ' ti ty_Λliyon lojon cha'an mi lojon c subeñetla jini wen b_Λ' t'an. Pejtyel tsa' b_Λ' i w_Λ' al_Λ Dios che' ñac ti' pejc_Λ lac yumob ti ñoj oniyix tsa'ix i ts'_Λctis_Λ wale iliyi cha'añonla i jiñ_Λjlelonla. Ch_Λ'_Λch ti ts'_Λctis_Λ che' ñac ti cha' tyejchi loq'uel Jesús ba'an sajtyemo' b_Λ'. Ti ts'ijbubil b_Λ' i t'an Dios ya' ti cha'p'ejlel b_Λ' salmo mi' tyaj ti t'an Jesús ba' mi y_Λle': Jatyet, calobilet_Λch. Ti jim b_Λ' q'uin tsa'ix c_Λq'ueyet a cuxty_Λlel. Che' ti y_Λl_Λ Dios, che' Pablo.

34 Pablo ti bej al_Λ: Dios ti w_Λ' al_Λ cha'an mi quej i cha' tyejchel loq'uel Jesús ba'an sajtyemo' b_Λ' cha'an ma'an mi p_Λc'm_Λ i b_Λc'tyal. Ch_Λ'_Λch ti y_Λl_Λ Dios ti jini ts'ijbubil b_Λ' i t'an ba' mi y_Λle': Mi quej c_Λq'ueñet i yutslel c pusic'al che' bajche' tic w_Λ' sube jini David, che'en.

35 Ya' ti yamb_Λ salmos b_Λ' jun mi y_Λl: Ma'an mi quej a w_Λc' ti p_Λc'm_Λ i b_Λc'tyal jini p'unty_Λbil b_Λ' ajtroñel a cha'an. Che' mi y_Λl ti salmos b_Λ' jun, che'en Pablo.

36 Ti' bej cha'le t'an Pablo. Ti y_Λl_Λ: Ñoj melel_Λch David ti' wen cha'le i toñel bajche' ti' xiq'ui Dios ya' ti' tyojlel i pi'_Λlob. Pero ti wi'il ti sajti. Ti ch'ujñ_Λanti ya' ti' t'ejl i yumob ti ñoj oniyix. Ti p_Λc'mi i b_Λc'tyal.

37 Pero ma'an ti p_Λc'mi i b_Λc'tyal jini tsa' b_Λ' i tyechi loq'uel Dios ba'an sajtyemo' b_Λ'.

38 Ubinla, pi'_Λlob. Yom mi la' wen ch'_Λm'en isujm cha'an ti Jesús mi lac tyaj i ñ_{us}ant_Λtyel lac mul. Jiñ_Λch jini ch_Λncol b_Λ' lac tsictis_Λbent_Λtyel.

39 Mach ch'ujbi lac tyaj i ñ_{us}ant_Λtyel lac mul cha'an ti lac ch'ujbi mandar tyac tsa' b_Λ' aq'uenti Moisés ti Dios. Pero pejtyelel mu' b_Λ' i ch'ujbiñob Jesús mi ñ_{us}abent_Λyelob i mul.

40 Yom mi la' wen q'uel la' b_Λ cha'an mach uj-tiquetla bajche' mi y_Λle' ti i ts'ijbujel jini tsa' b_Λ i xiq'ui y_Λle' Dios ti ñoj oniyix.

41 Como jiñob_Λch ti' ts'ijbu:

Ubinla, jatyetla ch_Λncol b_Λ la' cha'len wajleya. Mi quej la' sajtyel cha'an ma'an ti la' ch'ujbi.

Como joñon Dioson. Mi quej c p_Λs yoque ñuc b_Λ c cha'libal ti la' tyojlel.

Pero ma'an mi quej la' ch'ujbin aunque an jini mu' b_Λ i wen tsictis_Λbeñetla i sujmllel.

Ch_Λ'_Λch ti' cha'le t'an Dios, che'en Pablo.

42 Ti loq'uiyob majlel ti i templo israelob Pablo yic'ot jini tsa' b_Λ ts_Λcle ti x_Λmbal. Jini mach b_Λ israelob ti' c'ajtibeyob cha'an cha' ty_Λlicob ti tyal tyo b_Λ i q'uinilel c'aj oj cha'an mi' más subeñob ili t'an.

43 Che' ñac pejtyel quixtyañujob ti loq'ui majlel ti' templo israelob cab_Λl israelob yic'ot mach b_Λ israelob tsa' b_Λ i q'uex_{ty}ayob i pusic'al cha'an i ch'ujbiñob ti jump'ej jach i pusic'al bajche' mi' ch'ujbin israelob ti' ts_Λcleyob majlel Pablo yic'ot Bernabé. Pablo ti' wen subeyob cha'an mi' ch_Λc xuc'chocoñob i pusic'al ti i p'untyaya Dios.

44 Che' ñac ti cha' c'oti i q'uinilel c'aj oj yomox i tyaj pejtyelel quixtyañujob ya' ti ili lum ti' much'quiyob i b_Λ cha'an mi yubiñob i t'an Dios.

45 Jini yamb_Λ israelob ti yil_Λ bajche' ti' wen much'quiyob i b_Λ yonlel quixtyañujob. Che' jini ti queji i ts'a'q'uelob Pablo como ma'an ti' mul_Λyob bajche' ch_Λncol i ñ_Λch'ty_Λbeñob i t'an quixtyañujob. Ti' contrajiyob i t'an. Ti' wen wajleyob.

46 Más ch'ejl ti' jac'ayob Pablo yic'ot Bernabé. Ti yalayob: Ch'ach yom bajche' ti ujti cha'an mi la' ñaxan subentyel i t'an Dios jatyetla israelet b' la. Pero mach la' wom la' ch'ujbin. Mi ch'ach, che' jini, la' bajach ma'an mi quej la' w'q'uentyel la' cuxtyalel mach' yujil jilel. Che' jini mux lojon c loq'uel majlel ba' añetla. Mux lojon c majlel ba'an jini mach b' israelob.

47 Como ch'ach ti' xiq'uiyon lojon lac Yum ti i t'an ba' mi yale':

Tsa'ix c yajcayetla cha'an che' bajche' c'ajquetla mi la' p'as'eñob jini mach b' israelob i bijlel Dios cha'an mi' tyajob i cotyantyel c' lal jini más ñajt b' añob.

Ch'ach ti' xiq'uiyon lojon Dios, che' Pablo.

48 Wen c'ajacñayob i yoj jini mach b' israelob che' ñac ti yubiyob i t'an Pablo. Ti yalayob: Wen c'otyajax i t'an lac Yum, che'ob. Pejtyelob jini tsa' b' yajcanti cha'an mi' tyajob i cuxtyalel mach' yujil jilel ti' ch'ujbibeyob i t'an.

49 Ch'ach ti' subuyob ñumel i t'an lac Yum ti pejtyelel pañimil.

50 Jini israelob ti queji i xic'ob i contrajiñob Pablo yic'ot Bernabé jini winicob año' b' ye'tyel ya' ti ili lum. Ch'ach je'el ti' xiq'uiyob i contrajiñob Pablo yic'ot Bernabé x'ixicob ch'ac c'ajalob i cha'an Dios mu' b' q'uejlelob ti wen. Che' jini, jiñob año' b' ye'tyel yic'ot jini x'ixicob ti' xiq'uiyob cha'an mi' ts'a'q'uel Pablo yic'ot Bernabé pejtyel quixtyañujob jintyo ti' chocoyob loq'uel ya' ti jini lum.

51 Che' jini Pablo yic'ot Bernabé ti' chijcuyob loq'uel i ts'ujbejñal i zapatos. Ti ñoj oniyix ch'ach

ti' cha'leyob cha'an i señajlel mach saj wen bajche' ti' cha'leyob ili quixtyañujob. Che' jini Bernabé yic'ot Pablo ti majliyob ti yambΛ lum Iconio bΛ i c'aba'.

⁵² Wen c'ajacñayob i yoj pejtyel ochemo' bΛ ti' t'an Dios ya' ti Antioquía. But'ulob i pusic'al ti Ch'ujul bΛ i Ch'ujlel Dios.

14

Pablo yic'ot Bernabé ya' ti Iconio

¹ Ya' ti jini lum Iconio bΛ i c'aba' Pablo yic'ot Bernabé ti ochiyob ti i templo israelob. C'otyajax ti' wen cha'leyob subt'an. Che' jini cabal quixtyañujob, israelob yic'ot mach bΛ israelob ti' ch'ujbiyob i t'an Dios.

² Pero jini israelob mach'Λ ba'an ti' ch'ujbiyob i t'an Dios ti' ñijcayob jini mach bΛ israelob cha'an mi' ts'a'q'uel jini ochemo' bΛ ti' t'an Dios.

³ Ts'itya' jal ti caleyob Pablo yic'ot Bernabé. Ti jump'ejlob i pusic'al chΛc c'ajalob i cha'an Dios. Wen ch'ejl ti' cha'leyob subt'an. Ti' wen subeyob quixtyañujob cha'an i p'untyaya Dios. Dios ti yΛq'ueyob i pas ñuc bΛ i p'Λtyalel cha'an tsiquilach tyalem ti Dios jini i t'añob.

⁴ Mach junlajal i pensal ili quixtyañujob ya' ti ili lum. Lamital ti' lajayob i t'an yic'ot israelob. Jini yambΛ lamital yic'ot jini yajcΛbilo' bΛ ajsubt'añob ñumel.

⁵ Jini mach bΛ israelob ti' lajayob i t'añob yic'ot israelob yic'ot año' bΛ ye'tyel cha'an mi' ts'a'q'uelob yic'ot cha'an mi' julob ti tyun jini yajcΛbilo' bΛ ajsubt'añob ñumel.

⁶ Pero Pablo yic'ot Bernabé ti yubiyob bajche' chancel i lajob i t'an ili quixtyañujob. Jin cha'an ti puts'iyob ti jini pañimil Licaonia b_Λ i c'aba'. Ya' ti ochiyob ti lum tyac Listra yic'ot Derbe b_Λ i c'aba' yic'ot yamb_Λ lac'Λl tyac b_Λ lum.

⁷ Ya'i ti' wen subeyob je'el bajche' mi lac tyaj laj coty_Λntyel ti Jesús.

Pablo ti jujli ti tyun ya' ti Listra

⁸ Ya' ti Listra an juntiquil winic mach b_Λ ch'ujbi i cha'len x_Λmbal. Bele' buchul jach. C'ΛlΛl che' ñac ti ch'oc_Λ ma'an i c'Λjñibal yoc. Mach'an ba' b_Λ ora ti' cha'le x_Λmbal.

⁹ Chancel i wen ñach'ty_Λben i t'an Pablo jini winic. Pablo ti' ch'uj q'uele. Ti' ña'ty_Λ ti' pusic'al cha'an ili c'am b_Λ yi ti' ch'ujbi ti' pusic'al cha'an ch'ujbiy_Λch i lajmel.

¹⁰ Che' jini ti' pejc_Λ Pablo jini winic. Wa'i, che'en. Jini winic ti tijp'i wa'ty_Λ. Ti queji ti x_Λmbal.

¹¹ Che' ti yil_Λyob ch_Λ b_Λ ti' cha'le Pablo, jini quixtyañujob ti quejiyob ti c'am b_Λ t'an ti t'an Licaonia. Ti y_Λl_Λyob: Tsa'ix jubi ty_Λlel diosob che' yilal bajche' quixtyañu. Che' ti y_Λl_Λyob.

¹² I c'aba' i diosob jiñach Júpiter yic'ot Mercurio. Jin cha'an ti yots_Λbeyob i c'aba' Bernabé ti Júpiter yic'ot i c'aba' Pablo ti Mercurio. Ch'Λch ti yots_Λbeyob i c'aba' Pablo como jini ti' más cha'le t'an.

¹³ Ya' ti ti' jini lum an i templo i dios Júpiter b_Λ i c'aba'. Juntiquil cura i cha'an b_Λ ili templo ti' p_Λy_Λ ty_Λlel cha'cojt uxcojt tyat wacax. Ti' ch'Λm_Λ ty_Λlel je'el cab_Λl nich pimel. Jini quixtyañujob yic'ot jini cura yomob i ts_Λnsan jini wacax cha'an ts_Λns_Λbil

bΛ i majtyan Pablo yic'ot Bernabé. ChΛ'Λch bajche' jini yom i ch'ujutisañob.

14 Che' ñac jini yajcΛbilo' bΛ ajsubt'añob ñumel Pablo yic'ot Bernabé ti' ch'Λm'e isujm chΛ bΛ chΛncoli melob ili quixtyañujob, ti queji i bajñel tsil i pislel. Ti ñoj oniyix chΛ'Λch ti' cha'leyob cha'an i señaJlel mach saj wen mi yilan bajche' chΛncoli mel quixtyañujob. Ajñel ti ochiyob ya' ba'añob. Ti c'am bΛ t'an ti yΛΛyob.

15 Pi'Λlob. Mach yom la' cha'len che' bajche' jini. Winicon lojon je'el lajal che' bajche'etla. Ti tyΔliyon lojon cha'an mi lojon c subeñetla yom la' cΛy jini lolom jach bΛ. Yom la' ch'ujbin cuxul bΛ Dios. JiñΛch jini tsa' bΛ i mele pejtyel lum yic'ot chan yic'ot colem ja' tyac yic'ot pejtyel chΛ bΛ tyac an.

16 Ti ñoj oniyix Dios ti yΛq'ueyob i mel bajche' jach yom quixtyañujob.

17 Pero Dios ti' chΛc cha'le wen tyac bΛ cha'an mi' tsictisan DiosΛch. Mi yΛq'ueñonla ja'al. Mi yΛq'ueñonla i wen colel lac pΛc'Λb. Mi yΛq'ueñonla chΛ bΛ yom cha'an la cuch'el yic'ot mi yΛq'ueñonla c'ajacña bΛ la coj.

18 Aunque che' ti yΛΛ Bernabé yic'ot Pablo wocol ti' mΛctyΛbe quixtyañujob cha'an mach'an mi' tsansañob tyat wacax cha'an tsΛnsΛbil bΛ i majtyan cha'an mi' ch'ujutisañob.

19 Che' jini ti c'oti israelob ch'oyolo' bΛ ti Antioquía yic'ot ya' ti Iconio. Jiñob ti queji i wen pejcañob quixtyañujob jintyo jini quixtyañujob ti quejiyob i ts'a'q'uelob Bernabé yic'ot Pablo. Che' jini ti' juluyob ti tyun Pablo. Ti' tsΛnsΛ ti' lolon

ña'tyΛyob. Ti' tyujc'Λyob loq'uel ya' ti ti' lum ba' ti' cΛyΛyob.

20 Jini ochemo' bΛ ti' t'an Dios ti' much'quiyob i bΛ ya' ti' t'ejl Pablo ya' ba' tyots'ol. Che' jini ti tyejchi. Ti cha' ochi ya' ti lum. Ti yijc'Δlel Pablo yic'ot Bernabé ti loq'uiyob majlel cha'an mi majlelob ya' ti Derbe.

21 Ya'i ti' wen sube quixtyañujob bajche' mi' tyajob i cotyΛntyel ti Jesús. CabΔ ti' ch'ujbiyob cha'an ti caj i t'an. Che' jini Pablo yic'ot Bernabé ti cha' sujtiyob ya' ti Listra yic'ot ya' ti Iconio yic'ot ya' ti Antioquía.

22 Ya' ba' ti ñumiyob ti' wen tsictisΔbeyob i t'an Dios jini ochemo' bΛ ti' t'an Dios. Ti' subeyob cha'an mi' wen xuc'chocoñob i pusic'al ti' t'an Dios. Ti' subeyob cha'an ochicob ti i yumintyel Dios añach cha'an i wersa ñusañob wocol. ChΛ^ach ti yΛΛyob Bernabé yic'ot Pablo.

23 Ya' ti jujump'ej templo ti' wa'chocoyob ancianojob cha'an i ch'Λm i ye'tyel ti templo. Che' jini ti' cha'leyob oración yic'ot ti' poj cΛyΛyob uch'el. Che' jini ti yΛΛyob: La' i chΛc cotyañetla lac Yum jini tsa' bΛ la' ch'ujbi ti pejtyel la' pusic'al. Che' ti yΛΛyob.

Pablo yic'ot Bernabé ti cha' sujti ti Antioquía

24 Ti ñumi ti pejtyelel pañimil Pisidia bΛ i c'aba'. Ti c'otiyob ya' ti jini yambΛ pañimil Panfilia bΛ i c'aba'.

25 Ti' cha'leyob subt'an ya' ti jini lum Perge bΛ i c'aba'. Che' jini ti loq'uiyob majlel cha'an mi c'otyel ya' ti yambΛ lum Atalia bΛ i c'aba'.

26 Ya'i ti ochiyob ti barco. Ti sujtiyob ti Antioquía. Jiñach ba' ti ñaxan loq'uiyob majlel ti

subt'an ñumel. Ti jim b_Λ q'uin che' ñac ti ñaxan loq'uiyob majlel pejtyel jini ochemo' b_Λ ti' t'an Dios ti' wen cha'leyob oración cha'an mi' c'ajtiben Dios i cotyañob ti subt'an ñumel. Wale, che' jini, ujtyem ili i toñel. Ti cha' juliyob.

²⁷ Che' ñac ti c'otiyob ya' ti Antioquía ti' wen much'quiyob i b_Λ ti pejtyel ochemo' b_Λ ti' t'an Dios. Pablo yic'ot Bernabé ti' subeyob pejtyel bajche' ti' mele Dios yic'otyob, bajche' Dios ti' nijc_Λbeyob i pusic'al jini mach b_Λ israelob cha'an i yochel ti' t'an Dios je'el.

²⁸ Mero jal ti c_Λyle Pablo yic'ot Bernabé ya' yic'ot jini ochemo' b_Λ ti' t'an Dios.

15

Ti' much'quiyob i b_Λ ti Jerusalén

¹ Che' ñac ya' tyo an ti Antioquía Bernabé yic'ot Pablo ya' ti c'oti winicob ch'oyolo' b_Λ ti Judea. Jiñob ti queji i c_Λntisañob jini ochemo' b_Λ ti' t'an Dios cha'an mach ch'ujbi i tyajob i coty_Λntyel jintyo mi' ñaxan wersa tsepben i p_Λch_Λlel che' bajche' ti xijq'uiyob ti i mandar Moisés.

² Pablo yic'ot Bernabé c_Λl_Λx ti' cha'leyob t'an yic'ot jini tsijib julemo' b_Λ tsa' b_Λ i lolon xiq'uiyob i ch'_Λm tsep p_Λch_Λlel. Jin cha'an jini ochemo' b_Λ ti' t'an Dios ti' lajayob i t'an cha'an Pablo yic'ot Bernabé yic'ot yamb_Λ juntiquil cha'tiquilob mi majlel ya' ti Jerusalén cha'an mi' wen pejcañob jini yajc_Λbilo' b_Λ ajsb_t'añob ñumel yic'ot año' b_Λ ye'tyel ti templo cha'an ya' mi' lajob i t'an cha'an bajche' yom lajmic jini t'an cha'an tsep p_Λch_Λlel.

³ Jini ochemo' b_Λ ti' t'an Dios ya' ti Antioquía ti' xiq'uiyob majlel. Ya' ti bij ti ñumiyob ya' ti pañimil tyac Fenicia b_Λ i c'aba' yic'ot Samaria b_Λ i c'aba'. Ba'ical jach ti ñumiyob ti' wen subuyob bajche' jini mach b_Λ israelob ti' c_Λy_Λyob oñiyix b_Λ t'an cha'an mi' ch'ujbiñob Dios. Wen c'ajacñayob i yoj pejtyel ochemo' b_Λ ti' t'an Dios che' ñac ti yubiyob jini t'an.

⁴ Jini yajc_Λbilob' b_Λ ajsubt'añob ñumel yic'ot ancianojob yic'ot ochemo' b_Λ ti' t'an Dios ya' ti Jerusalén, lu' c'ajacñayob i yoj ti yubiyob che' ñac ti c'oti Bernabé yic'ot Pablo. Che' jini Bernabé yic'ot Pablo ti' subeyob pejtyel bajche' Dios ti' c'añayob ti toñel.

⁵ Ya'an juntiquil cha'tiquil fariseojo' b_Λ winicob ochemo' b_Λ ti' t'an Dios je'el. Jini fariseojob jiñach jini tsa' b_Λ i wersa ch'ujbibeyob pejtyel i mandar tyac Moisés. Che' jini, jiñob ti' wa'leyob. Ti y_ΛΛyob: Jini mach b_Λ israelob tsa' b_Λ ochiyob ti' t'an Dios wersa yom mi tsepbentyelob i p_Λch_Λlel. Yom mi la' xic'beñob je'el cha'an mi' ch'ujbiñob jini i mandar Moisés. Che' ti y_ΛΛyob.

⁶ Jini yajc_Λbilob' b_Λ ajsubt'añob ñumel yic'ot ancianojob ti' bajñel much'quiyob i b_Λ cha'an mi' wen pensaliñob bajche' yom i jac'ob.

⁷ Che' ñac ti ujtiyob ti cabal t'an, Pedro ti wa'le. Ti y_ΛΛ: Hermañujob, wen la' wujil cha'an wajali Dios ti yajc_Λyob loq'uel ti la' tyojlel cha'an mic subeñob mach b_Λ israelob bajche' mi' tyajob i coty_Λntyel ti Jesús cha'an mi yochelob ti' t'an Dios je'el.

⁸ Dios mi' ña'tyan ch_Λ b_Λ an ti' pusic'al pejtyel quixtyañujob. Dios ti' p_Λs_Λ cha'an melel_Λch ochem ti' t'an Dios jini mach b_Λ israelob como ti

yΛq'ueyob jini Ch'ujul bΛ i Ch'ujlel Dios lajal che' bajche' ti yΛc'onla.

⁹ Mach saj partejic bajche' ti' q'ueleyonla Dios yic'ot bajche' ti' q'ueleyob je'el. Junlajal mi' q'uelonla Dios. Ti' sΛc isΛbeyob i pusic'al je'el che' ñac ti' ch'ujbiyob Jesús.

¹⁰ Che' bajche' chΛncox a wΛle' mach wen bajche' ti' cha'le Dios yubil. ChΛncol a lolon chΛc xiq'ue' jini mach bΛ israelob ochemo' bΛ ti' t'an Dios cha'an mi' wersa cha'len yan tyac bΛ. Jini lac yumob ti' ñoj oniyix mach ch'ujbi i lu' mele' bajche' jini. Mi' joñonica je'el. Mach ch'ujbi lac lu' ts'actisan jini oniyix bΛ tic'ojel.

¹¹ Pero mach che'ic yom. Joñonla la cujil isujm cha'an lac Yum Jesucristo mi' cotyañonla cha'an jach ti' yutsllel i pusic'al. ChΛ'ach lajal ti' cotyΛntiyob je'el. Ti' lac majtyan jach ti' cotyΛyonla. Che' ti' yΛΛΛ Pedro.

¹² Che' jini ti' lajmiyob ti' t'an. Ti' lu' ñach'tyΛbeyob i t'an Bernabé yic'ot Pablo che' ñac ti' wen tsictisΛbeyob bajche' ti' pΛsΛ Dios ñuc tyac bΛ i p'ΛtyΛlel ti' c'Λbob ya' ti' tyojlel mach bΛ israelob.

¹³ Che' ñac ti' ujti ti' t'an Bernabé yic'ot Pablo jini Jacobo ti' yΛΛΛ: Hermañujob, ñach'tyΛbeñon c' t'an, che'en.

¹⁴ Simón Pedro tsa'ix i subonla cha'an cojach tyo ti' q'ueleyob Dios ti' wen jini mach bΛ israelob. Dios ti' yajcΛ loq'uel ti' tyojlel mu' bΛ yochelob ti' yalobilob Dios.

¹⁵ Lajalob jach i t'an jini tsa' bΛ i xiq'ui yΛle' Dios ti' ñoj oniyix. ChΛncox i yujtyel wale' iliyi bajche'

ti' w_Λ ts'ijbuyob. Mi y_Λle' ti jini Ts'ijbubil b_Λ i T'an Dios:

¹⁶ Che' mi yujtyel pejtyel jini mi quej c cha' ty_Λlel. Mi quej c cha' wa'chocon i yumintyel David tsa' b_Λ jili i c'Λjnibal.

Mux c_Λq'uen cha'an mi cha' q'uelob ti ñuc i yumintyel David.

¹⁷ Ch_Λ'_Λch mi quej c mel cha'an jini mach b_Λ israelob tsa' b_Λ c yajc_Λ mi quej i ch'ujbiñon como i yumofñob je'el.

¹⁸ Ch_Λ'_Λch mi y_Λl jini lac Yum tsa' b_Λ y_Λc'_Λ ti c_Λjñel ili tyac ti ñoj oniyix.

Ch_Λ'_Λch ti' ts'ijbu jini tsa' b_Λ i xiq'ui y_Λle' Dios ti ñoj oniyix, che'en Jacobo.

¹⁹ Che' jini, Jacobo ti' bej cha'le t'an. Ti y_Λl_Λ: Joñon mic ña'tyan mach yom lac xic'ob ti tsepben-tyel i p_Λch_Λlel jini mach b_Λ israelob ch_Λncol b_Λ i c_Λy oniyix b_Λ t'an cha'an mi yochelob ti' t'an Dios.

²⁰ Pero jas_Λl mi ti lac melbeyob jun cha'an lac subeñob cha'an mach'an mi' c'uxob ch_Λ b_Λ jach tsa' b_Λ ajq'ui ti melez jach b_Λ dios tyac. Yic'ot mi' wen c_Λñ_Λtyañob i b_Λ cha'an ma'an t'an yic'ot yamb_Λ 'ixic, yic'ot ma'an mi' c'uxob y_Λts'_Λl b_Λ animal, yic'ot ma'an mi' c'uxob ch'ich'.

²¹ Como c'_Λl_Λl ti ñoj oniyix ya' ti jujump'ej lum ti jujump'ej q'uinilel c'aj oj an jini mu' b_Λ i q'uelbeñob ti c'am b_Λ t'an i mandar tyac Moisés. Mi' sube' i sujmllel.

²² Jini yajc_Λbilo' b_Λ ajsubt'añob ñumel yic'ot ancianojob yic'ot pejtyel ochemo' b_Λ ti' t'an Dios ti' lajayob i t'an cha'an mi yajcañob cha'tiquil winic mu' b_Λ i chocob majlel ya' ti Antioquía yic'ot Pablo yic'ot Bernabé. Ti yajc_Λyob juntiquil Judas b_Λ i

c'aba' cha'chajp b_Λ i c'aba' Barsabás. Ti yajc_Λyob Silas je'el. Pejtyel jini ochemo' b_Λ ti' t'an Dios mi' wen q'uelob ti ñuc ti cha'ticlel.

23 Ti' ch'_Λm_Λyob majlel jun mu' b_Λ i y_Λ: Yajc_Λbilon lojon b_Λ ajs_Λubt'an ñumel yic'ot ancianojob yic'ot ochemo' b_Λ ti' t'an Dios mi lojon c choc majlel saludos cha'an pejtyel mach b_Λ israeleticla hermañujob ya' ti Antioquía yic'ot ya' ti Siria yic'ot ya' ti Cilicia.

24 Tsa'ix lojon cubi cha'tiquil uxtiquil winicob w_Λ b_Λ ch'oyol w_Λ'i ti c'otiyob ya'ya'i. Ch_Λncol i lolon ty_Λc'lañetla ti cab_Λl t'an. Wale ma'an mi la' ña'tyan bajche' yoque yom la' ch'ujbin. Como ch_Λncol i lolon subeñetla cha'an yom mi la' ch'_Λm tsep p_Λch_Λlel yic'ot yom la' jac'ben pejtyel i mandar Moisés. Pero com lojon c subeñetla cha'an ma'an ti lojon c chocoyob majlel. Ma'an ti lojon c xiq'uiyob i c_Λntisañetla che' bajche' jini.

25 Jin cha'an ti lojon c laja lojon c t'an cha'an mi lojon c yajcan winicob mu' b_Λ i majlel i jula' añetla. Mux i motin majlelob yic'ot jini p'unty_Λbilo' b_Λ hermañujob Bernabé yic'ot Pablo.

26 Cab_Λl tsajniyob Bernabé yic'ot Pablo ya' ba' b_Λb_Λq'uen ts_Λns_Λnticob cha'an ti' cha'libeyob i toñel lac Yum Jesucristo.

27 Ch_Λncol lojon c choc majlel Judas yic'ot Silas cha'an mi' wen pejcañetla cha'an mi' más tsic-tis_Λbeñetla i sujmllel jini tsa' b_Λ lojon c subetla ti jun.

28 Jini Ch'ujul b_Λ i Ch'ujlel Dios ti' wen coty_Λyon lojon c pensalin. Che' jini ti lojon c ña'ty_Λ cha'an mach yom mi lojon c lolon subeñetla cab_Λl ch_Λ b_Λ

yom mi la' mel. Jini jach mi lojon c subeñetla jini mandar wersa yom ch'ujbintic.

²⁹ Jin jach jini mandar mu' b_Λ i y_Λle': Ma' mi la' c'uxe' we'el tsa' b_Λ ajq'ui melel b_Λ dios tyac. Ma' mi la' c'uxe' ch'ich'. Ma' mi la' c'uxe' y_Λt's_Λl b_Λ animal. Cañ_Λtyan la' b_Λ cha'an ma'an t'an yic'ot yamb_Λ mach b_Λ la' wijñamic mach b_Λ la' ñoxi'alic. Mi ti la' ch'ujbi pejtyel jini, weñ_Λch mi quej la' wajñel. Jini jach mi lojon c subeñetla ti jun jini.

³⁰ Che' jini ili ch_Λntiquil winic ti loq'uiyob majlel. Che' ñac ti c'otiyob ya' ti Antioquía ti' xiq'ui i much'quiñob i b_Λ pejtyel ochemo' b_Λ ti' t'an Dios. Ti y_Λq'ueyob jini carta.

³¹ Che' ñac ochemo' b_Λ ti' t'an Dios ti' q'ueleyob jini carta c'ajañayob i yoj ti yubiyob. Ti ñuc is_Λbentiyob i pusic'al cha'an ti jini tsa' b_Λ i q'ueleyob ti jun.

³² Dios ti y_Λq'ueyob Judas yic'ot Silas i ña'tyan bajche' mi' wen cha'leñob subt'an. Jin cha'an jiñob ti' wen ñuc is_Λbeyob i pusic'al ochemo' b_Λ ti' t'an Dios je'el. Ti' xiq'uiyob i xuc'chocoñob i pusic'al ti' t'an Dios.

³³ Che' ñac ya' ti c_Λyleyob cha'p'ej uxp'ej q'uin jini hermañujob ti y_Λq'ueyob i cha' sujtyel c'_Λl_Λl ya' ba'an jini tsa' b_Λ i xiq'uiyob ty_Λlel. Ti' subeyob sujtyel ti' ñ_Λch'ty_Λlel i pusic'al.

³⁴ Silas ti' q'uexy_Λ i pusic'al cha'an c_Λylec ya'i.

³⁵ Pablo yic'ot Bernabé ya' ti c_Λyle ti Antioquía je'el. Jiñob yic'ot yaño' b_Λ yi ti' bej cha'leyob c_Λntis_Λ yic'ot subt'an cha'an i t'an lac Yum.

Pablo mi cha' loq'uel majlel ti subt'an

³⁶ Che' ñac ti ñumi cha'p'ej uxp'ej q'uin Pablo ti sube Bernabé: Conla. La' lac cha' jula'an ti pejtyel lum tyac ba' ti lac subu i t'an lac Yum cha'an lac jula'an ochemo' b_Λ ti' t'an Dios cha'an mi laj q'uel bajche' añob. Che' ti y_{ΛΛ} Pablo.

³⁷ Bernabé yom i p_{ΛY} majlel yic'ot Juan cha'chajp b_Λ i c'aba' Marcos.

³⁸ Pero mach ch_Λ'iqui ti' ña'ty_Λ Pablo como ti' yamb_Λ ora jini Juan ti' c_{ΛY}ayob ya' ti Panfilia.

³⁹ Cab_Λ ti' cha'leyob ts_{Λts} b_Λ t'an. Pero mach junlajal ti' ña'ty_Λayob. Jin cha'an ti' c_{ΛY}ob i b_Λ. Bernabé ti' p_{ΛY}Λ majlel Marcos. Ti ochiyob ti barco cha'an majlicob ti Chipre.

⁴⁰ Pero Pablo ti yajc_Λ Silas cha'an mi majlel yic'ot. Jini ochemo' b_Λ ti' t'an Dios ti' tyajayob ti oración cha'an Dios mi' ch_{Λc} cotyañob. Che' jini ti loq'uiyob majlel.

⁴¹ Ti ñumiyob majlel ya' ti Siria yic'ot ya' ti Cilia cha'an mi' xuc'chocobeñob i pusic'alob jini ochemo' b_Λ ti' t'an Dios.

16

Timoteo mi' pi'len majlel ti x_Λmbal Pablo yic'ot Silas

¹ Pablo yic'ot Silas ti c'otiyob ya' ti ili lum tyac Derbe yic'ot Listra b_Λ i c'aba'. Ya' ti' tyaja juntiquil ochem b_Λ ti' t'an Dios Timoteo b_Λ i c'aba'. Israel b_Λ x'ixic i ña' pero ochem ti' t'an Dios. Griego b_Λ winic i tyat.

² Pejtyel ochemo' b_Λ ti' t'an Dios ya' ti Listra yic'ot ya' ti Iconio ti' q'ueleyob ti ñuc Timoteo.

³ Pablo yom i p_{ΛY} majlel Timoteo ti toñel yic'ot, pero ñaxan ti y_{Λq'}ue ti tsepol i p_Λch_Λlel cha'an ma'

mi' lolon cha'leñob cabal lolon t'an israelob ya' ba' mi quej i majlelob. Como pejtylel israelob ya'i yujilob isujm cha'an griego bΛ winic i tyat Timoteo. Jini griegojo' bΛ winicob mach'an mi yΛq'uen i ch'Λm tsep pΛchΛlel i yalobilob.

⁴Ya' ti pejtyel jini lum tyac ba' ti ñumi Pablo yic'ot Silas yic'ot Timoteo ti' wen subeyob ochemo' bΛ ti' t'an Dios pejtyel tsa' bΛ i yΛΛ jini yajcΛbilo' bΛ aj-subt'añob ñumel yic'ot ancianojob ya' ti Jerusalén.

⁵Ch'Λch bajche' jini ti wen xuc'chocobentiyob i pusic'al jini ochemo' bΛ ti' t'an Dios. Ti jujump'ej q'uin ti oc'Λyob.

Che' bajche' ti ñajal Pablo ti yilΛ juntiquil winic ch'oyol bΛ ti Macedonia

⁶Jini Ch'ujul bΛ i Ch'ujlel Dios ma'an ti yΛq'ueyob i cha'leñob subt'an ya' ti pañimil Asia bΛ i c'aba'. Jin cha'an ti t'uñuyob ñumel ti yambΛ pañimil tyac Frigia yic'ot Galacia bΛ i c'aba'.

⁷Che' ñac ti c'otiyob ya' ti' ti' pañimil Misia bΛ i c'aba' ti' lolon ña'tyΛyob mi quej i yochelob ti yambΛ pañimil Bitinia bΛ i c'aba'. Pero jini Ch'ujul bΛ i Ch'ujlel Jesús ma'an ti yΛc'Λ ochel.

⁸Che' jach ti ñumiyob c'ΛΛΛ ya' ti' ti' Misia. Ti c'otiyob ti lum Troas bΛ i c'aba' ya' ti' ti' colem ja'.

⁹Che' ñac ya' tyo añob ya'i, ti jump'ej ac'bΛlel Pablo ti yilΛ che' bajche' ti ñajal juntiquil winic am bΛ ti pañimil Macedonia bΛ i c'aba'. Wa'al jini winic. ChΛncol i pejcan ti wocol t'an. Ti yΛΛ: WΛ' ma' tyalel ti Macedonia cha'an ma' cotyañon lojon. Che' ti yΛΛ jini winic.

¹⁰Che' ñac ti yilΛ Pablo che' bajche' ti ñajal jini winic am bΛ ti Macedonia, ora jach tic chajpΛ lojon

c b_Λ cha'an mi lojon c majlel ya'i. Joñon Lucason tsa' b_Λ c ts'ijbu ili jun ti majliyon quic'otyob como ti lojon c ña'ty_Λ Dios ch_Λncol i chocon lojon majlel ya'i cha'an mi lojon c subeñob bajche' mi' tyajob i coty_Λntyel.

Pablo yic'ot Silas ya' ti lum Filipos b_Λ i c'aba'

11 Ya' ti Troas ti ochiyon lojon ti barco. Tyoj ti majliyon lojon ya' ti lum joyol b_Λ ti ja' Samotracia b_Λ i c'aba'. Ti yijc'alel ti c'otiyon lojon ya' ti lum Neápolis b_Λ i c'aba'.

12 Ya'i ti loq'uiyon lojon ti barco. Ti majliyon lojon ti lum Filipos b_Λ i c'aba'. Jiñ_Λch más ñuc b_Λ lum ti Macedonia ti' tyojel paso' q'uin. An ti' wenta romanojob. Ya' ti c_Λyleyon lojon cha'pej uxp'ej q'uin.

13 Ti jump'ej q'uin che' i q'uinilel c'aj oj ti loq'uiyon lojon majlel ti' ti' jini lum. Ti buchleyon lojon ya' ti' ti' ja' ba' mi' bele' much'quiñob i b_Λ quixtyañujob ti oración. Ti lojon c sube i t'an Dios jini x'ixicob tsa' b_Λ c'otiyob.

14 Lidia i c'aba' jini juntiquil tsa' b_Λ c'oti. Ch'oyol b_Λ ti lum Tiatira b_Λ i c'aba'. Xchon pisil jini Lidia. Mi' chon c'otyajax b_Λ ch_Λccojam b_Λ pisil. Jini Lidia mu' b_Λ i ch'ujutisan Dios ch_Λncol i wen ñ_Λch'tyan i t'an Dios bajche' ti' subu Pablo. Che' jini lac Yum ti' nijc_Λbe i pusic'al cha'an i ña'tyan ch_Λ b_Λ ti y_Λl_Λ Pablo.

15 Ti' ch'_Λm_Λ ja' jini Lidia yic'ot pejtyelel año' b_Λ ti yotyot. Ti wi'il ti wocol t'an ti' subeyon lojon: Mi jatyetla mi la' ña'tyan yoque melel_Λch ochemon ti' t'an Dios a wocolic mi la' ty_Λlel ti poj jijlel ti cotyot.

Wersa ti' subon lojon c majlel. Che' jini ti lojon c jac'be i t'an.

16 Jump'ej q'uin che' ñac chancol lojon c majlel ya' ba' i tyalel ti lojon c cha'le oración ti lojon c tyaja juntiquil xc'alal an yic'ot xiba ti' pusic'al. Jini xiba am bΛ ti' pusic'al ti yΛq'ue i lu' niq'ui ña'tyan chΛ bΛ yes mi quej i yujtyel. Moso jini xc'alal. Jini i yumob ti' ganariyob cabal tyaq'uin como mi' c'ajtibeñob i tyojol cha'an i subeñob quixtyañujob chΛ bΛ yes mi quej i yujtyel.

17 Jini xc'alal ti queji i tsacleñon lojon majlel yic'ot Pablo. Ti c'am bΛ t'an ti yALA: Iliyi winicob jiñach mu' bΛ i cha'liben i troñel Dios mach'Λ ba'an i p'isol i ñuclél. Chancol i subeñetla bajche' mi la' tyaj la' cotyAntyel. Che' ti yALA jini xc'alal.

18 ChΛ'ach ti' bej cha'le cha'p'ej uxp'ej q'uin. Pablo mach yomox i chΛc ubin. Ti queji i ts'itya' mich'q'uel. Jin cha'an ti' sutqui i wut i q'uel jini xc'alal. Ti' pejca jini xiba. Ti yALA: Cha'an ti' p'atyalel Jesucristo mic xiq'uet loq'uel ti ili xc'alali che'en. Ora jach ti loq'ui jini xiba.

19 Pero che' ñac ti' ña'tyΛ i yum x'calal che' mach ch'ujbix i chΛc ganariñob tyaq'uin cha'an ti jini xc'alal ti' chucuyob Pablo yic'ot Silas. Ti' pΛyΛyob majlel ba'an año' bΛ ye'tyel ya' ba' mi' cha'len melojel.

20 Jini tsa' bΛ i pΛyΛyob majlel ti' pejca año' bΛ ye'tyel. Ti yALA: Jini israelo' bΛ winicob chancol i wen nijcañob quixtyañujob wΛ' ba' año'la.

21 Chancol i cantisan quixtyañujob bajche' ñamΛ i bele' cha'leñob israelob. Pero mach yom mi la' cubin. Mach yom lac cha'len bajche' mi' cantisañob como romanojonla. Che' ti yALAyob.

22 Che' jini pejtyel quixtyañujob ti queji i contra-jiñob Pablo yic'ot Silas. Jini año' b_Λ ye'tyel ti' xiq'ui i jochbeñob i pislel cha'an mi yac'beñob ti tye'.

23 Che' ñac ti ujti i wen ac'beñob ti yotsayob ti c_Λchol. Jini am b_Λ ye'tyel ti' xiq'ui ajc_Λñ_Λtya c_Λchonib_Λ cha'an mi' wen c_Λñ_Λtyañob.

24 Che' ñac ti yubi ili t'an, jini ajc_Λñ_Λtya c_Λchonib_Λ ti yotsayob ti más tyam b_Λ c_Λchonib_Λ. Ti' ñet'beyob yoc ti tabla meles yic'ot cha'p'ej ba' tyocol ba' mi yotsan yoc.

25 Che' bajche' ti xiñil ac'balel ch_Λncolob ti oración yic'ot ch_Λncol i c'ayob Dios Pablo yic'ot Silas. Jini yamb_Λ xc_Λcholob ch_Λncol i ñach'tyañob.

26 Ti saj ora jach ti ñumi yoque p'_Λty_Λ b_Λ i yujquel lum. Ti' wen nijc_Λ pejtyel c_Λchonib_Λ c'_Λl_Λ ti' chu-jquil. Ti bajñel jajmi pejtyel i ti' tyac c_Λchonib_Λ. Ti lu' tijqui i cadeñajlel tyac pejtyel c_Λch_Λlo' b_Λ.

27 Ti p'ixi jini ajc_Λñ_Λtya c_Λchoñib_Λ. Che' ñac ti yil_Λ che' lu' jam_Λlix pejtyel i ti' tyac c_Λchonib_Λ ti' ch'_Λm_Λ i machit cha'an i bajñel ts_Λnsan i b_Λ como ti' lolon ña'ty_Λ cha'an ti puts'iyob pejtyel xc_Λcholob.

28 Pero Pablo ti' cha'le c'am b_Λ t'an. Ti y_Λl_Λ: Mach a tyac'lan a b_Λ. W_Λ'_Λch lu' año_Λ lojon, che'en.

29 Jini ajc_Λñ_Λtya c_Λchonib_Λ ti' c'ajti c'ajc. Ti ochi ti ajñel ya' ba'an Pablo yic'ot Silas. Tsitsiña ti b_Λq'uen ti ñocle ya' ti yeba yoc Pablo yic'ot Silas.

30 Che' jini ti' p_Λy_Λyob loq'uel ti c_Λchonib_Λ. Ti' c'ajtibeyob: Winicob, ¿chuquiyes yom c cha'len cha'an mic tyaj j coty_Λntyel? che' ti y_Λl_Λ.

31 Pablo yic'ot Silas ti' jac'ayob: Ch'ujbin lac Yum Jesucristo. Che' jini mi quej a tyaj a coty_Λntyel,

jatyet yic'ot jini año' bΛ ti a wotyot. Che' ti' jac'Λ Pablo yic'ot Silas.

³² Che' jini ti' subeyob i t'an lac Yum pejtyelel jini año' bΛ ti yotyot ajcañΛtya cΛchonibΛl.

³³ Aunque ac'bΛlelix, ti jini jach bΛ ora jini ajcañΛtya cΛchonibΛl ti' pocheyob i lojwel tyac. Che' jini ti' wa' ch'ΛmΛyob ja' jini ajcañΛtya cΛchonibΛl yic'ot pejtyelel año' bΛ ti yotyot.

³⁴ Che' jini ti' pΛyΛyob ochel ti yotyot Pablo yic'ot Silas. Ti yΛq'ueyob i yuch'el. Wen c'ajacñayob i yoj jini ajcañΛtya cΛchonibΛl yic'ot año' bΛ ti yotyot como ti' ch'ujbiyob Dios.

³⁵ Che' yomox sac'an jini año' bΛ ye'tyel ti' xiq'ui majlel policíajob ti cΛchonibΛl cha'an mi' subeñob ajcañΛtya cΛchonibΛl cha'an i colob Pablo yic'ot Silas.

³⁶ Jini ajcañΛtya cΛchonibΛl ti' sube Pablo: Jini año' bΛ ye'tyel ti' xiq'uiyon cha'an mij coletla. Wale ch'ujbiyix loq'uiquetla ti libre. Che' ti yΛΛ jini ajcañΛtya cΛchonibΛl.

³⁷ Pero Pablo ti' subeyob jini policíajob: Joñon lojon romanojon lojon. Ti' tyojlelob quixtyañujob ti yac'beyon lojon ti tye' che' ñac ma'an ti saj yΛc'on lojon c mel lojon c bΛ. Ti yotsΛyon lojon ti cΛchonibΛl. Wale yomob i mucul loc'sañon lojon. Mach ch'Λ'ic yom. La' tyΛlicob i bajñel loc'sañon lojon. Che' ti yΛΛ Pablo.

³⁸ Jini policíajob ti sujtiyob. Ti' wen subeyob jini año' bΛ ye'tyel pejtyel chΛ bΛ ti yΛΛ Pablo. Jini año' bΛ ye'tyel ti quejiyob ti bΛq'uen che' ñac ti yubiyob cha'an romanojob Pablo yic'ot Silas.

³⁹ Jini año' bΛ ye'tyel ti majliyob ya' ti cΛchonibΛl. Ti' c'ajtibeyob Pablo yic'ot Silas cha'an mi'

ñusΛbeñob pejtyelel jini tsa' bΛ ujti. Che' jini ti' pΛyΛyob loq'uel ti cΛchonibΛl. Ti' c'ajtibeyob cha'an loq'uicob ti jini lum.

⁴⁰ Che' ñac ti loq'ui ti cΛchonibΛl Pablo yic'ot Silas ti majliyob ti yotyot Lidia. Ti cha' pejcΛyob ochemo' bΛ ti' t'an Dios. Ti ñuc isΛbeyob i pusic'al. Che' jini ti loq'uuyob majlel.

17

Ju'upojolo' ti Tesalónica

¹ Che' ñac ti ñumiyob majlel Pablo yic'ot Silas, ti ñumiyob ti lum tyac Anfípolis yic'ot Apolonia bΛ i c'aba'. Che' jini ti c'otiyob ya' ti yambΛ lum Tesalónica bΛ i c'aba'. Ya'an jump'ej i templo israelob.

² Pablo, che' bajche' mi' bele' cha'len, ti ochi ti i templo israelob. Ti' wen pejcΛyob. Ti' subeyob i t'an Dios. ChΛ'ach ti' cha'le ti jujump'ej i q'uinilel c'aj oj c'ΛlΛl uxp'ej semana.

³ Ti jini ts'ijbubil bΛ i t'an Dios tsa' bΛ ts'ijbunti che' ñac max tyo ajn ti mulawil Jesús, Pablo ti' wen tsictisΛbeyob bajche' ti' wersa ñusΛ wocol Cristo. Ti' subeyob cha'an ti' wersa sajti Cristo pero ti wi'il ti tyejchi loq'uel ba'an sajtyemo' bΛ. Che' jini, ti yΛΛ: Jini Jesús che' bajche' tic subetla, jiñach jini Cristo, jiñach jini yajcΛbil bΛ i cha'an Dios. Che' ti yΛΛ Pablo.

⁴ Che' jini lamital tsa' bΛ i ñach'tyΛbeyob i t'an ti' ch'ujbiyob Jesús. Ti yotsΛyob i bΛ yic'ot Pablo yic'ot Silas. ChΛ'ach je'el cabΛl mach bΛ israelob chΛc c'ajalob i cha'an Dios ti' ch'ujbiyob Jesús. ChΛ'ach je'el cabΛl x'ixicob año' bΛ i ñuclel.

5 Jini israelob mach'Λ ba'an ti' ch'ujbiyob Jesús ti queji i ts'a'q'uelob Pablo yic'ot Silas como lamital i pi'Λlob chΛncol i yochelob ti' t'an Dios. Che' jini, ti' much'quibeyob cha'tiquil uxtiquil simarño' bΛ, ts'ubo' bΛ winicob tsa' bΛ quejiyob ti c'am bΛ t'an ti' contra Pablo yic'ot Silas. ChΛ'Λch ti' xiq'uiyob pejtyel año' bΛ ti lum ti' contrajob. Che' jini ti wersa ochiyob ti yotyot juntiquil Jasón bΛ i c'aba' cha'an i sΛclan Pablo yic'ot Silas. Yomob i chucob majlel ya' ti' tyojlel quixtyañujob.

6 Pero mach'an ti' tyajayob. Che' jini ti' tyujc'Λyob majlel Jasón yic'ot año' bΛ ochemo' bΛ ti' t'an Dios ya' ba'an año' bΛ ye'tyel. Ti c'am bΛ t'an ti yΛΛyob: Jini winicob tsa' bΛ yΛq'ueyob i sutquin i pensal quixtyañujob ti pejtyel pañimil, wale wΛ' ti tyΛliyob je'el wΛ'wΛ'i.

7 Jini Jasón ti' pΛyΛyob ochel ti yotyot. ChΛncox i lu' ts'a'leñob i t'an jini ñoj ñuc bΛ ye'tyel como mi yΛlob an yambΛ rey. JiñΛch jini Jesús mi yΛlob. ChΛ'Λch ti yΛΛyob jini simarño' bΛ.

8 Che' ñac ti yubiyob jini t'an pejtyelel quixtyañujob yic'ot año' bΛ ye'tyel ti queji i mich'an. Ti quejiyob ti ju'lΛpojΛmiyel.

9 Pero jini Jasón yic'ot año' bΛ yi ti lolon aq'uentiyob i tyojob i mul. Ti' coloyob.

Pablo yic'ot Silas ya' ti Berea

10 Che' ac'bΛlelix jini ochemo' bΛ ti' t'an Dios ti' wa' xiq'uiyob majlel Pablo yic'ot Silas cha'an majlicob ti yambΛ lum Berea bΛ i c'aba'. Che' ñac ti c'otiyob ya'i ti ochiyob ti i templo israelob.

11 Más utsob jini israelob che' bajche' ya' ti Tesalónica. Ñoj yom i yubiñob i t'an Dios. Ti

jujump'ej q'uin ti' wen s_Λclayob bajche' ts'ijbubil ti' t'an Dios cha'an mi' ña'tyan mi melel_Λch che' bajche' ti subentiyob.

¹² Che' jini cab_Λlob ti ochiyob ti' t'an Dios. Cab_Λ ti ochiyob je'el jini mach b_Λ israelob winicob x'ixicob mu' b_Λ q'uejlelob ti ñuc.

¹³ Che' ñac ti yubiyob jini israelob ya' ti Tesalónica che' ch_Λncol i sub i t'an Dios Pablo ya' ti Berea, ti majliyob cha'an i xic' quixtyañujob cha'an mi' ts'a'q'uelob Pablo.

¹⁴ Jini ochemo' b_Λ ti' t'an Dios ti' xiq'uiyob Pablo cha'an i majlel ti ora jach ya' ti l_Λc'Λl i ti' ja'. Pero Silas yic'ot Timoteo ti c_Λyleyob ya' ti Berea.

¹⁵ Jini tsa' b_Λ majli i y_Λc'ob Pablo ti' pi'leyob majlel ti x_Λmbal c'ΛlΛl ya' ti lum Atenas b_Λ i c'aba'. Che' jini, Pablo ti' xiq'uiyob i subeñob Silas yic'ot Timoteo cha'an mi ty_Λlel je'el mi ch'ujbiy_Λch i ty_Λlel cha'an ya' mi c'otyel i tyajob i b_Λ. Che' jini ti sujtiyob majlel ti Berea jini winicob.

Pablo ya' ti lum Atenas b_Λ i c'aba'

¹⁶ Che' ñac Pablo ch_Λncol tyo i pijtyan Silas yic'ot Timoteo ya' ti Atenas ch'Λjyem ti queji yubin ti' pusic'al como ti yil_Λ an cab_Λl melel b_Λ i diosob ti' lum.

¹⁷ Jin cha'an ya' ti i templo israelob ti' pej_Λyob i b_Λ Pablo yic'ot israelob yic'ot yaño' b_Λ mu' b_Λ i ch'ujutisañob Dios je'el. Ti jujump'ej q'uin ti' pej_Λyob majchical jach ti' tyaja ya' ba' mi' much'quiñob i b_Λ ti' t'an quixtyañujob.

¹⁸ Lamital jini winicob ch_Λncol b_Λ i c_Λmben i c_Λntisa epicúrejob b_Λ i c'aba' yic'ot yaño' b_Λ ch_Λncol b_Λ i c_Λmben i c_Λntisa estoicojob b_Λ i c'aba' ti queji

i pejcañob Pablo. ¿Chuqui yom i subeñonla jini winic mu' b_Λ ti ch_Λc t'an? che'ob. Yaño' b_Λ ti y_ΛΛyob: C'o'ojl_Λch jiñ_Λch juntiquil mu' b_Λ i sube' tsiji' b_Λ t'an cha'an yamb_Λ dios tyac, che'ob. Che' ti y_ΛΛyob como Pablo ch_Λncol i subeñob t'an cha'an Jesús yic'ot ch_Λncol i subeñob cha'an Jesús ti tye-jchi loq'uel ba'an sajtyemo' b_Λ. Ch_Λ'_Λch mi quej i tyejchelob yaño' b_Λ je'el. Che' ti y_ΛΛ Pablo.

19 Che' jini ti' p_Λy_Λyob majlel ya' ti jump'ej saj wits Areópago b_Λ i c'aba' ba' i ty_Λlel mi' much'quiñob i b_Λ junmujch' winicob año' b_Λ ye'tyel. Jiñob ti y_ΛΛyob: Com lojon cubin i sujmllel jini tsiji' b_Λ t'an ch_Λncol b_Λ a ch'_Λm ty_Λlel.

20 Ma'an ba' b_Λ ora ti lojon cubi bajche' ch_Λncol a w_Λle'. Com lojon cubin pejtyel i sujmllel. Che' ti y_ΛΛyob jini much'quibilo' b_Λ quixtyañujob año' b_Λ ye'tyel.

21 Como pejtyel ya' b_Λ chumulob ya'i yic'ot ch'oyolo' b_Λ ti yamb_Λ lum mu' b_Λ i chumty_Λl ya'i, jin jach mi' ñ_Λch'tyañob o mi y_Λlob tsijib tyac b_Λ c'_Λl_Λl mi ñumel q'uin.

22 Che' jini Pablo ti wa'le ya' ti' tyojelob jini ya' ba'añob ti Areópago. Ti y_ΛΛ: Pi'_Λlob w_Λ' ti Atenas. Mij q'uel cha'an ch_Λc c'ajal la' cha'an pejtyel la' dios tyac.

23 Che' ñac ti ñumiyon w_Λ' ba' añetla ti quil_Λ ba' mi la' ch'ujbin la' dios tyac. Tic tyaja jump'ej i pantye'lel la' dios tyac ba' mi y_Λl: I cha'an b_Λ jini dios mach'_Λ ba'an mi' c_Λñob quixtyañujob, che' mi y_Λl. Jini Dios ch_Λncol b_Λ la' ch'ujbin aunque mach'_Λ ba'an ti la' c_Λñ_Λ, jiñ_Λch jini Dios ch_Λncol b_Λ c subeñetla.

24 Jini Dios tsa' b_Λ i mele mulawil yic'ot pejtyel i b_Λl jiñ_Λch i yum pejtyel chan yic'ot pejtyel mulawil. Ma'an mi chumty_Λl ti templo tyac mu' b_Λ i mele' quixtyañujob.

25 Mach'an mi coty_Λntyel Dios ti jini mu' b_Λ i cha'len quixtyañujob. Como Dios i bajñel mi y_Λq'ueñonla laj cuxty_Λlel ti lac pejtyelel yic'ot pejtyelel ch_Λ b_Λ tyac i c'ajñibal lac cha'an.

26 Dios ti' mele jini ñaxan b_Λ quixtyañujob. Che' jini loq'uemo' b_Λ ti jini ñaxan b_Λ ti' mele pejtyelel quixtyañujob mu' b_Λ i chumty_Λl ti pejtyel mulawil. Jini mi' y_Λl ch_Λ b_Λ ti q'uin mi' ch'oc añob yic'ot baqui b_Λ pañimil mi chumty_Λlob.

27 Ch_Λ'_Λch ti' lu' meleyob cha'an mi' s_Λclañob Dios cha'an mi' tyajob mi ch'ujbiy_Λch i tyajob. Pero melel_Λch mach'an ñajt an ba'añonla Dios ti jujuntiquilonla.

28 Como cuxulonla ti Dios. Jini mi y_Λq'ueñonla lac nijcan lac b_Λ. Mi y_Λq'ueñonla lac mel pejtyelel ch_Λ b_Λ tyac mi lac mel. Che' bajche' ti y_Λl_Λ cha'tiquil uxtiquil ajts'ijbob w_Λ' ti la' lumal. Ti y_Λl_Λyob: I yalobilonla Dios, che'ob.

29 Che' yalobilonla Dios, che' jini mach yom lac lolon ña'tyan cha'an che' bajche' dios_Λch ch_Λ b_Λ tyac mu' b_Λ i mel quixtyañujob che' bajche' mi' bajñel ña'tyan i mele' mi ti oro mi ti plata mi ti tyunic.

30 Dios ti' cuchbeyob mach b_Λ wen b_Λ i melbal winicob ti ñoj oniyix che' ñac max tyo i c_Λñ_Λyob Dios. Pero wale mi' xic'ob pejtyelelob am b_Λ ti mulawil cha'an mi' q'uexob i pensal cha'an i c_Λyob i mul.

³¹ Como tsa'ix yajc_Λ jump'ej q'uin che' mi quej i lu' melob i b_Λ ti pejtyelelob ti' tyojlel Dios. Tsa'ix yajc_Λ winic mu' b_Λ yac' tyoj b_Λ melojel. Tsa'ix i tsictis_Λ majchqui jini che' ñac ti tyejche loq'uel ba'an sajtyemo' b_Λ. Che' ti y_{ΛΛ} Pablo.

³² Lamital che' ñac ti yubiyob ili t'an cha'an mi quej i tyejchelob loq'uel ba'an sajtyemo' b_Λ ti' wajleyob. Lamitalob ti y_{ΛΛ}yob: Com lojon c más ubin i sujmllel jini ch_Λncol b_Λ a sub. Che' ti y_{ΛΛ}yob.

³³ Che' jini Pablo ti loq'ui majlel ba'añob.

³⁴ Lamital tsa' b_Λ yubiyob i t'an Pablo ti' ch'ujbiyob. Ti yots_Λyob i b_Λ yic'ot Pablo. Ch_Λ'ach ti' ch'ujbi juntiquil winic am b_Λ ye'tyel ya' ti Areópago. Dionisio i c'aba' jini winic. Ch_Λ'ach je'el juntiquil x'ixic Dámaris b_Λ i c'aba'. Yic'ot yaño' b_Λ quixtyañujob ti' ch'ujbiyob je'el.

18

Pablo ya' ti lum Corinto b_Λ i c'aba'

¹ Che' jini Pablo ti loq'ui majlel ti Atenas. Ti majli ti lum Corinto b_Λ i c'aba'.

² Ya' ti' tyaja juntiquil israel b_Λ winic ch'oyol b_Λ ti pañimil Ponto b_Λ i c'aba'. Aquila b_Λ i c'aba' b_Λ winic. Ma'an jal ti loq'uiyob majlel ti pañimil Italia b_Λ i c'aba' jini Aquila yic'ot yijñam Priscila b_Λ i c'aba'. Wersa ti loq'uiyob como jini ñoj ñuc b_Λ yum_Λ Claudio b_Λ i c'aba' ti' xiq'ui loq'uel ti Roma pejtyel israelob. Jini Roma jiñ_Λch ba'an jini ñuc b_Λ yum_Λ ya' ti Italia. Ya' ti c'otiyob ti Corinto Aquila yic'ot Priscila. Ya' ti majli Pablo i jula'añob.

³ Cha'an lajal an i toñel Pablo che' bajche' jini cha'tiquil, ya' ti ochi yic'otyob. Junlajal muc'ob ti troñel ti ts'is carpa b_Λ otyot.

4 Ti jujump'ej i q'uinilel c'aj oj Pablo ti ochi ya' ti i templo israelob. Ti' subeyob i t'an Dios yic'ot ti' wen tsictisΔbeyob i sujmllel jini israelob yic'ot mach bΛ israelob.

5 Silas yic'ot Timoteo ti loq'ui majlel ya' ti Macedonia. Che' ñac ti c'otiyob ya' ba'an Pablo ti' cΛyΛ i toñel ti ts'is carpa bΛ otyot cha'an mi' cha'len subt'an c'ΛΛΛ mi' ñumel q'uin yic'ot cha'an mi' subeñob israelob ti ñoj tsiquil bΛ t'an cha'an Jesús jiñΛch Cristo jini yajcΔbil bΛ i cha'an Dios chΛncol bΛ i pijtyañob.

6 Pero jini israelob ti queji i ts'aq'uelob Pablo. Leco ti' subeyob. Che' jini Pablo ti' lijcΛ i pislel cha'an i señañlel cha'an mach wen bajche' chΛncol i cha'leñob. Ti yΛΛ: La' mulΛch mi' quej la' sajtyel como ma'an chΛncol la' ch'ujbin Jesús. Mach c mulic. Como joñon tic subetla i t'an Dios. Wale mi quej c majlel ti sub t'an ba'an mach bΛ israelob. Che' ti yΛΛ Pablo.

7 Ti loq'ui majlel ti i templo israelob. Ti majli ti yotyot juntiquil winic mu' bΛ i ch'ujutisan Dios Justo bΛ i c'aba'. Ya'an yotyot ti' t'ejl i templo israelob.

8 Juntiquil winic Crispo bΛ i c'aba' yic'ot pejtyel año' bΛ ti yotyot ti ochiyob ti' t'an Dios. An ñuc bΛ ye'tyel ti i templo israelob jini Crispo. Che' ñac ti yubiyob i t'an Dios cabΛl yaño' bΛ ya' ti Corinto ti ochiyob ti' t'an Dios je'el. Ti' ch'ΛmΛyob ja'.

9 Che' jini, jump'ej ac'bΛlel Jesús ti' pejcΛ Pablo che' bajche' ti ñajal. Ti yΛΛ: Mach a cha'len bΛq'uen. Ma' bej cha'len subt'an. Mach a wΛctyan a sube'.

10 Como w_Λ'añon quic'otyet. Ma'an majch ch'ujbi i ty_Λc'lañet. Como cab_Λlob w_Λ' ti ili lum mi quej i jac'beñoñob c t'an. Che' ti subenti Pablo ti Jesús.

11 Ch_Λ'_Λch che' jini, ya' ti c_Λyle Pablo ya' ti Corinto c'_Λl_Λ jump'ej jab ti ty_Λli xiñil jabil. Ti' bej c_Λantis_Λyob i t'an Dios.

12 Che' ñac juntiquil winic Galión b_Λ i c'aba' ti ochi ti ñuc b_Λ ye'tyel ya' ti pañimil Acaya b_Λ i c'aba' jini israelob ti' much'quiyob i b_Λ ti' contra Pablo. Ti' p_Λy_Λyob majlel ya' ba' mi' melob i b_Λ quixtyañujob.

13 Ti' subeyob jini ñuc b_Λ ye'tyel: Jini winic ch_Λncol i xic'ob quixtyañuyob cha'an mi' ch'ujutisañob Dios che' bajche' tic'bil ti' t'an am b_Λ ye'tyel, che'ob.

14 Quejelix mu' ti t'an Pablo che' ñac jini Galión ti' sube israelob: Ubinla. Anqui ñuc b_Λ i mul ili winic, che' jini melel_Λch yom mic ñ_Λch'ty_Λbeñetla la' t'an jatyetla israelob b_Λ la.

15 Pero mach che'ic bajche' mi la' w_Λle'. Muc' jach la' mich'q'uel la' b_Λ cha'an ti caj mach junlajal mi la' pensalín t'an tyac yic'ot c'aba' tyac. Yic'ot mach junlajal ch_Λncol la' ña'tyan i sujmllel la' mandar tyac. Bajñel melela. Mach com cotsan c b_Λ cha'an ti caj jini. Che' ti y_Λl_Λ jini ñuc b_Λ yum_Λ.

16 Che' jini ti' chocoyob loq'uel ya' ba' mi' cha'leñob melojel.

17 Jini mach b_Λ israelob ti' chucuyob jini más ñuc b_Λ ye'tyel ti i templo israelob Sóstenes b_Λ c'aba'. Ti y_Λc'beyob ya' ti' canty_Λlel i wut ñuc b_Λ yum_Λ. Pero ma'an ch_Λ b_Λ ti y_Λl_Λ jini yum_Λ Galión b_Λ i c'aba'.

Pablo ti sujti ti Antioquía cha'an mi loq'uel majlel ti subt'an ti más ñajt

¹⁸ Cabal q'uin ti c_Λyle ya' ti Corinto Pablo. Che' jini, ti' subeyob adios pejtyel ochemo' b_Λ ti' t'an Dios. Ti majli ti jump'ej lum ya' ti ti' ja' Cencrea, b_Λ i c'aba'. Priscila yic'ot Aquila ti motin majli yic'ot. Che' jini ya' ti Cencrea, Pablo ti y_Λc'Λ ti pitis tset'ol i jol cha'an i seña_Λjlel ti ts'actiyi i t'an bajche' ti' w_Λ sube Dios. Che' jini ti motin ochiyob ti barco yic'ot Priscila yic'ot Aquila cha'an mi majlelob ti pañimil Siria b_Λ i c'aba'.

¹⁹ Che' ñac ti c'otiyob ti mali lum Efeso b_Λ i c'aba' ya' ti' c_Λy_Λyob Priscila yic'ot Aquila. Che' jini Pablo ti majli ya' ti i templo israelob. Ya' ti' pejc_Λ israelob tsa' b_Λ i much'quiyob i b_Λ.

²⁰ Ti' wersa subeyob cha'an mi bej c_Λty_Λ pero Pablo mach yomox c_Λty_Λ.

²¹ Che' jini ti' subeyob mux i majlel. Ti y_ΛΛ: Wersa mic majlel ti Jerusalén cha'an mic ñusan jini tyal b_Λ q'uin. Pero mu' tyo c cha' ty_Λlel j q'ueletla mi che' yom Dios. Che' ti y_ΛΛ Pablo. Che' jini ti ochi ti barco. Ti loq'ui majlel ti Efeso.

²² Che' ñac ti c'oti Pablo ya' ti Cesarea ti loq'ui ti barco. Ti majli ti Jerusalén i y_Λq'ueñob saludos ochemo' b_Λ ti' t'an Dios. Che' jini ti c'Λ_Λ jubi majlel ti Antioquía.

²³ Ya' ti poj jale. Che' jini ti cha' loq'ui majlel cha'an mi cha' ñumel ti jujump'ej lum tyac ba' ti ñumi ti yamb_Λ ora ya' ti jini pañimil tyac Galacia yic'ot Frigia b_Λ i c'aba'. Ya' ti' xuc'chocobeyob i pusic'al ochemo' b_Λ ti' t'an Dios.

Ti' cha'le sub t'an Apolos ya' ti Efeso

24 Ti jim b_Λ ora ti c'oti ti Efeso juntiquil israel b_Λ winic Apolos b_Λ i c'aba'. Ch'oyol ti lum Alejandría b_Λ i c'aba'. Wen yujil bajche' ts'ijbubil ti' t'an Dios. Wen yujil subt'an je'el.

25 Ti wen c_Λntis_Λnti ti' t'an Jesús. C'otyajax ti' cha'le t'an. Tsiquil i sujmllel ti' subeyob cha'an Jesús. Pero che' jach ti' c_Λñ_Λ bajche' ti yac'Λ ch'am ja' Juan.

26 Apolos uts'at ti queji ti t'an ya' ti i templo israelob. Pero che' ñac ti queji yubiñob i t'an jini Priscila yic'ot Aquila ti' poj p_Λy_Λ majlel cha'an mi' pejcan. Ti' wen tsictis_Λbeyob i sujmllel i t'an Dios jini max tyo b_Λ ti yubi ti yamb_Λ ora.

27 Che' ñac yom majlel Apolos ya' ti pañimil Acaya b_Λ i c'aba' jini ochemo' b_Λ ti' t'an Dios ti' coty_Λyob. Ti' chocoyob majlel carta cha'an wen p'unty_Λntic ti jini ochemo' b_Λ ti' t'an Dios ya'i. Che' ñac ti c'oti ya' ti Acaya ti' wen coty_Λyob jini tsa' b_Λ ch'ujbiyob Dios cha'an ti caj i yutsllel i pusic'al Dios.

28 Ti' tyojlelob pejtyel quixtyañujob ti' wen pejc_Λ jini israelob. Ti' wen p_Λs'eyob cha'an ma'an tyoj jini ch_Λncol b_Λ i pensaliñob. Ma' ti' ña'ty_Λ bajche' mi' jac'ob. Ti' Ts'ijbubil b_Λ i T'an Dios ti' tsictis_Λbeyob cha'an Jesús jiñ_Λch Cristo ch_Λncol b_Λ i pijtyañob.

19

Pablo ya' ti Efeso

1 Che' ñac ya' tyo an ti Corinto jini Apolos, Pablo ti ñumi majlel ti witsowits tyac. C'Λ_Λl ti c'oti ti Efeso. Ya' ti' tyaja cha'tiquil uxtiquil ochemo' b_Λ ti' t'an Dios.

² Pablo ti' c'ajtibeyob: ¿Tsa'ix ba ochi ti la' pusic'al Ch'ujul b_Λ i Ch'ujlel Dios che' ñac ti la' ch'ujbi Jesús? Che' ti' c'ajtibeyob Pablo. Jiñob ti' jac'Λyob: Mi tsa'ic lojon cubi mi an Ch'ujul b_Λ i Ch'ujlel Dios. Che' ti' jac'Λyob.

³ Che' jini Pablo ti' c'ajtibeyob: ¿Chuqui ti ch'Λm ja' ti la' ch'ΛmΛ? che'en. Jiñob ti' jac'Λyob: Jini ch'Λm ja' tsa' b_Λ i yΛc'Λ Juan, che'ob.

⁴ Pablo ti' subeyob: Juan ti yΛc'Λ ti ch'Λm ja' quixtyañujob cha'an i seña'jlel tsa'ix i cΛyΛyob i mul. Pero Juan ti' subeyob je'el yom i ch'ujbiñob jini tyal tyo b_Λ ti i pat. Jiñach jini Cristo tsa' b_Λ i yajcΛ Dios. Jiñach jini Jesús. Che' ti yΛΛ Juan, che' Pablo.

⁵ Che' ñac ti yubiyob i t'an Pablo, ti' ch'ΛmΛyob ja' cha'an tsiquil ti' ch'ujbiyob lac Yum Jesús.

⁶ Che' ñac ti yΛc'Λ i c'Λb Pablo ti' pam i jol, jini Ch'ujul b_Λ i Ch'ujlel Dios ti ochi ti' pusic'alob. Ti quejiyob ti t'an ti yan tyac b_Λ t'an. Ti' subuyob t'an che' bajche' ti yΛq'ueyob i sube' Dios.

⁷ Che' bajche' doce winicob ti pejtyelelob.

⁸ C'ΛΛΛ uxp'ej uw ti bele' ochi Pablo ti i templo israelob ba' uts'at ti' cha'le subt'an. Ti' wen sube quixtyañujob cha'an i yumintyel Dios.

⁹ Pero juntiquil cha'tiquil ti mich'Λ cha'an mach yom i ch'ujbiñob. Tsucul t'an ti i subeyob i t'an Dios ti' tyojlel quixtyañujob. Che' jini Pablo ti loq'ui majlel ya' ba'añob. Ti' pΛyΛyob majlel ochemo' b_Λ ti' t'an Dios ya' ti jump'ej escuela i cha'an b_Λ Tiranno b_Λ i c'aba' b_Λ winic. Ya' ti' subeyob i t'an Dios ti jujump'ej q'uin.

¹⁰ Ch'Λ'ach ti' bej cha'le c'ΛΛΛ cha'p'ej jab cha'an pejtyelelob ya' b_Λ chumulob ti pañimil Asia b_Λ i

c'aba' ti yubiyob i t'an lac Yum Jesús. ChΛ'ach israelob je'el yic'ot mach bΛ israelob ti yubiyob.

11 Dios ti yaq'ue i pΛse' ñuc tyac bΛ i p'atyΛlel Pablo.

12 Jinic tyo an i p'atyΛlel jini cajchilΛ yic'ot i pislel tsa' bΛ i tyΛΛ Pablo. Che' ñac ti' ch'ΛmΛyob majlel ya' ba'an xc'am'añob ti' c'ΛñΛyob ti lajmel. Je'el ti loc'sΛbentiyob xiba ti' pusic'al quixtyañujob.

13 Pero ya'an cha'tiquil uxtiquil israelob mu' bΛ i lu' ñumel majlel ti lum tyac. Jiñob mi' loc'san xiba ti i pusic'al quixtyañujob. Yom i c'Λñob i c'aba' lac Yum Jesús. Jin cha'an ti' subeyob jini xibajob: Mic xiq'ue' loq'uel ti i p'atyΛlel Jesús jiñach jini mu' bΛ i sube' Pablo. Che' ti yΛΛyob.

14 ChΛ'ach ti' cha'leyob jini siete yalobilob juntiquil israel bΛ winic Esceva bΛ i c'aba'. Ñuc bΛ cura jini Esceva.

15 Pero che' ñac che' ti' cha'le jini sietejob, jini xiba ti yΛΛ: Ubibil c cha'an i c'aba' Jesús. CΛñΛ c cha'an majchqui jini Pablo pero jatyetla, ¿majchetquila? Che' ti yΛΛ jini xiba.

16 Jini winic am bΛ xiba yic'ot ti tijp'i i chuc jini sietejob. Ti ganarintiyob. Che' jini, chacalob lojweñob ti puts'iyob jini sietejob.

17 Pejtyelelob ya' bΛ chumulob ti Efeso, israelob yic'ot mach bΛ israelob, ti yubiyob bajche' ti ujtí. Ti' wen bΛc'ñΛyob. Ti subeyob i ñucllel lac Yum Jesús.

18 CabΛlob je'el tsa' bΛ i ch'ujbiyob Jesús ti tyΛliyob i subob jini mach bΛ wen ti' cha'leyob ti yambΛ ora.

19 CabΛl jini tsa' bΛ i cha'leyob wujt ti' ch'ΛmΛyob tyΛlel i jun tyac. Ya' ti' puluyob ti' cantyΛlelob i

wut ti pejtyelelob. Che' ñac ti' ña'ty_Λyob bajche' i tyojol pejtyel jun tyac, ti loq'ui i tyojol che' bajche' cincuenta mil pesos.

²⁰ Ch_Λ'_Λch ti' bej pucu majlel i t'an lac Yum. Ti wen tsictiyi añ_Λch i p'_Λty_Λlel.

²¹ Che' ñac ti ujti jini, Pablo ti ch_Λc al_Λ ti' pusic'al cha'an yom majlel ti jula' ti Macedonia yic'ot ti Acaya. Yom c'_Λl_Λ majlel ti Jerusalén. Ti y_Λl_Λ je'el ya' b_Λ mi quejel i loq'uel majlel ti Jerusalén wersa yom majlic c'_Λl_Λ ti lum Roma b_Λ i c'aba'.

²² Ya' tyo ti poj c_Λyle ti Asia jini Pablo pero ti' xiq'uiyob majlel ti Macedonia cha'tiquil mu' b_Λ i cotyan ti toñel, Timoteo yic'ot Erasto b_Λ i c'aba'.

Jini ju'upojolo' b_Λya' ti Efeso

²³ Ti jim b_Λ ora ti quejiyob ti ju'l_Λpoj_Λmiyel ti caj i t'an Dios.

²⁴ Juntiquil Demetrio b_Λ i c'aba' ti tyeche jini ju'l_Λpojla b_Λ t'an. Jini yujil b_Λ niq'ui melol ti plata. Mi' mel i saj loc'om i templo jini melel b_Λ i dios Diana b_Λ i c'aba'. Cab_Λl ti' cha'leyob ganar jini tsa' b_Λ i cha'le lajal b_Λ toñel yic'ot.

²⁵ Jini Demetrio ti' much'quiyob pejtyelel jini lajalo' b_Λ i toñel yic'ot jiñob ts'itya' lajalo' b_Λ i toñel. Ti' subeyob: Pi'_Λlob, la' wujil isujm cha'an iliyi lac toñel mu' b_Λ lac niq'ui mel ma'an ch_Λ b_Λ tyo más yom lac cha'an.

²⁶ Pero che' bajche' ch_Λncol la' wilan, ch_Λncol la' wubin, jini Pablo bej ch_Λncol y_Λle' mach Diosic jini melel b_Λ dios tyac mu' b_Λ i mel quixtyañujob. Cab_Λlix quixtyañujob ti' ch'ujbibeyob i t'an. Mach w_Λ'ic jach w_Λ' ti Éfeso pero l_Λc'_Λl yomox i tyaj ti pettyelel Asia ti' ch'ujbiyob.

27 Ti' bej cha'le t'an jini Demetrio. Ti y_ΛΛ: B_Λb_Λq'uen che' jini, ame y_Λq'ueñonla lac s_Λt lac choñ_Λñel. C'o'oj_Λch je'el ma'ix mi quej i ch_Λc q'uelob ti ñ_Λuc quixtyañ_Λujob jini i templo Diana. Ch_Λ'_Λch che' jini muc' jachix i wajleñob i ñ_Λucel jini me_Λl b_Λ dios mu' b_Λ i ch'ujbin pejtyelelob w_Λ' ti Asia yic'ot ti pejtyel mulawil. Che' ti y_ΛΛ Demetrio.

28 Che' ñ_Λc jini much'quibilo' b_Λ ti yubiyob ili t'an ti quejiyob i wen mich'an. C'am ti' cha'leyob t'an. Ti y_ΛΛyob: Ñoj ñ_Λuc Diana i dios efesojob. Che' ti y_ΛΛyob ti c'am b_Λ t'an.

29 Cab_Λl bajche' ti u_Λti t'an ti pejtyel ili lum. Ti' chucuyob cha'tiquil ch'oyolo' b_Λ ti Macedonia mu' b_Λ i pi'len ti x_Λmbal Pablo, Gayo yic'ot Aristarco b_Λ i c'aba'ob. Ti' tyujc'Λyob majlel c'Λ_Λl ti jump'ej colem otyot ba' mi' much'quiñob i b_Λ quixtyañ_Λujob.

30 Pablo yom ochel i pejcan quixtyañ_Λujob ya'i. Pero jini ochemo' b_Λ ti' t'an Dios ma' ti y_Λc'Λyob majlel.

31 Yic'ot cha'tiquil uxtiquil año' b_Λ ye'tyel uts b_Λ yic'ot Pablo ti' xiq'ui ti wersa subentyel cha'an mach ochic ya'i.

32 Yoque ju'upojolobjax ya' ba' much'quibilob quixtyañ_Λujob. Ojlilob ch_Λncox i y_Λle' junchajp b_Λ i sujmllel, ojlil yamb_Λ i sujmllel. L_Λc'Λl yom i taj ti pejtyelelob ma' ti' saj ñ_Λa'ty_Λ ch_Λ b_Λ och much'quibilob ya'i.

33 Jini israelob ti' chucuyob juntiquil Alejandro b_Λ i c'aba'. Ti' wa'chocoyob ti' tyojel quixtyañ_Λujob. Che' jini cha'tiquil uxtiquil ya' b_Λ ba'añob ti' wen subeyob Alejandro i sujmllel chucoch ju'lapojlawob. Che' jini Alejandro ti' p_Λs'eyob i

20

Mi majlel Pablo ti Macedonia yic'ot ya' ti Grecia

¹ Che' ñac ti lajmiyob ti ju'lapojlamiyel, Pablo ti' much'quiyob ochemo' b_Λ ti' t'an Dios cha'an mi' wen subeñob bajche' yom. Ti' lajlaj jats'beyob i pat. Ti' subeyob mux i majlel. Ti' loq'ui majlel ti Macedonia.

² Ti' jula'ayob pejtyel ochemo' b_Λ ti' t'an Dios ya' ba' ti ñumi. Ti' wen xuc'chocobeyob i pusic'al ti' t'an Dios. Ti' wi'il ti c'oti ya' ti Grecia.

³ Ya' ti c_Λyle uxp'ej uw Pablo. Che' i t'añalelix mi yochel ti barco cha'an majlic ti Siria ti yubi cha'an ti' tyem lajayob i t'an israelob ti i contra. Jin cha'an ti' cha' q'uexe i pensal cha'an ti yoc mi majlel cha'an ñumic majlel ti Macedonia.

⁴ Ti pi'le ti x_Λmbal jini Sópater ch'oyol b_Λ ti Berea yic'ot Aristarco yic'ot Segundo ch'oyolo' b_Λ ti Tesalónica yic'ot Gayo ch'oyol b_Λ ti Derbe yic'ot Timoteo yic'ot je'el Tíquico yic'ot Trófimo ch'oyol b_Λ ti pañimil Asia b_Λ i c'aba'.

⁵ Ti ñaxan majliyob ti Troas ba' mi quej i pi-jtyañon lojon quic'ot Pablo. Joñon ch_Λncol b_Λ c ts'ijbun ili jun.

⁶ Che' tsa'ix ñumi jini q'uin che' mi laj c'uxe' caxlan waj mach'Λ ba'an yic'ot levadura mu' b_Λ y_Λq'uen i wos i b_Λ, ti ochiyon lojon ti barco. Ti loq'uison lojon majlel ti Filipos. Ti' jop'ejlel q'uin ti c'otiyon lojon ti Troas ya' ba' ti c_Λyleyon lojon siete q'uin.

Pablo mi' jula'an jini am b_Λ ti Troas

⁷ Ti jini ñaxan b_Λ q'uin ti semana pejtyel ochemo' b_Λ ti' t'an Dios ti' much'quiyob i b_Λ cha'an mi motin

uch'ejelob che' bajche' ti' xiq'ui i melob Jesús che' ñac cojachix b_Λ ti' cha'le we'el Jesús. Pablo ti' subuyob i t'an Dios. Cha'an mi quej i loq'uel majlel ti s_Λc'an ba'añob, c'Λ_ΛΛ xin a_Λb_Λlel ti' cha'le t'an Pablo.

⁸ Much'quibilob ya' ti uxla_jm b_Λ otyot ba' ts'Λb_Λ tyac lámpara.

⁹ Ya' buchul ti ventana juntiquil alob Eutico b_Λ i c'aba'. Cha'an jal ti' cha'le subt'an Pablo, ti ochi i w_Λyel jini alob. Che' wen w_Λy_Λlix ti yajli jubel c'Λ_ΛΛ uxla_jm. Sajtyemix ti' lotyoyob.

¹⁰ Che' jini Pablo ti jubi ya' ba'añob. Ti' choco i b_Λ ti' pam alob. Ti' meq'ue. Ti' sube jini ochemo' b_Λ ti' t'an Dios: Mach a b_Λc'ñan. Cuxul_Λch, che' Pablo.

¹¹ Pablo ti cha' letsi majlel ya' ti mali otyot. Ti' xet'e waj. Ti' c'uxuyob. Che' jini Pablo ti' bej cha'le t'an c'Λ_ΛΛ ti s_Λc'Λ. Che' jini ti loq'ui majlel.

¹² Cuxul_Λch ti' p_Λy_Λ majlel ti yotyot i tyat i ña' jini alob. C'ajacñayob i yoj.

Ti loq'uiyob majlel ti Troas cha'an majlicob ti Mileto

¹³ Pablo ti loq'ui majlel ti yoc cha'an c'otic ti lum Asón b_Λ i c'aba'. Joñon lojon ti ochiyon lojon ti barco cha'an ya' mi quej c tyaj lojon c b_Λ.

¹⁴ Che' ñac tic tyaja lojon c b_Λ ya' ti Asón, Pablo ti ochi ti barco lojon quic'ot. Ti loq'uiyon lojon majlel ti lum Mitilene b_Λ i c'aba'.

¹⁵ Ti loq'uiyon lojon majlel ti barco ya'i. Ti yijc'Λlel ti ñumiyon lojon ti' t'ejl lum Quío b_Λ i c'aba'. Ti' cha'p'ejlel q'uin ti c'otiyon lojon ti lum ya' ti l_Λc'Λ_Λ ti' ja' Samos b_Λ i c'aba'. Ti poj_j c'aja lojon coj ti lum Trogilio b_Λ i c'aba'. Ti yijc'Λlel ti c'otiyon lojon c'Λ_ΛΛ ti Mileto.

16 Ch^Λch ti' meleyob como Pablo mach yom putyun jalejel ya' ti Asia. Jin cha'an mach yom majlel ya' ti Efeso. Yom i seb c'otyel ya' ti Jerusalén cha'an ya' ch'ujbi i ñusan q'uin Pentecostés b^Λ i c'aba'.

Bajche' ti' subeyob Pablo año' b^Λ ye'tyel ti templo ya' ti Efeso

17 Ya' tyo an Pablo ti Mileto. Ti' choco majlel t'an ba'an año' b^Λ ye'tyel ti templo ya' ti Efeso cha'an mi ty^Λlel ya' ba'an Pablo.

18 Che' ñac ti c'otiyob ti' subeyob: La' wujil isujm pejtyel bajche' tic cha'le c'^Λl^Λ ti cojax tyo b^Λ q'uin che' ñac ti ty^Λliyón ti Asia.

19 Ti bele' ora tic wen cha'libe i toñel lac Yum ti pejtyel c' pusic'al. Mach'an tic lets^Λ c' b^Λ ti la' tyojlel. An tic cha'le uq'uel che' ñac ti quil^Λ bajche' yilal ti' cha'le quixtyañujob. La' wujil isujm je'el bajche' tic ñusa wocol cha'an bajche' ti' jop'o i wen ty^Λc'lañoñob jini israelob.

20 Mach'an ti c^Λcty^Λ c' subeñetla i t'an Dios cha'an c' b^Λq'uen pejtyel ch^Λ b^Λ yom cha'an la' wenlel. Tij c^Λntis^Λyetla ti' t'an Dios che' much'quibiletla ti la' pejtyelel. Tij c^Λntis^Λyetla je'el ti la' bajñel la' wotyot tyac.

21 Tic wen sube jini israelob yic'ot je'el jini mach b^Λ israelob cha'an yom mi' q'uexob i pensal i c^Λyob i mul. Yom ti pejtyelel i pusic'al mi' ch'ujbiñob lac Yum Jesucristo. Che' tic subeyob, che' Pablo.

22 Wale mi quej c' majlel ti Jerusalén como wersa mi xic'on c' majlel Ch'ujul b^Λ i Ch'ujlel Dios. Pero ma'an mic ña'tyan ch^Λ b^Λ yes mi quej i yujtyel ya'i.

23 Jin jach cujil isujm cha'an ti jujump'ej lum ba' mi quej c' ñumel jini Ch'ujul b^Λ i Ch'ujlel Dios

mi' subeñon an yom b_Λ i ty_Λc'lañon yic'ot yom i yotsañon ti c_Λchol.

24 Pero mach'an mic b_Λc'ñan pejtyel jini. Mach'an ch_Λ b_Λ mi' cha'len mi ti ts_Λns_Λntiyon mi cubin. Jin jach com cujtisan c toñel tsa' b_Λ i y_Λc'on c mele' c Yum Jesús ti' tijicñ_Λyel c pusic'al c'Λ_ΛΛ jintyo mic sajtyel. Jin jach com c subeñob pejtyel quixtyañujob i t'an Dios bajche' an i p'unty_Λntyel ti Dios.

25 Tsa'ix wen ñumiyon ba' añetla cha'an c subetla cha'an i yumintyel Dios. Pero wale cujil isujm ma'ix mi quej la' cha' q'uel c wut w_Λ' ti mulawil. Che' ti y_ΛΛ Pablo.

26 Wale mic subeñetla ti tyoj b_Λ t'an cha'an mach c wentajic mi ma'an ti la' tyaja la' cuxy_Λlel mach'Λ yujil jilel.

27 Ma'an ti c_Λcty_Λ c subeñetla pejtyel ch_Λ b_Λ yom Dios cha'an ti caj c b_Λq'uen. Ma'an ch_Λ b_Λ yes mach'Λ ba'an tic subetla.

28 Yom la' wen c_Λñ_Λtyan la' b_Λ. Ma' subeñob i c_Λñ_Λtyañob i b_Λ je'el pejtyelel ochemo' b_Λ ti' t'an Dios año' b_Λ ti la' wenta. Como jini Ch'ujul b_Λ i Ch'ujlel Dios ti y_Λq'uetla ti la' wenta cha'an la' c_Λñ_Λtyañob. Como lac Yum Jesucristo ti' m_Λñ_Λyob ti' ch'ich'el.

29 Cujil isujm che' majlemon mux yochel w_Λ' ba' añetla quixtyañujob i jop' i ch'icbeñetla t'an cha'an la' c_Λy tsa' b_Λ la' ch'ujbi. Che' bajche' mi yochel ma'tye'lel ts'i' i jisan tiñ_Λme', ch_Λ'_Λch mi quej i jop' yochel i ch'icbeñetla t'an.

30 An je'el ochem b_Λ la wic'ot mu' b_Λ i cha'len lot b_Λ c_Λntisa cha'an mi' jop' i lotiñob je'el jini ochemo' b_Λ ti' t'an Dios cha'an mi' ts_Λcleñob majlel.

³¹ C'añatyán la' b_Λ cha'an mach la' ch'ujbin lot. C'ajal la' cha'an ti q'uin ti ac'balel tij c'antisayetla ti' t'an Dios c'Λ_Λ uxp'ej jab. Tic wen p'untyayetla jujuntiquiletla.

³² Wale mi quej j c'ayetla ti i c'Λb Dios. I t'an Dios mi' c'añatyabeñetla la' pusic'al como mi la cubin ti' t'an Dios bajche' mi' p'untyañonla Dios. P'aty_Λ i t'an Dios. Jini mi' p'aty_Λlisan lac pusic'al. Mux i y_Λq'ueñetla la' wajñib ti panchan jujuntiquiletla tsa' b_Λ la' ch'ujbi Jesús. Mi quej la' motin ajñel yic'ot pejtyel yaño' b_Λ i cha'an b_Λ Dios.

³³ Ma'an ch_Λ b_Λ tic mul_Λbetla cha'an bajñel com, mi la' pislelic mi la' tyaq'uinic.

³⁴ Pero la' wujil isujm tic cha'le toñel tij c'Λb cha'an tic tyaja i c'Λjnibal b_Λ c cha'an yic'ot i cha'an jini tsa' b_Λ i ts_Λcleyon majlel ti x_Λmbal.

³⁵ Ch_Λ'_Λch tic bele' p_Λsbetla cha'an ch_Λ'_Λch yom la' cha'len troñel cha'an mi laj cotyan mach'_Λ ba'an i cha'an. C'ajal la' cha'an i t'an lac Yum Jesús ba' ti y_ΛΛ: Más c'ajacña la coj mi laj cubin che' mi la c_Λq'uen i majtyan lac pi'_Λ che' bajche' mi lac tyaj lac cha'an. Che' ti y_ΛΛ Jesús, che' Pablo.

³⁶ Che' ñac ti ujti i y_Λle' Pablo ti ñocle ti oración yic'otyob.

³⁷ Che' jini ti lu' uq'uiyob. Ti' lajlaj jats'beyob i pat. Ti' ñupuyob.

³⁸ Ñoj ch'_Λjyem ti yubiyob como ti' subeyob ma'ix mi quej i cha' ilañob. Che' jini ti' pi'leyob majlel c'Λ_Λ ya' ba' ti ochi ti barco.

21

Pablo mi majlel ti Jerusalén

1 Che' ñac ti loq'uiyon lojon majlel ba'an jini hermañujob ti ochiyon lojon ti barco. Tyoj jach ti majliyon lojon ti saj lum joyol b_Λ ti ja' Cos b_Λ i c'aba'. Ti yijc'alel ti c'otiyon lojon ti yamb_Λ lum joyol b_Λ ti ja' Rodas b_Λ i c'aba'. Che' jini ti loq'uiyon lojon ti Rodas. C'alel ti majliyon lojon ti lum Pátara b_Λ i c'aba'.

2 Ya' ti Pátara tic tyaja lojon jump'ej barco mu' b_Λ i majlel ti pañimil Fenicia b_Λ i c'aba'. Ti ochiyon lojon ti barco. Ti loq'uiyon lojon majlel.

3 Che' ti ñumiyon lojon ti lojon c ts'ej ti lojon quil_Λ jini lum joyol b_Λ ti ja' Chipre b_Λ i c'aba'. Ti bej majliyon lojon ti Siria. Jini barco wersa ti ochi ya' ti lum ti lac'al ti' ja' Tiro b_Λ i c'aba' cha'an mi' c_Λy i cuch. Jini cha'an ya' ti loq'uiyon lojon ti barco. Ti ochiyon lojon ti lum.

4 Ya' ti lojon c sajc_Λyob jintyo ti lojon c tyaja ochemo' b_Λ ti' t'an Dios. Ti poj c_Λyleyon lojon quic'otyob siete q'uin. Jini Ch'ujul b_Λ i Ch'ujlel Dios ti' nijc_Λbeyob i pusic'al ochemo' b_Λ ti' t'an Dios cha'an mi' subeñob Pablo cha'an mach majlic ti Jerusalén.

5 Pero che' ñac ti ñumi siete q'uin ti loq'uiyon lojon majlel. Pejtyel ochemo' b_Λ ti' t'an Dios yic'otyob i yijñam yic'ot i yalobilob ti' ts_Λcleyon lojon majlel c'alel ti jumpatlel i ti' jini lum. Ya' ti ti' ja' ti ñocleyon lojon. Ti lojon c cha'le oración.

6 Che' jini ti lojon c lajlaj jats'beyon lojon c pat. Ti lojon c subeyob mux c lojon majlel. Ti ochiyon lojon ti barco. Ti sujtiyob majlel ti yotyot jini yaño' b_Λ yi.

7 Ti ñumiyon lojon majlel ti ja' c'ΛΛΛ Tiro c'ΛΛΛ ti Tolemaida. Ya' ti lojon c pejcΛ ochemo' bΛ ti' t'an Dios. Ti cΛleyon lojon quic'otyob jump'ej q'uin.

8 Ti yijc'Λlel ti loq'uiyon lojon majlel yic'ot Pablo. Ti c'otiyon lojon ya' ti lum Cesarea bΛ i c'aba'. Ti ochiyon lojon ti yotyot Felipe. Jiñach juntiquil mu' bΛ i puque' ñumel i t'an Dios. Juntiquil jini siete diáconojob jiñach Felipe. Ya' ti poj cΛleyon lojon quic'ot.

9 An chΛntiquil yixicp'eñal max tyo bΛ ba'an ñujpuñeñob. Jiñob mi' sube' i sujmllel i t'an Dios bajche' ti yΛq'ueyob i ña'tyan Dios.

10 Che' ñac ti cΛleyon lojon cha'p'ej uxp'ej q'uin ya' ti c'oti juntiquil tsa' bΛ i xiq'ui yΛle' Dios ch'oyol bΛ ti Judea Agabo bΛ i c'aba'.

11 Ti tyΛli i jula'añon lojon. Ti' ch'ΛmΛ i cinturón Pablo. Ti' c'ΛñΛ i bajñel cΛch yoc i c'Λb. Ti yΛΛ: Jini Ch'ujul bΛ i Ch'ujlel Dios mi yΛ ch'Λch bajche' jini mi quej i cΛchob i yum jini cinturón jini israelob ya' bΛ añob ti Jerusalén. Mi quej i yΛc'ob ti' wenta mach bΛ israelob, che'en.

12 Che' ñac ti lojon cubi ili t'an joñon lojon quic'ot año' bΛ ti Cesarea ti wocol t'an ti lojon c sube Pablo cha'an mach majlic ya' ti Jerusalén.

13 Pero Pablo ti' jac'Λ: ¿Chucoch muq'uetla ti uq'uel? Mi la' wotsΛbeñon c ch'Λjyemlel. Ma'an chΛ bΛ mi' cha'len mi ti cΛjchiyon mi ti tsansΛntiyon ya' ti Jerusalén cha'an ti caj lac Yum Jesucristo.

14 Cha'an ma'an ti' q'uexyΛ i pusic'al Pablo ti lojon c cΛyΛ c t'an. Che' jach ti lojon cΛΛ: La' i cha'len lac Yum bajche' yom.

15 Ti wi'il, che' jini, tic chajp Δ lojon c b Δ . Ti loq'uiyon lojon majlel cha'an mi lojon c majlel ya' ti Jerusalén.

16 Cha'tiquil uxtiquil ochemo' b Δ ti' t'an Dios ya' ti Cesarea ti' ts Δ cleyon lojon majlel. Ti' p Δ y Δ yon lojon ochel ti yotyot ba' mi quej lojon calejel, i cha'an b Δ juntiquil winic Mnasón b Δ i c'aba'. Ch'oyol ti Chipre jini Mnasón. Wajalix ti ochi ti' t'an Dios.

Pablo mi' jula'an Jacobo

17 Che' ñac ti c'otiyon lojon ya' ti Jerusalén c'ajacñayob i yoj ti' pejc Δ yon lojon jini ochemo' b Δ ti' t'an Dios.

18 Ti yijc' Δ lel Pablo lojon quic'ot ti majliyon lojon cula'an Jacobo. Ya' ti lojon c tyaja je'el pejtyelel jini ancianojob.

19 Pablo ti y Δ q'ueyob saludos. Che' jini ti' subeyob ti jujunchajp pejtyelel bajche' ti y Δ q'ue i cha'len Dios ti' tyojlelob jini mach b Δ israelob.

20 Che' ñac ti yubiyob ti' subeyob i ñucllel Dios. Ti' subeyob Pablo: Wale, hermañu, a wujil isujm cha'an yoque yonlel israelob tsa'ix b Δ i ch'ujbiyob Jesús. Pero pejtyelelob mi wersa y Δ lob cha'an i c' Δ jnibal mi' ts Δ cleñob i mandar Moisés.

21 Tsa'ix i yubiyob cha'an tsa'ix a c Δ ntis Δ yob pejtyel israelob ya' b Δ chumulob ti' lumal mach b Δ israelob cha'an mi' c Δ yob jini tsa' b Δ i xiq'ui Moisés. Mi y Δ lob je'el tsa'ix a w Δ Δ mach yom tsejpic i p Δ ch Δ lel alo' b Δ i yalobilob yic'ot mach yom i ch Δ c ts Δ cleñob bajche' i ty Δ lel mi lac cha'len.

22 ¿Bajche' yom lac cha'len, che' jini? Mi quej i much'quiñob i b Δ quixtyañujob como mux i wersa yubiñob tsa'ix juliyet.

23 Yom ma' mel che' bajche' jini: WΛ'an la quic'ot chΛntiquil winicob mu' bΛ i wersa ts'actisan i t'an tsa' bΛ i wΛ sube Dios.

24 PΛyΛyob majlel a wic'ot. Jatyet ma' cha'len je'el pejtyel bajche' i tyΛlel mi' mel israelob che' mi' ts'actisan jini t'an tsa' bΛ i wΛ sube Dios. Jatyet ma' wΛq'uen i tyojol jini mu' bΛ i c'añob. Che' mi yujtyel pejtyel bajche' mi' melob ch'ujbiyΛch yΛc'ob ti pitis loq'uel i jol cha'an i señΛjlel tsa'ix i ts'actisa i t'an tsa' bΛ i wΛ subeyob Dios. Che' jini pejtyelel quixtyañujob mi quej i ña'tyañob cha'an mach mel el bajche' ti' tyajayetyob ti t'an. Mux i ña'tyañob cha'an jatyet je'el chΛncolΛch a ch'ujbiben i mandar tyac Moisés.

25 Pero cha'an jini mach bΛ israelob ochemo' bΛ ti' t'an Dios mach wersa mi' cha'len pejtyel bajche' jini. Tsa'ix lac ts'ijbubeyob jun. Ti lac subeyob mach yom i c'uxob we'el tsa' bΛ ajq'ui ba'an mel el bΛ dios tyac. Mach yom i c'uxob ch'ich'. Mach yom i c'uxob yΛts'Λl bΛ animal. Yom mi' cΛñΛtyañob i bΛ cha'an machic ba'an t'an yic'ot yambΛ mach bΛ yijñamic mach bΛ i ñoxi'alic.

Ya' ti templo ti' chucuyob majlel ti cΛchol Pablo

26 Che' jini ti yijc'Λlel Pablo ti' pΛyΛyob majlel jini chΛntiquil winicob. Ti' motin cha'leyob pejtyelel bajche' i tyΛlel mi' cha'len ti ñoj oniyix cha'an tsiquil chΛncol i ts'actisañob t'an jini chΛntiquilob. Ti wi'il ti ochi Pablo ya' ti i colem templo israelob cha'an mi' suben año' bΛ ye'tyel ti templo chΛ bΛ ti q'uin mi quej i yujtisañob bajche' chΛncol i melob cha'an i ña'tyañob chΛ bΛ ti q'uin mi quej i wersa aq'ueñob i majtyan jini chΛntiquilob.

27 LΛc'Λlix mach ujt jini siete q'uin mu' bΛ i cha'leñob bajche' i tyΛlel mi' cha'leñob cha'an tsiquil ti' ts'actisΛyob i t'an jini chΛntiquilob. Ya'an Pablo yic'ot jini chΛntiquilob ya' ti i colem templo israelob ti Jerusalén. Che' jini cha'tiquil uxtiquil israelob ch'oyolo' bΛ ti Asia ti yilΛyob Pablo ya' ti templo. Jiñob ti' ñijcΛyob ti' contra Pablo pejtyel quixtyañujob. Ti' chucuyob Pablo.

28 Ti c'am bΛ t'an ti yΛΛyob: Israelo' bΛ winicob, cotyañon lojon. JiñΛch iliyi winic mu' bΛ i ñumel ba'ical. ChΛncox i cΛntisan quixtyañujob cha'an mi' ts'a'q'uelob lac pi'Λlob wΛ' ti lac lumal, yic'ot i mandar tyac Moisés yic'ot jini templo je'el. Wale tsa'ix i pΛyΛyob ochel wΛ' ti ili templo cha'tiquil uxtiquil mach bΛ israelob. Che' jini tsa'ix i yoque bibi'tisΛyob iliyi i templo Dios. ChΛ'Λch ti yΛΛyob ti c'am bΛ t'an.

29 ChΛ'Λch ti yΛΛyob como tsa'ix i yilΛyob Pablo ya' ti ili lum yic'ot juntiquil Trófimo bΛ i c'aba' ch'oyol bΛ ti Efeso. Ti' lolon pensaliyob ti' pΛyΛ ochel ti templo Pablo jini Trófimo.

30 Ti queji ti wen ju'upojlΛmiyel pejtyel quixtyañujob. Ti wa' ajñel much'quiyob i bΛ ya' ba'an Pablo. Ti' chucuyob. Ti' tyujc'Λyob loq'uel Pablo ti' pat templo. Ti' wa' lu' ñup'uyob i ti' templo.

31 ChΛncox i jop' i tsΛnsan Pablo che' ñac ti yubi t'an jini ñuc bΛ soldado cha'an bajche' lu' ju'upojolob pejtyelel quixtyañujob ya' ti Jerusalén.

32 Jini ñuc bΛ soldado ti' wa' much'quiyob cabΛl soldadojob yic'ot i capitañob. Ti ajñel ti' c'otiyob ya' ba'añob jini quixtyañujob. Che' ñac quixtyañujob ti yilΛyob jini ñuc bΛ soldado yic'ot i winicob ti wa' actyΛyob i yΛc'ben Pablo.

33 Jini ñuc bΛ soldado ti lΛc'Λ Pablo. Ti' xiq'uiyob soldadojob cha'an mi' chucob. Ti' xiq'ui ti cΛchol ti cha't'ujm cadena. Jini ñuc bΛ soldado ti' c'ajtibe quixtyañujob: ¿Majchqui jini winic? ¿Chuquiyes ti' cha'le? che'en.

34 Pero lamital ti yΛΛyob junchajp bΛ i sujmllel yambΛ lamital yambΛ junchajp. Pero cha'an ti caj cabΛ ju'upojolo' bΛ t'an mach ch'ujbi i ña'tyan bajche' i sujmllel jini tsa' bΛ ujtí. Jin cha'an ti' xiq'uiyob i pΛyob ochel Pablo ya' ti yotyot soldadojob.

35 Che' ti c'otiyob ya' ba' quejpuctic i ti' yotyot, soldadojob wersa ti' ch'uyuyob majlel Pablo como yoque mich'ob quixtyañujob.

36 Como ya' lu' tyΛlelob ti' pat Pablo. Ti c'am bΛ t'an ti yΛΛyob: La' tsΛnsΛntic. Che' ti yΛΛyob.

Pablo ti' subu i bΛ ti' tyojlel quixtyañujob

37 Che' mux quej yochelob ti yotyot soldadojob Pablo ti' pejcΛ jini ñuc bΛ soldado ti' t'an griego. Ti yΛΛ: Com c poj pejcañet, che'en. Jini ñuc bΛ soldado ti yΛΛ: ¿A wujil ba i t'an griego?

38 ¿Mach jatyetic jini ch'oyol bΛ ti Egipto max tyo bΛ jaliji a tyejche a ts'a'q'uelbeyon lojon c lumal? ¿Mach ba jatyetic tsa' bΛ a pΛyΛ loq'uel ti tyΛquin bΛ joch lum cuatro mil ajtsΛnsajob? Che' ti yΛΛ jini ñuc bΛ soldado.

39 Che' jini Pablo ti' jac'Λ: Joñon israelon. Ti ch'ocΛyon ti Tarso. Ch'oyolon ti Tarso. Jiñach jini más ñuc bΛ lum ya' ti pañimil Cilicia bΛ i c'aba'. A wocolic ma' wΛq'ueñon c pejcan jini quixtyañujob. Che' ti yΛΛ Pablo.

⁴⁰ Jini ñuc bΛ soldado ti yΛq'ue i pejcañob. Pablo ti wa'le ya' ba' quejpuctic. Ti' pΛsΛ i c'Λb cha'an ñΛch'lec quixtyañujob. Che' ñac ñΛch'Λlobix ti' pejcΛyob ti' t'an hebreo.

22

¹ Pablo ti queji ti t'an. Ti yΛΛ: Pi'Λlob, cΛscuñalob. ÑΛch'tyΛbeñonla bajche' mic subeñetla. Ma'an sajlic c mul cha'an jini tsa' bΛ ujti.

² Che' ñac ti yubiyob mu' ti t'an ti' t'an hebreojob ti más ñΛch'leyob. Che' jini Pablo ti' subeyob.

³ Joñon israelon. Ti ch'ocΛyon ti Tarso ya' ti Cilicia. Pero wΛ' ti coliyon ti Jerusalén. Jini Gamaliel ti' cΛntisΛyon. Ti' lu' cΛntisΛyon bajche' an ti i mandar tyac lac yumob ti ñoj oniyix. Tic bele' ch'ujutisΛ Dios ti pejtyel c pusic'al lajal che' bajche'etla wale iliyi.

⁴ Wajali tic wen tyac'la ochemo' bΛ ti' t'an Dios. Ti cac'Λyob ti tsansantyel. Tic chucu majlel ti chΛcol winicob x'ixicob.

⁵ Jini ñoj ñuc bΛ cura yic'ot año' bΛ ye'tyel yujilob isujm bajche' tic cha'le wajali como jiñob ti yΛc'oñob jun cha'an mic pΛs'en israelo' bΛ lac pi'Λlob ya' ti Damasco. Ya' majlel muc'on c sΛclan ochemo' bΛ ti' t'an Dios cha'an cΛchΛlob mic pΛyob tyΛlel wΛ' ti Jerusalén cha'an mi cΛq'uen i xot'ob i mul.

*Pablo mi' subeñob bajche' ti ochi ti' t'an Dios
(Hch. 9.1-19; 26.12-18)*

⁶ Ti xinq'uinil che' ñac majlel tyo muc'on ti bij che' lac'Λlix mach c'otyon ti Damasco ti wa' ts'Λjyi p'ΛtyΛ bΛ c'ajc ya' ba'añon ch'oyol bΛ ti chan.

7 Ti yajliyon ti lum. Che' jini ti cubi ajt'an. Ti y_ΛΛ: Saulo, Saulo, ¿chucoch ma' ty_Λc'lañon?

8 Che' jini tij c'ajtibe: ¿Majchetqui, c Yum? cho'on. Jini ti' jac'Λ: Joñon Jesús on ch'oyolon b_Λ ti Nazaret. Joñoñ_Λch ch_Λncol b_Λ a ty_Λc'lan. Che' ti y_ΛΛ jini ajt'an.

9 Jini ya' b_Λ añob quic'ot ti yil_Λyob jini c'ajc. Pero ma'an ti yubiyob jini ajt'an tsa' b_Λ i pej_Λyon.

10 Che' jini ti c_ΛΛ: ¿Chuquiyes yom mic cha'len? c Yum, cho'on. Jini lac Yum ti' subon: Tyejchen. Cucu c'_ΛΛ_Λ ya' ti Damasco. Ya' i mi quej a subentyel ch_Λ b_Λ yes yom a cha'len. Che' ti y_ΛΛ jini ajt'an.

11 Jini p'_Λty_Λ b_Λ c'ajc ti yots_Λyon ti xpojts'. Jin cha'an jini c pi'_Λlob ti x_Λmbal ti' chucuyon majlel ti j c'_Λb cha'an c'oticon ti Damasco.

12 Ya'an juntiquil winic ya' ti Damasco Ananías b_Λ i c'aba'. Jini mi' wen ch'ujbin i mandar Moisés. Pejtyelel israelob ya' b_Λ chumulob ti Damasco mi' q'uel ti ñuc jini Ananías.

13 Jini Ananías ti ty_Λli i q'uelon. Che' ñac ti c'oti ti y_ΛΛ: Hermañu Saulo, la' cha' c'otic a wut, che'en. Ti jini jach b_Λ ora ti cha' c'oti c wut. Ti queji quilan jini winic.

14 Ananías ti' subon: Jini Dios tsa' b_Λ i ch'ujbiyob lac yumob ti ñoj oniyix ti yaj_Λy_Λyet ti ñoj oniyix cha'an mi' p_Λs'eñet bajche' yom y_Λq'ueñet a cha'len. Ti y_Λq'uet a q'uel jini yoque tyoj b_Λ. Ti y_Λq'uet a wubin jini t'an tsa' b_Λ yoque loq'ui ti ti'.

15 Jatyet mi quej a sub majlel i t'an Jesús ba'an pejtyelel quixtyañujob. Ma' subeñob jini tsa' b_Λ a wil_Λ, tsa' b_Λ a wubi.

16 Ixcu wale, ma' ma' chΛc pijtyan. Tyejchen. Ch'ΛmΛ ja'. Pejcan Jesús ti oración. C'ajtiben cha'an mi' ñusΛbeñet a mul. Che' ti' subon Ananías, che' ti yΛΛ Pablo.

Pablo ti' subeyob bajche' ti xiq'ui majlel ba'an mach bΛ israelob

17 Pablo ti' bej cha'le t'an. Ti yΛΛ: Che' ñac ti cha' tyΛliyón wΛ' ti Jerusalén ti ochiyón ti templo cha'an mic cha'len oración. Che' jini an chΛ bΛ ti quilΛ che' bajche' ti ñajal.

18 Ti quilΛ lac Yum. Ti' subon: Loq'uen majlel ti ora jach wΛ' ti Jerusalén como ma'an mi quej i ch'ujbiñob bajche' mi quej a subeñob cha'an joñon. Che' ti' subentiyón ti lac Yum che' muc'on ti oración.

19 Che' jini joñon ti cΛΛ: C Yum, wen yujilob isujm cha'an joñon ti ochiyón ti pejtyelex i templo israelob cha'an mi cats'ob cha'an mic pΛyob majlel ti cΛchol pejtyelex chΛncol bΛ i ch'ujbiñetyob.

20 Yic'ot che' ñac ti' tsΛnsΛyob Esteban ajtroñel bΛ a cha'an tsa' bΛ i cha'le t'an cha'añet ya' wa'alon je'el. Ti cΛc'Λ c t'an yubil como joñon tij cΛñatyΛbeyob i tsuts bujc jini tsa' bΛ i tsΛnsΛyob Esteban.

21 Pero lac Yum ti' subon: Cucu. Mi quej c xiq'uet majlel ti ñajt ya' ba' mach bΛ israelob cha'an ma' subeñob c t'an.

Pablo che' ñac an ti' wenta ñuc bΛ soldado

22 Ti' wen ñach'tyΛbeyob i t'an Pablo quixtyañujob jintyo ti yΛΛ tsa' bΛ ujti i yΛle'. Che' jini jasΛ ti yubiyob. Ti cha' quejiyob ti c'am bΛ t'an: Ti yΛΛyob: La' sajtic jini winic. Mach yom cuxtiyic, che' ti yΛΛyob.

23 Ti' bej cha'leyob c'am b_Λ t'an jini quixtyañujob. Cab_Λl ti' cha'le ts_Λts b_Λ t'an. Ti' choco letsel ts'ubejn cha'an i seña_Λjlel i mich'lel.

24 Jini ñuc b_Λ soldado ti' xiq'ui i p_Λyob ochel Pablo ti yotyot soldadojob. Ti' xiq'uiyob soldadojob i jats'e' ti p_Λchij cha'an mi' sub i b_Λ. Como jini ñuc b_Λ soldado yom i yubin chucoch muc'ob ti c'am b_Λ t'an pejtyelel quixtyañujob ti' contra Pablo.

25 Che' c_Λch_Λl Pablo cha'an i jats'ob, Pablo ti' pejc_Λ jini capitán ya' b_Λ wa'al. ¿Am ba ti la' wenta cha'an mi' la' jats' juntiquil romano b_Λ winic? Yic'ot je'el max tyo la' saj w_Λc'on c mel c b_Λ. Che' ti y_Λl_Λ Pablo.

26 Che' ñac ti yubibe i t'an Pablo jini capitán ti majli i suben jini ñuc b_Λ soldado. Ti y_Λl_Λ: Wen q'uele a b_Λ ame a niq'ui cha'len como romano b_Λ winic jini Pablo.

27 Che' jini ti' l_Λc'_Λ Pablo jini ñuc b_Λ soldado. Ti' c'ajtibe: ¿Melel ba che' romanojet b_Λ winic? che' jini ñuc b_Λ soldado. Melel_Λch, bajche' ch_Λncol a w_Λle', che' Pablo.

28 Jini ñuc b_Λ soldado ti y_Λl_Λ: Joñon yonlel tyaq'uin tic tyojo cha'an ochicon ti romano b_Λ winic, che'en. Pablo ti' jac'_Λ: Pero joñon romanojon ti ch'oc_Λyon. Che' ti y_Λl_Λ Pablo.

29 Jini colel b_Λ i jats'ob Pablo ti wa' loq'uiyob ti' t'ejl. Jini ñuc b_Λ soldado, che' ñac ti' ch'_Λmbe isujm cha'an romano b_Λ winic Pablo, ti' wen b_Λc'ñ_Λ cha'an ti' c_Λch_Λ.

Pablo ya' ba'an jini Junta Suprema

30 Jini ñuc b_Λ soldado wersa yom yubin ch_Λ b_Λ och mi' jop'beñob i mul Pablo jini israelob.

Ti yijc'alel ti' ticbeyob i cadenajlel Pablo. Ti xiq'uiyob i much'quiñob i b_Λ jini ñuc b_Λ curajob yic'ot año' b_Λ ye'tyel ti Junta Suprema. Che' jini ti' p_Λy_Λ majlel Pablo ya' ba'añob.

23

¹ Che' jini Pablo ti' ch'uj q'uele jini año' b_Λ ye'tyel ti Junta Suprema. Ti y_Λl_Λ: Pi'lob, c'alel ti coliyon c'alel wale iliyi ma'an ch_Λ b_Λ mi saj al c'pusic'al ti' tyojlel Dios.

² Jini ñoj ñuc b_Λ cura, Ananías b_Λ i c'aba', ti' xiq'ui ya' b_Λ wa'alob ti' t'ejl Pablo cha'an mi m_Λc'ajajts'iben i ti' Pablo.

³ Pablo ti y_Λl_Λ: Dios mi quej i jats'et, cha'chajp b_Λ a pensal. W_Λ' buchulet cha'an ma' melon bajche' an ti xic'ojel am b_Λ ye'tyel. Pero che' ti a w_Λc'ayon ti jats'ol ch_Λncol a ts'a'q'uel jini xic'ojel, che'en.

⁴ Jini ya' b_Λ añob ti y_Λl_Λyob: ¿Chucoch che' ma' pejcan jini ñoj ñuc b_Λ cura i cha'an Dios bajche' jini? Che' ti y_Λl_Λyob.

⁵ Pablo ti' jac'Λ: Pi'lob, ma'an tic ña'ty_Λ mi jini ñoj ñuc b_Λ cura. Como mi y_Λl ti' Ts'ijbubil b_Λ i T'an Dios: Mach yom mi la' mich' tyaj ti t'an ñuc b_Λ yum_Λl ti la' lumal. Che' mi y_Λl ti Ts'ijbubil b_Λ i T'an Dios, che'en Pablo.

⁶ Pablo ti queji i ña'tyan cha'an lamital ya' b_Λ añob ti Junta Suprema mi' ch'ujbiñob bajche' mi' ch'ujbin saduceojob. Yamb_Λ lamital mi' ch'ujbiñob bajche' mi' ch'ujbin fariseojob. Parte bajche' mi' pensaliñob. Jin cha'an Pablo ti y_Λl_Λ ti c'am b_Λ t'an: Pi'lob, fariseojon. Fariseo b_Λ winic c' tyat je'el. Ch_Λncol c' mel c' b_Λ cha'an mic ch'ujbin mi quej i cha' tyejchel sajtyemo' b_Λ. Che' ti y_Λl_Λ Pablo.

7 Che' ñac che' ti y_ΛΛ Pablo bajche' jini, jini fariseojob yic'ot saduceojob i bajñelob ti quejiyob ti cab_Λ tsats b_Λ t'an. Che' jini ti' t'oxoyob i b_Λ.

8 Jini saduceojob mi y_Λlob ma'ix mi quej i cha' tyejchel sajtyemo' b_Λ. Mi y_Λlob je'el ma'an ajtroñel i cha'an Dios ch'oyol b_Λ ti panchan, yic'ot ma'an i ch'ujlel quixtyañujob. Pero jini fariseojob mi lu' ch'ujbiñob pejtyel che' bajche' jini.

9 Pejtyelelob ti quejiyob ti c'am b_Λ t'an. Cha'tiquil uxtiquil fariseojo' b_Λ ajcantisajob cha'an i xic'ojel am b_Λ ye'tyel ti wa'leyob. Ti y_ΛΛyob: Mach'an ti' cha'le mach b_Λ wen ili winic. C'o'ojlach juntiquil ajtroñel i cha'an Dios ch'oyol b_Λ ti panchan mi i ch'ujlel juntiquil quixtyañu ti' pejca. Ma'an mi quej lojon j contrajin Dios. Che' ti y_ΛΛyob.

10 Yoque tsats ti' pejca_Λyob i b_Λ fariseojob yic'ot saduceojob. Jini ñuc b_Λ soldado ti queji ti b_Λq'uen. Mi' bac'ñan ame anic ch_Λ b_Λ i tyumbeñob Pablo. Che' jini ti' xiq'ui ty_Λlel soldadojob cha'an mi' wersa p_Λy loq'uel Pablo ya' ba' añob. Ti' cha' p_Λy_Λyob majlel ti yotyot soldadojob.

11 Ti yamb_Λ ac'b_Λlel ti' p_Λs_Λ i b_Λ lac Yum ba'an Pablo. Ti y_ΛΛ: Pablo, ch'ejlisan a b_Λ. Bajche' ti a sube quixtyañujob cha'añon w_Λ ti Jerusalén ch_Λ'ach je'el mi quej a wersa cha'len ya' ti Roma. Che' ti y_ΛΛ Jesús.

Ti' lajayob i t'an cha'an i ts_Λsañob Pablo

12 Ti yijc'alel cha'tiquil uxtiquil israelob ti' lajayob i t'an cha'an mi' ts_Λsañob Pablo. Ti' wa'chocoyob i t'an. Ti' ch'_Λc_Λyob i b_Λ. Ti y_ΛΛyob: La' i y_Λq'ueñonla lac ñusan tsats b_Λ wocol Dios mi ti

uch'iyonla che' max tyo ti lac tsans Pablo. Che' ti yalyob.

¹³ Ñumen ti cuarenta winicob tsa' bΛ i lajayob i t'an.

¹⁴ Che' jini ti majliyob ya' ba'an ñuc bΛ curajob yic'ot jini año' bΛ ye'tyel ti i templo israelob: Ti' subeyob: Tsa'ix lojon cΛΛ lojon c t'an cha'an ma'ix mi lojon c ts'in quejel ti uch'el jintyo mi lojon c ñaxan tsans Pablo.

¹⁵ Wale jatyetla yic'ot año' bΛ año' bΛ ye'tyel ti Junta Suprema mi la' c'ajtiben jini ñuc bΛ soldado cha'an i pΛye' tyalel Pablo ijc'Λl wΛ' ba' añetla. Mi la' lolon cha'len che' bajche' la' wom la' más xuc'ul lu' c'ajtiben i sujmler pejtyel jini tsa' bΛ ujtī. Joñon lojon chajpΛbilon lojon cha'an mi lojon c tsans che' max tyo c'ot, che'ob.

¹⁶ Pero jini yalobil i chich Pablo ti yubi bajche' chancol i cha'leñob. Ti majli ya' ti yotyot soldadojob cha'an mi' suben Pablo.

¹⁷ Che' jini Pablo ti' pΛyΛ i pejcan juntiquil capitán. Ti' sube: PΛyΛ majlel ili alob ba'an ñuc bΛ soldado. An chΛ bΛ mi' suben. Che' ti yΛΛ Pablo.

¹⁸ Jini capitán ti' pΛyΛ majlel ba'an jini ñuc bΛ soldado. Ti yΛΛ: Jini xcachol bΛ Pablo ti' xiq'uion cha'an c pΛy tyalel wΛ' ba'añet jini alob. An chΛ bΛ mi' subeñet. Che' ti yΛΛ jini capitán.

¹⁹ Jini ñuc bΛ soldado ti' chucbe i c'Λb jini alob. I bajñel jach ti' pΛyΛ majlel. Ti' c'ajtibe: ¿Chuquiyes a wom a subeñon? Che' ti yΛΛ.

²⁰ Che' jini ti queji i yΛle' jini alob: Jini israelob chancol bΛ i contrajin Pablo tsa'ix i lajayob i t'an cha'an mi' c'ajtibeñetyob cha'an ma' pΛy majlel Pablo ijc'Λl ya' ba'añob ti Junta Suprema. Mi quej

i lolon cha'leñob che' bajche' yom i más xuc'ul c'ajtibeñob i sujmllel pejtyelex jini tsa' b_Λ ujti.

²¹ Pero mach ma' jaq'ue'. Como más ti cuarenta winicob ch_Λncol i mucul pijtyan ya' ti bij. Tsa'ix i wa'chocoyob i t'an cha'an ma'ix mi quej i cha'leñob uch'el jintyo mi' ts_Λnsañob Pablo. Wale chajp_Λbilobix. Ch_Λncol jachix i pijtyañob a t'an. Che' ti y_Λl_Λ jini alob.

²² Jini ñuc b_Λ soldado ti' sube jini alob: Ma' ma' saj suben yamb_Λ quixtyañu cha'an ti a subon, che'en. Che' ti y_Λl_Λ jini ñuc b_Λ soldado. Che' jini ti' xiq'ui sujtyel jini alobi.

Mi' p_Λyob majlel Pablo ya' ba'an ñuc b_Λ yum_Λl Félix b_Λ i c'aba'

²³ Jini ñuc b_Λ soldado ti' p_Λy_Λ ty_Λlel cha'tiquil capitán cha'an mi' pejcañob. Ti' subeyob cha'an mi' xic'ob soldadojob cha'an i chajpañob i b_Λ cha'an loq'uicob majlel ya' ti Cesarea ti a las nueve ti ac'b_Λlel. Doscientojob mi quej i majlelob ti yoc. Setentajob c'_Λch_Λlo' b_Λ mi majlel yic'ot doscientojob ye'elo' b_Λ i lanza.

²⁴ Ti' xiq'uiyob je'el cha'an mi' chajpañob caballo tyac mu' b_Λ i c'_Λchtyan majlel Pablo. Ti' xiq'uiyob cha'an mi' wen c_Λñ_Λtyañob cha'an ma'an ch_Λ b_Λ mi' tyumbeñob ti bij c'_Λl_Λl mi c'otyel ya' ba'an ñuc b_Λ yum_Λl Félix b_Λ i c'aba.

²⁵ Ti' choco majlel jun yic'otyob mu' b_Λ i y_Λle':

²⁶ Ñuquet b_Λ yum_Λl Félix. Joñon Claudio Lisiason. Mic chocheñet ty_Λlel saludos.

²⁷ Jini israelo' b_Λ winicob ti' chucuyob ili winic. Colel i ts_Λnsañob. Che' ñac ti cubi cha'an romano

b_Λ winic tsajniyon quic'ot soldadojob. Tij colo ti' c'Λbob jini ch_Λncol b_Λ i jop' i ts_Λnsañob.

²⁸ Cha'an com cubin ch_Λ b_Λ och mi' jop'beñob i mul tic p_Λy_Λ majlel ba'an am b_Λ ye'tyel ti Junta Suprema.

²⁹ Tic ña'ty_Λ, che' jini, cha'an ti caj i mandar tyac israelob ch_Λncol i jop'beñob i mul Pablo. Pero mach'an ch_Λ b_Λ och i ts_Λnsañob mi anic ch_Λ b_Λ och mi yotsañob ti c_Λchol.

³⁰ Pero che' ñac ti subentiyon cha'an ti' lajayob i t'an cha'an mi' ts_Λnsan Pablo, w_Λ' tic wa' xiq'ui ty_Λlel. Tic subeyob je'el jini ch_Λncol b_Λ i jop'beñob i mul Pablo cha'an mi ty_Λlel ya' ba'añet je'el cha'an mi' subeñetyob ch_Λ b_Λ i mul Pablo. Che' ti y_ΛΛ ti' jun jini ñuc b_Λ soldado.

³¹ Jini soldadojob ti' cha'leyob che' bajche' ti xijq'uiyob. Ti' p_Λy_Λyob majlel ti ac'b_Λlel c'Λl_Λ ti Antípatris.

³² Ti yijc'Λlel jini soldadojob tsa' b_Λ majliyob ti yoc ti' cha' sujtiyob ti yotyot soldadojob. Jini c'Λch_Λlo' b_Λ ti' bej p_Λy_Λ majlel Pablo.

³³ Che' ti c'otiyob ti Cesarea ti y_Λq'ueyob jun jini ñuc b_Λ yum_Λ. Ti y_Λq'ue ti' wenta Pablo je'el.

³⁴ Che' ñac ti ujti i q'uele' jun jini ñuc b_Λ yum_Λ ti' c'ajtibe baqui ch'oyol Pablo. Che' ñac ti yubi ch'oyol ti Cilicia ti y_ΛΛ:

³⁵ Mux c_Λq'ueñet a mel a b_Λ che' mi ty_Λlel ch_Λncol b_Λ i jop'beñetyob a mul. Che' ti y_ΛΛ jini ñuc b_Λ yum_Λ. Che' jini ti' xiq'ui ti wen c_Λñ_Λty_Λntyel Pablo ya' ti colem otyot ba' mi buchty_Λ ti' melojel jini ñuc b_Λ yum_Λ Herodes b_Λ i c'aba'.

24

Bajche' ti' mele i b_Λ Pablo ya' ba'an Félix

¹ Che' ti ñumi jop'ej q'uin jini ñoj ñuc b_Λ cura Ananías b_Λ i c'aba' ti c'oti ya' ti Cesarea yic'ot cha'tiquil uxtiquil israelob año' b_Λ ye'tyel ti templo yic'ot juntiquil mu' b_Λ i cotyan ti t'an winicob che' mi' melob i b_Λ Tértulo b_Λ i c'aba'. Ya' ti ochiyob ba'an ñuc b_Λ yum_Λ cha'an mi' jop'ben i mul Pablo.

² Che' ñac ti' p_Λy_Λyob ty_Λlel Pablo jini Tértulo ti queji i jop'ben i mul. Pero ñaxan ti' sube Félix: Ñuquet b_Λ yum_Λ Félix, com lojon c subeñet wocox a w_ΛΛ como cha'an ti caj cab_Λ a ña'ty_Λbal más wen añoñ lojon cha'an ti caj a we'tyel. C'otyajax ñ_Λch'Λ w_Λ' ti lac lumal.

³ Ba'ical an quixtyañujob mux lojon lu' c_Λq'ueñet cab_Λ wocox a w_ΛΛ cha'an pejtyel ch_Λncol b_Λ a niq'ui mele' wen b_Λ.

⁴ Mach com lojon c m_Λcty_Λbeñet cab_Λ ora. Jini cha'an mi' c'ajtibeñet ti wocol t'an cha'an ma' poj ñ_Λch'ty_Λbeñoñ lojon c t'an jumuc'.

⁵ Com lojon c subeñet cha'an mach saj wen bajche' mi' ch_Λc cha'len ili winic. Mi bej ñumel majlel ti yamb_Λ lum tyac ba' mi' ch_Λc tyeche ju'upojomiyel ba'an israelob. Jiñ_Λch i yum junmujch'o' b_Λ winicob nazarenojo' b_Λ i c'aba'.

⁶ Ti' jop'o i bibi'tisan templo como ti' p_Λy_Λ ochel mach b_Λ israelob. Joñoñ lojon ti lojon c chucu. Com lojon c mele' ti lojon c_ΛΛ bajche' mi' xic'on ti lojon c mandar tyac.

⁷ Pero jini ñuc b_Λ soldado Lisias b_Λ i c'aba' ti ochi ya' ba'añoñ lojon. Ti' wersa chili loq'uel Pablo ti lojon j c'Λb.

8 Ti y_ΛΛ cha'an jini mu' b_Λ i sub i mul yom mi ty_Λlel w_Λ' ba'añet. Jatyet ch'ujbiy_Λch a c'ajtiben pejtyel i sujmllel tyac cha'an ma' wen ña'tyan cha'an yoque melel_Λch pejtyelel tsa' b_Λ lojon c subet.

9 Jini israelob ya' wa'alob je'el ti yots_Δyob i t'an cha'an melel_Λch pejtyel jini.

10 Jini ñuc b_Λ yum_Λl ti' cha'libe i seña_Δjlel cha'an mi' cha'len t'an Pablo. Che' jini Pablo ti y_ΛΛ: Tijicñayon mic mel c b_Λ ba'añet como cujil isujm cha'an wajali ti ochiyet ti a we'tyel ti ili lac lumal.

11 Tsa' jax tyo ñumi doce q'uin wale ya' ti c'otiyon ti Jerusalén cha'an mic ch'ujutisan Dios. Pero jatyet ch'ujbi a c'ajtiben yamb_Λ quixtyañujob cha'an ma' ña'tyan mi yoque melel_Λch c t'an.

12 Ma'ix ba' ti' tyajayon c c_ΛΛx pejcan quixtyañujob. Ma' ba' b_Λ ora ju'lapojlawon quic'ot quixtyañujob ya' ti jini colem templo ya' ti Jerusalén mi ya'ic ti yamb_Λ templo tyac, mi ya'ic ti yamb_Λ parte tyac ya' ti Jerusalén.

13 Pero ili quixtyañujob ma'an bajche' ch'ujbi i p_Λsob mi an c mul bajche' ch_Λncol i lolon jop'ob.

14 Mux c subeñet che' melel_Λch mic ch'ujbin jini Dios tsa' b_Λ i ch'ujbiyob je'el lac yumob ti ñoj oniyix. Je'el mic ch'ujbin tsiji' b_Λ c_Λntisa. Pero an mu' b_Λ i y_Λlob mach wen. Muc'ach c ch'ujbin je'el pejtyel i mandar tyac Moisés yic'ot pejtyel tsa' b_Λ i ts'ijbu jini tsa' b_Λ i xiq'ui i y_Λle' Dios.

15 Tijicñayon mic ch'ujbin Dios como cujil isujm pejtyel quixtyañujob mi quej i tyejchel loq'uel ba'an sajtyemo' b_Λ. Ili quixtyañujob w_Λ'i mi' ch'ujbiñob je'el cha'an mi quej i tyejchelob loq'uel

ba'an sajtyemo' b_Λ, jini weño' b_Λ yic'ot mach b_Λ weño**b**.

16 Jini cha'an mic ch_Λc jop' c cha'len wen b_Λ cha'an ma'an ch_Λ' b_Λ mi saj al c pusic'al cha'an mach wen tic cha'le ti' wut quixtyañujob mi ti' wut Dios.

17 Cab_Λl jabil ti ñumiyon ba'ical ti yan tyac b_Λ pañimil. Che' jini ti cha' c'otiyon tic lumal cha'an mi c_Λq'uen i majtyan tyaq'uin p'ump'uña' b_Λ yic'ot cha'an mi c_Λq'uen i majtyan Dios.

18 Ch_Λ'_Λch ch_Λncol c cha'len che' ñac ti c'oti i tyajoñob ti templo cha'tiquil uxtiquil israelob ch'oyolo' b_Λ ti Asia. Poj ujtyel c cha'len pejtyel bajche' i ty_Λlel mi' cha'leño**b** cha'an tsiquil mi ts'_Λctisan i t'an bajche' mi w_Λ ale'. Pero ma'an cab_Λl quixtyañujob. Ma'an ju'upojolob.

19 Jini israelob ch'oyolo' b_Λ ti Asia yom ty_Λlicob w_Λ ba'añet cha'an mi' sub c mul mi an ch_Λ b_Λ tic tyumbeyob.

20 La' i y_Λlob jini w_Λ' b_Λ añob ch_Λ b_Λ yes c mul ti' tyajayob che' ñac ti' meleyon ya' ba'an jini Junta Suprema.

21 Ma'an c mul ti' tyajayob. Jin jach che' tic cha'le c'am b_Λ t'an. Ti c_ΛΛ: Wale ch_Λncol la' melon cha'an mic ch'ujbin mi quej i tyejchel loq'uel quixtyañujob ba'an sajtyemo' b_Λ. Che' ti y_ΛΛ Pablo.

22 Wen yujil isujm Félix bajche' mi' ch'ujbiño**b** Jesús jini ochemo' b_Λ ti' t'an Dios. Jin cha'an che' ñac ti yubi i t'an Pablo jini Félix ti y_ΛΛ: La' lac poj c_Λy lac mele'. Ya' b_Λ mi ty_Λlel jini ñuc b_Λ soldado Lisias b_Λ i c'aba' mi quej c cha' mel cha'an mux cujtisan c mele'. Che' ti y_ΛΛ Félix.

23 Che' jini Félix ti' xiq'ui capitán cha'an mi' cañatyan Pablo pero mi yaq'uen i cha'len bajche' yom i cha'len. Ti yac'Λ ti ochel i jula'an uts ba yic'ot, cha'an i yaq'ueñob cha ba yom.

24 Che' tsa'ix ñumi cha'p'ej uxp'ej q'uin ti cha' c'oti Félix yic'ot yijñam Drusila ba i c'aba'. Israel ba x'ixic jini yijñam. Ti' xiq'ui ti payol Pablo cha'an mi' más subeñob bajche' yom lac ch'ujbin Jesús.

25 Pablo ti' wen subeyob cha'an mi' chac cha'len wen ba yic'ot bajche' yom mi' wen cañatyañob i ba cha'an machic i cha'leñob mach ba wen. Yic'ot ti' subeyob je'el cha'an tyal i yorojlel Dios mi' quej i yaq'uen i mel i ba jujuntiquil quixtyañu. Dios mi' quej i q'uel mi' wen o mi' mach wen ti' cha'leyob. Che' jini tyoj bac'ñajel ti' yubi Félix. Ti yala: Cha' cucux ya' ba' cañatyabilet. Che' ujt c cha'an mu' tyo c cha' payet. Che' ti yala Félix.

26 Ti' lolon ña'tya Félix mi' quej i yaq'uen tyaq'uin Pablo cha'an yom cojlic. Jin cha'an cabal ti' xiq'ui ti payol Pablo i pejcan.

27 Cha'Λch ti' chac cha'le cha'p'ej jab. Che' jini Félix ti' loq'ui ti' ye'tyel. Ti' ochi Porcio Festo ti' q'uexol. Cha'an yom uts mi' q'uejlel ti' israelob jini Félix ti' caya ti' cachol Pablo.

25

Pablo ya' ba'an Festo

1 Che' jini Festo ti' c'oti ya' ti Cesarea cha'an mi' yochel ti' ye'tyel ti' ñuc ba yumal. Che' ñac ti' ñumi uxp'ej q'uin ya' ti majli ti' Jerusalén.

2 Jini ñuc ba' curajob yic'ot jini ñuc ba' ye'tyel israelob ti' lolon wersa subuyob an i mul Pablo.

³ Jiñob ti' lajayob i t'an cha'an mi' mujcuñob i b_Λ ti bij cha'an mi' tsansañoob Pablo. Jin cha'an ti' wersa c'ajtibe Festo: A wocolic choco ty_Λlel w_Λ' ti Jerusalén Pablo. Che' ti y_Λayob.

⁴ Pero Festo ti' jac'_Λ cha'an ya' tyo c_Λch_Λ ti Cesarea Pablo yic'ot je'el jini Festo ti' pensali i cha' sujt_yel ti seb.

⁵ Festo ti' subeyob: Jini año' b_Λ ye'tyel ya' ba' añetla yom majlicob ti Cesarea quic'ot. Mi an ch_Λ b_Λ ti' niq'ui cha'le mach b_Λ wen, ch'ujbi i sub i mul ya'i.

⁶ Jini Festo tsa' jach jale ya' ti Jerusalén che' bajche' ocho o diez q'uin. Che' jini ti cha' sujti majlel ti Cesarea. Che' ñac ti c'oti ti yijc'_Λlel ti' xiq'ui ti p_Λyol Pablo. Ya' buchul Festo ti colem buchlib_Λ ba' mi y_Λc' melojel.

⁷ Che' ñac ti ochi Pablo, jini israelob che' c'otyel muc'ob jini ch'oyolo' b_Λ ti Jerusalén ti' l_Λc'_Λyob Pablo. Cab_Λl ñoj ts_Λts b_Λ i mul ti' lolon subu. Pero ma'an bajche' ch'ujbi i saj p_Λs i sujmllel.

⁸ Che' jini Pablo ti queji i sub i b_Λ. Ti y_Λl_Λ: Ma'an ch_Λ b_Λ tic saj niq'ui cha'le ti' contra i mandar tyac israelob mi ti contrajic templo mi ti contrajic ñuc b_Λ yum_Λ ti Roma, che'en.

⁹ Jini Festo, cha'an jach yom q'uejlic ti wen ti israelob, ti' c'ajtibe Pablo. ¿A wom ba majlel ti Jerusalén cha'an ya' mic melet bajche' ch_Λncol i jop'beñet a mul? Che' ti y_Λl_Λ Festo.

¹⁰ Pero Pablo ti' jac'_Λ: W_Λ' año_n ba' mi yujtyel melojel am b_Λ ti' wenta ñoj ñuc b_Λ ye'tyel ti Roma. Jiñ_Λch ba' yom mic mel c b_Λ. Como a wujil isujm mach'an sajlic c mul ti' tyojlel israelob.

11 Mi tΛ'ic cha'le ñuc bΛ mulil ma' mi quej cΛl mach yom la' tsΛnsañon como i tyΛlel mi tsΛnsΛntyel cha'an i xot'e'. Pero mi mach melez bajche' mi' lolon jop'beñoñob c mul ma'an majch an ti' wenta i yΛc'on ti' c'Λb israelob. Jin jach mij c'ajtiben jini ñoj ñuc bΛ yumΛl ya' ti Roma cha'an mi' melon. Che' ti yΛΛ Pablo.

12 Che' jini Festo ti' poj pejcΛ i pi'Λl ti toñel. Che' ti ujt i pejcañob i bΛ ti' sube Pablo: Cha'an ti a c'ajti i melet jini ñoj ñuc bΛ yumΛl ya' ti Roma ya' mi quej c choquet majlel. Che' ti' sube Pablo jini Festo.

Pablo ti' tyojlel rey Agripa

13 Che' ti ñumi cha'p'ej uxp'ej q'uin jini rey Agripa bΛ i c'aba' yic'ot Berenice ti majliyob ya' ti Cesarea cha'an mi' jula'an Festo como max tyo jaliji ti ochi ti ye'tyel.

14 Ya' ti poj jaleyob cha'p'ej uxp'ej q'uin. Jin cha'an Festo ti' subeyob cha'an Pablo. Ti yΛΛ: WΛ'an juntiquil winic tsa' bΛ i cΛyΛ ti cΛchol Félix che' ñac ti loq'ui ti ye'tyel.

15 Che' ñac ya' añon ti Jerusalén jini ñuc bΛ curajob yic'ot jini año' bΛ ye'tyel ba'an israelob ti' subon cha'an Pablo. Ti' c'ajtibeyob cha'an mi cΛc' ti tsΛnsΛntyel.

16 Joñon tic subeyob cha'an i tyΛlel jini romanojob ma'an mi yΛc'ob ti tsΛntsΛntyel cha'an mi' xot' i mul jintyo mi lajal c'otyel yic'ot jini mu' bΛ i jop'ben i mul. Yic'ot je'el jintyo mi yΛq'uen i ñaxan bajñel sub i bΛ cha'an jini tsa' bΛ i yΛΛyob ti' contra.

17 Jin cha'an che' ñac ti juliyob wΛ'i ma'an ti yΛq'ueyob lolon jalejel pero ti yijc'Λlel ti buchleyon

tic buchlib ba' mi cΛc' melojel. Tic xiq'ui ti pΛyol tyΛlel Pablo.

18 Pero jini tsa' bΛ tyΛliyob cha'an mi' subob i mul Pablo mach'an ti' subu ñuc tyac bΛ i mul bajche' tic lolon c pensali.

19 Jini jach ti caj bajche' mi' ch'ujbiñob ti queji i contrajiñob. Yic'ot je'el ti' cha'leyob t'an cha'an juntiquil Jesús bΛ i c'aba'. Jini ti sajti pero Pablo mi yΛl cha'an cha' cuxulix.

20 Pero joñon ma'an tic wen ña'tyΛ bajche' yom mic cha'len melojel che' bajche' jini. Jin cha'an tic c'ajtibe Pablo mi yom majlel ya' ti Jerusalén cha'an ya' mi' mel i bΛ cha'an i mul tsa' bΛ i jop'beyob.

21 Pero Pablo ti' c'ajtibe cha'an ya' mi cΛtytyΛ jintyo mi' mel i bΛ ba'an ñoj ñuc bΛ yumΛ ya' ti Roma, Augusto bΛ i c'aba'. Jin cha'an tic xiq'ui cΛtytyΛ ti cΛchol jintyo ya' bΛ ch'ujbi c choc majlel ya' ba'an ñoj ñuc bΛ yumΛ ti Roma. Che' ti yΛΛ Festo.

22 Che' jini Agripa ti' sube Festo: Joñon je'el com cubin i t'an Pablo, che'en. Festo ti' jac'Λ: Ijc'Λl mi quej a wubin, che' ti yΛΛ Festo.

23 Ti yijc'Λlel che' ñac ti c'oti Agripa yic'ot Berenice ti ochiyob ya' ti colem mal. Wen ch'ΛΛlob ti pejtyelelob. Ti pejtyelelob ti' q'ueleyob ti ñuc jini rey yic'ot Berenice. Ya' ti ochiyob yic'ot ñuc bΛ soldadojob yic'ot winicob mu' bΛ i q'uelob ti ñuc ya' ti lum. Che' jini Festo ti' xiq'ui ti pΛyol Pablo.

24 Che' jini Festo ti yΛΛ: Rey Agripa yic'ot ti la' pejtyelel wΛ' bΛ much'quibiletla quic'otyot lojon. Q'uele ili winiqui. I yonlel israelob ya' ti Jerusalén yic'ot wΛ' ti Cesarea tsa'ix i wen jop'beyob i mul

ba'añon. Mach'an mi yactyan i subeñoñob cha'an yom tsansantic.

²⁵ Pero mi cal c bajñel, ma'an chΛ bΛ ti' cha'le. Mach c'añal tsansantic. Pero Pablo ti' bajñel c'ajtibe cha'an mi' mel i bΛ ba'an ñoj ñuc bΛ i ye'tyel Augusto bΛ i c'aba'. Jin cha'an tic ña'tyΛ c choc majlel ya'i.

²⁶ Pero mach'an chΛ bΛ mic ts'ijbuben ti jun jini ñoj ñuc bΛ ye'tyel cha'an i mul Pablo. Jin cha'an tic pΛyΛ tyΛlel wΛ' ba' añetla ti la' pejtyelel pero más i c'ajñibal ma' q'uele' jatyet rey Agripa cha'an ma' wen c'ajtiben chΛ bΛ i mul cha'an mic wen ña'tyan bajche' yom c ts'ijbun ti jun.

²⁷ Mi cal ma'ix chΛ bΛ och mic choc majlel xcΛchol ya' ba'an ñoj ñuc bΛ ye'tyel mi mach ch'ujbi c wen suben ti jun chΛ bΛ i mul mi' subob. Che' ti yΛΛ Festo.

26

Pablo mi' mel i bΛ ba'an rey Agripa

¹ Jini rey Agripa ti' sube Pablo: Ch'ujbiyΛch a sub a bΛ. Pablo ti' pΛsΛ i c'Λb cha'an i señañlel mi quej i cha'len t'an. Ti yΛΛ:

² Rey Agripa, wale tijicñayon che' ti a wΛc'on c mel c bΛ wΛ' ba'añet cha'an mic sub c bΛ pejtyel bajche' chΛncol i jop'beñoñob c mul israelob.

³ Como wen a wujil isujm pejtyel bajche' i tyΛlel mi' cha'leñob israelob yic'ot a wujil isujm mach junlajalob i pensal. Jin cha'an mij c'ajtibeñet ti wocol t'an cha'an xuc'ul ma' wubibeñon c t'an.

Bajche' ti ajni Pablo che' ñac max tyo ti' ch'ujbi Jesús

4 Pejtyelel israelob yujil isujm bajche' tic ñusa q'uin ya' tic lumal yic'ot ti Jerusalén c'ΛΛΛ ti coliyon.

5 Mach cu isujm mi mux i sube' pero c'ΛΛΛ wajali yujilob isujm cha'an fariseojon. Jini fariseojob mi' más mele' bajche' yaño' bΛ bajche' xic'bil ti i mandar Moisés.

6 Wale tsa'ix i pΛyΛyoñob tyΛlel ti melojel cha'an ti caj tijicñayon mic ch'ujbin che' mi quej i cha' tyejchel sajtyemo' bΛ che' bajche' ti' wΛ subeyob Dios lojon c yumob ti ñoj oniyix.

7 Jini doce mujch'ob lojon c pi'Λlob chΛncol i lu' pijtyañob je'el cha'an Dios mi' ts'actisan tsa' bΛ i wΛ alΛ bΛ t'an. Jin cha'an mi' lu' ch'ujutisañob Dios yic'ot mi' melbeñob i toñel ti q'uinil ti ac'bΛlel. Rey Agripa, mic subeñet jini israelob chΛncol jach i jop'beñon c mul ti caj ch'Λch mic ch'ujbin. Ch'Λch je'el mic pijtyan i ts'actisan jini tsa' bΛ i wΛ alΛ Dios.

8 Mach yom la' lolon ña'tyan cha'an mach ch'ujbi i tyeche' loq'uel Dios sajtyemo' bΛ.

Bajche' ti' ñaxan tyΛc'la quixtyañujob Pablo

9 Joñon c bajñel tic ña'tyΛ cha'an yom mic mel cabΛl chΛ bΛ tyac ti' contra jini Jesús ch'oyol bΛ ti Nazaret.

10 Ch'Λch tic cha'le ya' ti Jerusalén. Jini ñuc bΛ curajob ti yΛc'on jun cha'an mi cotsañob ti cΛchol cabΛl ochemo' bΛ ti' t'an Dios. Yic'ot je'el tic laja c t'an yic'otyob che' ñac ti' tsΛnsΛyob.

11 Ch'Λch cabΛl ti cΛq'ueyob i ñusañob wocol jini ochemo' bΛ ti' t'an Dios cha'an mic jop' cΛq'ueñob i cΛy i ch'ujbiñob Jesús. Ch'Λch tic cha'le ya' ti jujump'ej i templo tyac. Cha'an tic wen

mich'q'ueleyob tsajniyon c'ΛΛl ti ñajt bΛ lumal tyac cha'an mic tyac'lañob. Che' ti yΛΛ Pablo.

*Pablo mi' cha' sub bajche' ti' tyaja i cotyΛntyel
(Hech. 9.1-19; 22.6-16)*

¹² Ti' bej cha'le t'an Pablo. Ti yΛΛ: Majlel muc'on ti Damasco ba' mi quej cΛc' ti cΛchol ochemo' bΛ ti' t'an Dios. Ti yac'Λyon c majlel ñuc bΛ curajob. Añach cun tsa' bΛ i yac'on.

¹³ Rey Agripa, ya' ti bij ti xinq'uinil ti quilΛ p'Λtyal bΛ c'ajc loq'uem bΛ ti chan. Yoque más p'Λtyal jini c'ajc che' bajche' q'uin. Ti ts'Λjyi ya' ba'añon yic'ot jini majlel bΛ muc'ob quic'ot.

¹⁴ Che' jini ti lu' yajliyon lojon ti lum. Ti cubi ajt'an tsa' bΛ pejcΛyon ti' t'an hebreo. Ti yΛΛ: Saulo, Saulo, ¿chucoch chΛncol a tyac'lañon? Como chΛncol a tyac'lañon yubil che' ma' tyac'lañob jini ochemo' bΛ ti t'an. ChΛncol a bajñel low a bΛ che' bajche' tyat wacax che' mi' bot'tyeq'ue' jay bΛ i ñi' tye' chucul bΛ i cha'an i yum. Che' ti yΛΛ jini ajt'an.

¹⁵ Che' jini joñon ti cΛΛ: ¿Majchetqui c Yum? cho'on. Che' jini Jesús ti' jac'Λ: Joñon Jesús chΛncol bΛ a tyac'lan.

¹⁶ Tyejchen. Tic pΛsΛ c bΛ ba'añet cha'an ma' wotsan a bΛ ti ajtoñel c cha'an, cha'an ma' sub majlel jini tsa' bΛ a wubi tsa' bΛ a wilΛ sajmal yic'ot mu' bΛ quej c pΛs'eñet ti yambΛ ora.

¹⁷ Wale mic choquet majlel ba'an israelo' bΛ yic'ot mach bΛ israelob. Pero mi quej cΛq'uet ti cojlel ti' c'Λb jini yom bΛ i tyac'lañetyob.

¹⁸ Mic xiq'uet majlel ba'an quixtyañujob cha'an jajmicob i wut. Cha'an mach'an mi bej ajñelob ti ic't'ojñal. Cha'an mi yajñel ti sΛclel. Cha'an

mach'an mi bej ajñel ti i p'atyalel Satanás pero cha'an mi' ch'ujbiñob Dios. Che' mi' ch'ujbiñob ti' pusic'al mi' tyajob i ñusantyel i mul. Yic'ot mi yaq'uentyelob i yajnib ya' ba'an jini tsa' bΛ i ch'ujbiyob Dios. Che' ti subentiyon.

Pablo ti' jac'Λ bajche' ti xiq'ui

19 Mic subeñet rey Agripa, tic cha'le pejtyel bajche' ti' xic'on c mele' Jesús che' ñac ti' pejcayon.

20 Ñaxan tic wen sube año' bΛ ti Damasco cha'an mi' q'uexob i pensal i cayob i mul cha'an mi yaq'ueñob i bΛ Dios. Ti wi'il chΛ'ach tic wen subeyob je'el ya' ti Jerusalén yic'ot ti pettyalel Judea. Tic subeyob je'el mach bΛ israelob. Tic lu' subeyob cha'an yom mi' chΛc mel wen tyac bΛ i melbal cha'an tsiquil q'uexelix i pensal.

21 Cha'an chΛ'ach tic cha'le subt'an, jini israelo' bΛ ti' chucuyon ya' ti templo. Colel i tsansañoñob.

22 Pero c'Alal wale iliyi Dios mi' cotyañon cha'an xuc'ul mic cha'liben i toñel. Mic subeñob i t'an Dios pejtyel quixtyañujob mu' bΛ q'uejlel ti ñuc yic'ot jini mach'Λ ba'an mi q'uejlel ti ñuc. Che' jach mic subeñob t'an tsa' bΛ i xiq'ue yale' Dios ti ñoj oniyix yic'ot tsa' bΛ yalΛ Moisés mi quej i yujtyel.

23 Ti' wΛ alayob cha'an wersa mi quej i ñusan wocol Cristo yic'ot ti wi'il mi quej i sajtyel. Jiñach ñaxan bΛ mu' bΛ i tyejchel ba'an sajtyemo' bΛ. ChΛ'ach mi quej i yac' ti cΛjñel i t'an ba'an israelo' bΛ yic'ot mach bΛ israelob. ChΛ'ach ti' ts'ijbu jini tsa' bΛ xiq'ui yale' Dios ti ñoj oniyix. Che' ti yalΛ Pablo.

Pablo ti' jop'o i xiq'ue' ochel Agripa ti' t'an Dios

24 ChΛncol i sub i bΛ Pablo pero che' poj ujtyel i yale' che' bajche' jini, Festo ti yalΛ ti c'am bΛ t'an:

Locojet, Pablo. Cha'an ti a cha'le cabal estudio tsa'ix pantiyyet ti loco. Che' ti yalal Festo.

25 Pero Pablo ti' jac'la: Mach locojonc, Festo. Yoque melelach jini tsa' bal cala.

26 Wala'an rey Agripa. Wen yujil isujm pejtyel jini tsa' bal cala. Jin cha'an ma'an tic balcñal cale' wala' ba'an. Cujil isujm ubibil i cha'an jini rey Agripa pejtyel bajche' poj ujtyel c subeñetla. Como mach chala'ic jach ti mucul ujti jini tsa' bal ujti.

27 Rey Agripa, mij c'ajtibeñet: ¿Mu' ba a ch'ujbin melel i t'an jini tsa' bal i xiq'ui yale' Dios ti ñoj oniyix? Cujil isujm ma' ch'ujbin. Che' ti yalal Pablo.

28 Jini Agripa ti' sube Pablo: Cha'an ti caj a t'an ts'itya' jachix yom cha'an mi cochel ti' t'an Dios, che'en.

29 Pablo ti' jac'la: Mi ts'itya' o mi cabal cha'an ochiquet ti' t'an Dios, che' jach com cha'an Dios mi' nijcabeñet a pusic'al cha'an lajalet bajche'on. Jini jach che' mach'an chuculet ti cadena. Chala'ch com pero mach cha'an jatyetic jach, pero je'el pejtyel tsa' bal i ñalach'tyaboñob c t'an. Che' ti yalal Pablo.

30 Che' ñac ti ujti i yale' Pablo che' bajche' jini, ti tyejchi jini rey Agripa yic'ot je'el jini ñuc bal ye'tyel yic'ot Berenice yic'ot pejtyel ya' bal buchulob.

31 Ti parte majliyob i subeñob i bal cha'an bajche ti yalal Pablo. Ti yalayob: Mach'an chala' bal ti' cha'le ili winic mi cha'anic tsansantic mi cha'anic caleyec ti calchol. Che' ti yalayob.

32 Jini rey Agripa ti' sube Festo: Machic ba'an ti' c'ajti i majlel i mel i bal ba'an ñoj ñuc bal ye'tyel ti Roma, ch'ujbi wa' cojlic wala'i. Che' ti yalal Agripa.

27

Mi' palyob majlel Pablo ti Roma

¹ Che' jini ti yalalyob mi quej i chocob majlel Pablo ya' ti pañimil Italia bΛ i c'aba'. Joñon Lucason tsa' bΛ c ts'ijbu ili jun ti majliyon quic'otyob. Che' jini ti yac'alyob Pablo yic'ot yambΛ xcacholob ti' wenta juntiquil capitán Julio bΛ i c'aba'. An ye'tyel ti junmujch' soldadojob i cha'an ñoj ñuc bΛ ye'tyel Augusto.

² Ya'an juntiquil lojon quic'ot je'el Aristarco bΛ i c'aba'. Ch'oyol bΛ ti lum Tesalónica bΛ i c'aba' ya' ti pañimil Macedonia. Ti ochiyon lojon ti jump'ej barco tyalem bΛ ti Adramitio majlel muc' ti lum tyac ya' ti ti' ja' ya' ti Asia.

³ Ti yijc'alel ti c'otiyon lojon ti lum am bΛ ti lac'al ti' ja' Sidón bΛ i c'aba'. Pablo ti pejcanti ti uts ti Julio. Ti poj yalq'ue i jula'an jini utso' bΛ yic'ot cha'an i cotyañob ti chΛ bΛ yom i cha'an.

⁴ Ya' ti Sidón ti loq'uiyon lojon majlel ti barco. An p'atyal bΛ ic'. Jin cha'an ya' ti ñumiyon lojon majlel ti' t'ejl Chipre ba' ma' mi' putyun jats' ic' como lum mi' mactyan.

⁵ Ya' ti ñumiyon lojon ti ja' ti' t'ejl pañimil tyac Cilicia yic'ot Panfilia bΛ i c'aba'. Ti c'otiyon lojon ya' ti jump'ej lum Mira bΛ i c'aba' ya' ti Licia.

⁶ Ya'i jini capitán ti' tyaja jump'ej barco ch'oyol bΛ ti Alejandría majlel muc' ti Italia. Ti yac'alyon lojon ochel cha'an bej majlicon lojon.

⁷ Cabal q'uin xuc'ul jach ti majliyon lojon como mi' chΛc wets'e sujtyel ic' jini barco. Jiñach ti' mactyayon lojon. Wocol ti c'otiyon lojon ya' ti tyojel Gnido bΛ c'aba' bΛ lum. Cha'an ti caj ti chΛc

mactyayon lojon ic' ti ñumiyon lojon ti lac'alel joyol b_Λ ti ja' b_Λ lum Creta b_Λ i c'aba' ya' ti' tyojel Salmón b_Λ c'aba' b_Λ lum.

⁸ Wocol ti ñumiyon lojon ya' ti ti' lum. Ti c'otiyon lojon ti Buenos Puertos b_Λ c'aba' b_Λ lum lac'al ya' ti lum Lasea b_Λ i c'aba'.

⁹ Tic s_Λty_Λ lojon cabal q'uin. Cha'an lac'al i yorojlel tsañal b_Λb_Λq'uen mi ñumel barco ya' ti colem ja'. Jin cha'an Pablo ti' subeyob:

¹⁰ Winicob mic ña'tyan mi ti bej ñumiyonla majlel mi quej lac wen ñusan wocol. Mach jinic jach mi jilel barco mi' s_Λt i cuch pero b_Λb_Λq'uen mi lac sajtyel je'el.

¹¹ Pero jini capitán ma'an ti' ch'ujbibe i t'an Pablo. Ti' más ch'ujbibe i t'an i yum barco yic'ot xnijca barco.

¹² Mach wen jini lum am b_Λ ti lac'al ti' ja' cha'an i ñusañob i yorojlel tsañal. Jin cha'an lac'al ti pejtyelelob ti pensali cha'an más wen mi loq'uelob majlel ya'ya'i. Yom c'otic ya' ti Fenice b_Λ c'aba' b_Λ lum ya' ti Creta mi ch'ujbi c'oticob. Jini ic' tyalem ti' ts'ejtyalel paso' q'uin mi' jats' ti' tyojel jini lum.

Toñel b_Λ ic' ti colem b_Λ ja'

¹³ Che' ñac ti queji ti ñumel xuc'ul b_Λ ic' ch'oyol b_Λ ti sur ti' ña'tyayob ch'ujbiyach loq'uicob majlel bajche' yomob. Ti' cha' letsiyob ti' pam barco jini colem tsucul tyaq'uin tsa' b_Λ i chocoyob ochel ti mal ja' cha'an xuc'lec barco. Ti loq'uiyob majlel ya' ti lac'al ti' ja' joyol b_Λ ti ja' b_Λ lum Creta b_Λ i c'aba'.

¹⁴ Ti jumuc'lel ti' jats' toñel b_Λ ic' jini barco. Ti ts'ejtyalel paso' q'uin ti tyali jini ic'. Ujtyel i ñumel ya' ti Creta ti' jats' barco.

15 Cha'an c'am mi' jats'e' ic' jini barco mach ch'ujbi lojon c majlel ba' com lojon c majlel. Jin cha'an ti cAC'Λ lojon majlel barco ba' mi' pΔye' majlel ic'.

16 Ti ñumiyon lojon ti' pat jump'ej saj lum joyol bΛ ti ja' Clauda bΛ i c'aba' ba' ma' mi putyun ñumel p'ΔtyΛ bΛ ic'. Wocol ti mejliyon lojon ch'uy letsel ti' pam colem barco jini saj barco chΛncol bΛ lojon c tyujc'an majlel.

17 Ti lojon c letsΛ ti pam colem barco jini i saj bΛ. Che' jini ti lojon j c'ΛñΛ lia cha'an ti lojon c bejch'um cΛchΛ colem barco cha'an machic tyojp'ic. Ti wi'il cha'an ti lojon c bΛc'ñΛ ochic ti ji' lum Sirte bΛ i c'aba' ti lojon c ju'sΛ jini colem pisil mu' bΛ i chunque' ic' cha'an i wets'e' majlel barco. Che' jach ti lojon c lolon ac'Λ ti cΔtytyΛ ti pam ja'.

18 Ti yijc'Λlel cha'an ti caj ti' wen jats'Δyon lojon toñel bΛ ic' ti lojon c choco ochel ti mal ja' i cuch barco cha'an mach suppic ti mal ja' barco.

19 Ti yuxp'ejlel q'uin ti lojon j c'Λb tic choco lojon ochel ti mal ja' pejtyelel chΛ bΛ an i cha'an barco.

20 CabΛ q'uin ma'an ti lojon quilΛ q'uin mi ec'. Ti' wen jats'Δyon lojon toñel bΛ ic'. Che' jini ti lojon c ña'tyΛ cha'an ma'ix mi quejel lojon j coel ti lojon cubi.

21 CabΛ ora mach'an chΛ bΛ ti lojon c saj c'uxu. Pablo ti wa'le ya' ba'añob. Ti yΛΛ: Winicob, más wen tsa'ic la' jac'beyon c t'an cha'an mach loq'uiconla majlel ti Creta cha'an machic lac ñusan wocol cha'an machic lac sAt chΛ bΛ tyac an lac cha'an.

22 Wale mic subeñet: Mach la' pensalin. Tijicnisan la' pusic'al. Ma'ix mi quej la' sajtyel mi juntiquilic aunque mi quej la' sΛt la' barco.

23 La' wujil isujm i cha'añon Dios. Mic cha'liben i toñel ti pejtyel c pusic'al. SajmΛl ti ac'bΛlel Dios ti' choco tyΛlel ba'añon juntiquil ajtoñel i cha'an ch'oyol bΛ ti panchan.

24 Jini ti' subon: Mach a cha'len bΛq'uen, Pablo. AñΛch cha'an a mel a bΛ ba'an jini ñoj ñuc bΛ ye'tyel ya' ti Roma. Cha'an ti a caj Dios mi quej i cΛñΛtyan pejtyelelob añob wΛ' ti barco a wic'ot. Ma'an mi quej i sajtyelob ti ja'. Che' ti' subon jini tsa' bΛ i xiq'ui tyΛlel Dios.

25 Jin cha'an winicob, tijicnisan la' pusic'al. Mic ch'ujbin Dios. Cujil isujm mi quej i lu' cha'len bajche' ti' subon jini ajtoñel i cha'an tsa' bΛ i xiq'ui tyΛlel Dios ti panchan.

26 Ic' mi' wets'onla majlel. Mi quej i yΛq'uen i jats' i bΛ barco ti ñΛc' pañimil joyol bΛ ti ja'. Che' ti yΛΛ Pablo.

27 Cha'p'ejlix semana ti lojon c cha'le xΛmbal ti ja'. Che' jini ti c'otiyon lojon ti ja' Adria bΛ i c'aba'. Ac'bΛlelix. Ic' mi' wen wets'un barco. Ti xin ac'bΛlel jini xnijca barcojob ti queji i ña'tyañob Λc'Λlix mach c'ot ba'an lum.

28 Ti' p'isiyob bajche' tyamel an i ye'bal ja'. An treinta y seis metro i tyΛmlel. Che' ti ts'itya' bej majli ti' cha' p'isiyob. An veintisiete metros.

29 Ti' bΛc'ñΛyob i jats' i bΛ barco ti colem tyun. Jin cha'an ti' chocoyob ochel ti ja' chΛmp'ej colem tsucul tyaq'uin ya' ti yit' barco cha'an xuc'lec jini barco. Añob i pensal ti ñumi ac'bal. Jintyo ti' pijtyΛbeyob i sΛc'an cha'an i q'uelob bajche' añob.

30 Jini xnijca barcojob ti' pensaliyob i puts'el. Ti' ju'sayob saj barco ti ja'. Che' bajche' mi quejel i choc ochel ti ja' ya' ti' jol barco jini colem tsucul tyaq'uin mu' b_Λ i xuc'chocon barco ti' lolon cha'le.

31 Pero Pablo ti' sube jini capitán yic'ot soldadojob: Mi ti puts'iyob jini xnijca barcojob jatyetla mach coletla. Che' ti y_{ΛΛ} Pablo.

32 Jin cha'an jini soldadojob ti' tsepe i liajlel saj barco cha'an mi' p_Λye' majlel ic'.

33 Che' yomox s_Λc'an, Pablo ti' wen xiq'uiyob ti uch'el. Ti y_{ΛΛ}: C'_{ΛΛ}l cha'p'ej semana ma'an uch'emetla, ma'an w_Λyemetla.

34 Wale mic subeñet ti wocol t'an cha'an ts'itya' uch'iquetla. Ch'_Λch yom cha'an mi la' cha' tyaj la' wersa. Ma'an majch mi quej i sajtyel ti ja'. Ma'an majch mi quej i saj low i b_Λ. Che' ti y_{ΛΛ} Pablo.

35 Che' ñac ti ujt i y_Λle', Pablo ti' ch'_Λm_Λ waj. Ya' ti' tyojlelob ti' sube Dios wocox i y_{ΛΛ}. Che' jini ti' xet'e. Ti queji i c'uxe'.

36 Che' jini tijicña ti queji i yubiñob yaño' b_Λ. Ti queji i c'uxob i waj je'el.

37 Doscientos setenta y seis ya' añoñ lojon ti mal barco.

38 Ti uch'iyob jintyo ti wen ñaj_Λyob. Che' jini ti' chocoyob ochel ti ja' jini trigo b_Λ cuch_Λl tsa' b_Λ c_Λyle ti barco. Ch'_Λch ti' cha'leyob cha'an más sejb'ac barco.

Ti sujp'i barco

39 Che' ti s_Λc'_Λ, jini xnijca barcojob ma'an ti' c_Λñayob jini pañimil. Pero ti yilayob jump'ej i xow ja'. An cab_Λl ji' ya' ti ti' ja'. Jin cha'an ti' ña'tyayob mi ch'ujbi i y_Λc' ochel barco ya' ti xow ja'.

40 Ti' tsepbeyob i liajlel jini tsucul tyaq'uin mu' b_Λ i choc ochel ti ja' cha'an mi' xuc'chocon barco. Ya' ti' c_Λy_Λyob ti mal ja'. Ti' jitbeyob i liajlel jini tye' mu' b_Λ i c'Λñob cha'an i tyoj isan majlel barco. Ti' lets_Λyob colem pisil mu' b_Λ i chuque' ic' ya' ti' jol barco. Jini barco ti queji i l_Λq'ue' majlel ya' ti' ja'.

41 Ya' ti xiñil i xow ja' mu' b_Λ i laja jats'ob i b_Λ an che' bajche' saj wits p'uchul b_Λ ji'. I jol barco ti ts'Λp c_Λyle ti mal ji'. Mach ch'ujbi i saj nijcan i b_Λ. Jini ja' mu' b_Λ i laja chocob i b_Λ ti queji i ch_Λc jats' i yit barco. Ti queji i lu' tyop'el.

42 Jini soldadojob yom i ts_Λansañob jini xc_Λcholob cha'an machic puts'icob majlel ti ñuxejel.

43 Pero jini capitán yom i cotyan Pablo. Jin cha'an ma'an ti y_Λq'ue i ts_Λansañob. Ti' xiq'uiyob jini yujilob ñuxejel i chocob i b_Λ ti ja' cha'an c'otic ti lum.

44 Yic'ot jini yaño' b_Λ mi ts'uyty_Λlob majlel ti pam tabla o mi ti pam i xujt'il barco. Ch_Λ'_Λch ti lu' c'otiyob ti lum.

28

Pablo an ti joyol b_Λ ti ja' b_Λ lum Malta b_Λ i c'aba'

1 Che' ñac ti cojliyonla ti ja' jini quixtyañujob ti' subeyon lojon Malta i c'aba' jini pañimil.

2 Ti' wen p'unty_Λyon lojon jini quixtyañujob ya' b_Λ chumulob ya'i. An ja'al yic'ot cab_Λl ts_Λñal. Jin cha'an ti' tsuc'uyob c'ajc. Ti y_Λc'on lojon q'uixñisan lojon c b_Λ ya' ti c'ajc.

3 Pablo ti queji i motye' ty_Λquin b_Λ si'. Ti yots_Λ ti c'ajc. Ti loq'ui juncojt lucum ch_Λncol b_Λ i putstyan i ticw_Λjlel c'ajc. Ti c'uxle ti' c'Λb Pablo.

4 Che' ti yil_Λyob ya' ts'uyul lucum ti' c'Λb Pablo jini ya' b_Λ chumulo' ti' subeyob i b_Λ: Ajts_Λansa ili winiqui, ti lolon y_ΛΛyob. Aunque ti cojli ti ja' wale ma'ix mi quej i colel, che'ob.

5 Pablo ti' lij_cΛ ochel ti c'ajc jini lucum. Ma'an ch_Λ b_Λ ti' saj cha'le Pablo.

6 Ti' pijty_Λyob quixtyañ_ujob bajche' ora mi quej i sit'ojñel o mi quej i wa' sajtyel Pablo. Jal ti' pijty_Λyob. Pero ma'an ch_Λ b_Λ ti' cha'le i c'Λb Pablo. Jin cha'an ti' q'uexy_Λyob i pensal. Ti queji i lolon y_Λlob dios_Λch jini Pablo.

7 Publio b_Λ i c'aba' jini am b_Λ ñuc b_Λ ye'tyel ya' ti jini lum. L_Λc'Λl an yotyot ya' ba' ch_Λncol lojon ti q'ui_x. Ti' p_Λy_Λyon lojon ochel ti yotyot. Uxp'ej q'uin ya' ti ajniyon lojon. Ti y_Λq'ueyon lojon pejtyel ch_Λ b_Λ i c'Λjnibal lojon c cha'an.

8 C'am i tyat Publio. Mi yubin c'ajc yic'ot tya'. Pablo ti majli i jula'an. Ti' cha'le oración Pablo. Ti y_Λc'Λ i c'ab ti' pam jini xc'am'an. Ti wa' lajmi.

9 Cha'an ti' cha'le che' bajche' jini ti ty_Λli yamb_Λ xc'am'añob ya' b_Λ chumulob ti jini joyol b_Λ ti ja' b_Λ lum. Ti lajmiyob je'el.

Pablo mi c'otyel ti Roma

10-11 Ti y_Λq'ueyoñob lojon cab_Λl lojon c majtyan. Ya' ti lojon c ñus_Λ uxp'ej uw. Ya'an jump'ej barco ya' b_Λ ti' ñus_Λ i yorojlel ts_Λñal je'el. Che' jini ti ochiyon lojon ti jini barco. Ya' ti loq'ui ty_Λlel ti Alejandría. Che' cha' majlelix muc'on lojon ti barco ti y_Λq'ueyoñob lojon pejtyel ch_Λ b_Λ i c'Λjnibal lojon c cha'an. Ya'an ti' pat i jol barco i loc'om jini lutyob b_Λ cha'tiquil winic Cástor yic'ot Pólux b_Λ i c'aba' mu' b_Λ i diosiñob xnijca barcojob.

12 Ti c'otiyon lojon ti lum am b_Λ ti l_Λc'Λl ti' ja' Siracusa b_Λ i c'aba'. Ya' ti c_Λyleyon lojon uxp'ej q'uin.

13 Ti loq'uiyon lojon majlel ya'i. L_Λc'Λl ya' ti' ti' lum ti ñumiyon lojon majlel c'ΛlΛl ti c'otiyon lojon ti lum Regio b_Λ i c'aba. Ti yijc'Λlel ti queji ic' ty_Λlem b_Λ ti sur. Che' jini ti loq'uiyon lojon. Ti cha'p'ejlel b_Λ q'uin ti c'otiyon lojon ti mali lum Puteoli b_Λ i c'aba'. Ti loq'uiyon lojon ti barco.

14 Ya' ti lojon c tyaja ochemo' b_Λ ti' t'an Dios. Ya' ti' subon lojon c_Λty_Λ jump'ej semana. Che' jini ti loq'uiyon lojon majlel ti bij c'ΛlΛl ti Roma.

15 Jini ochemo' b_Λ ti' t'an Dios ya' ti Roma ti yubiyob ti alol che' añonix lojon ti bij. Ti majliyob i tyajon lojon ty_Λlel ti bij. C'ΛlΛl ti loq'uiyob ty_Λlel ti Foro de Apio yic'ot Tres Tabernas b_Λ i c'aba' b_Λ lum. Che' ñac Pablo ti yil_Λyob ti' sube Dios wocox i y_ΛΛ. Ti cha' tijicniyi i pusic'al Pablo.

16 Che' ñac ti c'otiyon lojon ti Roma jini ñuc b_Λ soldado ti y_Λc'Λ x_cΛcholob ti' c'Λb jini am b_Λ ye'tyel mu' b_Λ i c_Λñ_Λtyañob. Pero ti y_Λc'Λyob ti bajñel chumty_Λ Pablo yic'ot juntiquil soldado mu' b_Λ i c_Λñ_Λtyan.

Pablo mi' cha'len subt'an ti Roma

17 Ti yuxp'ejlelix q'uin i c'otyel Pablo ti' xiq'ui ti p_Λyol jini israelob año' b_Λ ye'tyel ti templo ya' ti Roma. Che' ñac ti' much'quiyob i b_Λ Pablo ti y_ΛΛ: Pi'Λlob, ma'an ch_Λ b_Λ tic cha'le ti' contra israelob, mi ti' contrajic bajche' i ty_Λlel mi' ch'ujbiñob lac yumob ti ñoj oniyix. Ya' ti' chucuyoñob ya' ti Jerusalén. Ti y_Λc'Λyoyñob ti' c'Λb romanojob.

18 Pero che' ñac ti yΛc'oñob c mel c bΛ ma'an ti tyajayob c mul. Yom i coloñob. Como ma'an chΛ bΛ och mi yΛc'oñob ti tsΛnsΛntyel cha'an mic xot' c mul.

19 Pero jini israelob ma' ti yΛc'Λyon ti colol. Jin cha'an tic wersa c'ajtibe c mel c bΛ wΛ' ba'an jini ñoj ñuc bΛ ye'tyel wΛ' ti Roma aunque ma'an chΛ bΛ mic sub ti' contra c pi'Λlob tic lumal.

20 Tic pΛyΛyet tyΛlel cha'an mij q'ueletla cha'an mic pejañetla. WΛ' mi la' q'uelon cΛchΛlon ti cadena cha'an ti caj tic ch'ujbi jini chΛncol bΛ i pijtyan israelob. ChΛncol i pijtyañob cha'an Dios mi quej i tyech loq'uel sajtyemobix bΛ.

21 Che' jini ti' subeyob Pablo ya' bΛ much'quibilob: Ma'an ba' jul mi jump'ejlic jun tsa' bΛ i choco tyΛlel quixtyañujob ya' ti Judea mu' bΛ i tyajet ti t'an. Mi jinic lac hermañujob ya' bΛ ch'oyolob ma'an chΛ bΛ mi yΛlob. Ma'an ba' i niq'ui suboñob ti a contra.

22 Lojon kujil isujm ti jujump'ej lum mi' ts'a'q'uelob mu' bΛ i ch'ujbin jini tsiji' bΛ t'an. Jin cha'an com lojon cubin a t'an bajche' ma' pensalin jatyet. Che' ti' subeyob Pablo jini ñuco' bΛ ye'tyel ti templo israelob.

23 Che' jini ti yΛΛayob chΛ bΛ ti q'uin mi quej i cha' much'quiñob i bΛ. Ti jim bΛ q'uin i yonlel ti' much'quiyob i bΛ ya' ba'an Pablo. C'ΛΛΛ ti sac'an c'ΛΛΛ ti ic'Λ Pablo ti' sube cha'an i yumintyel Dios. Xuc'ul ti' lu' subeyob cha'an i ch'Λmeñob isujm bajche' mi yΛl ti mandar Moisés yic'ot bajche' ti yΛΛ jini tsa' bΛ i xiq'ui yΛle' Dios ti ñoj oniyix cha'an Jesús.

24 Lamital ti' ch'ujbi bajche' ti subentiyob. Yaño' b_Λ ma'an ti' ch'ujbiyob.

25 Mach junlajal yom i yubiño_b. Ti queji i sujtyelob. Pero colex i sujtyelob, Pablo ti' subeyob: Weñ_Λch ti' subeyob lac yumob ti ñoj oniyix jini Ch'ujul b_Λ i Ch'ujlel Dios ti ti' jini tsa' b_Λ i xiq'ui y_Λle' Dios Isaías b_Λ i c'aba'.

26 Dios ti' sube Isaías:
Cucu ba'an quixtyañujob. Ch_Λ'_Λch ma' subeño_b bajche' jini: Dios mi y_Λ:
Melel_Λch mi la' ch_Λc ubin pero ma'an mi quej la' ch'_Λm'en isujm.

Melel_Λch mi la' ch_Λc q'uel pero ma'an mi quej la' ña'tyan ch_Λ b_Λ mi la' q'uel.

27 Jini quixtyañujob tsa'ix i ts_Λtsis_Λyob i pusic'al cha'an ma'an mi' ch'_Λm'en isujm.

Ma'an mi' ñ_Λch'tyaño_b como mach yom i yubiño_b melel b_Λ.

Muts'ulob i wut yubil
ame mi yilaño_b ti' wut,
ame mi yubiño_b ti' chiquin,
ame mi' ch'_Λmeño_b isujm ti' pusic'al,
ame mi' q'uexob i pusic'al cha'an mi c_Λq'ueño_b i coty_Λntyel.

Che' ti y_Λl_Λ Dios ti ti' Isaías.

28 Wale c'_Λl_Λ jalaj mi quej i subentyelob i t'an Dios jini mach b_Λ israelob. Mi quej i ñ_Λch'tyaño_b. Che' ti y_Λl_Λ Pablo.

29 Che' ñ_Λc ti y_Λl_Λ Pablo che' bajche' jini, ti loq'uiyob majlel jini israelob. Ti quejiyob ti cab_Λl ts_Λts b_Λ t'an.

30 Pablo ti c_Λyle cha'p'ej jab ya' ba' ti ochi. Tijicña ti' pejc_Λyob majchical tsa' b_Λ c'oti i jula'an.

³¹ Ma'an majch ti' tiq'ui i jula'antyel. Wen ch'ejl ti' sube quixtyañujob cha'an i yumintyel Dios yic'ot ti' c_{ANTIS}Δyob cha'an lac Yum Jesucristo.

Jini wen b^Λ t'an
New Testament in Chol Tila; ctu (MX:ctu:Chol)

copyright © 1976 Wycliffe Bible Translators, Inc.

Language: Chol

Translation by: Wycliffe Bible Translators

Contributor: Wycliffe Bible Translators, Inc.

Chol, Tila [ctu], Mexico

Copyright Information

© 1976, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chol

© 1976, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 21 Feb 2024 from source files
dated 29 Jan 2022
d90ef338-c9d2-52d6-8860-8085bf107fc1